

易林序

大凡變化象數莫逃乎易惟人之情  
偽最爲難知筮者尚占憂者與處貢  
明且哲乃畱其術俞巖耕東鄙自前  
困蒙客有枉駕蓬廬以集辭數軸出  
示俞嘗讀班史列傳及歷代名臣譜

系諸家雜說之文盛稱自夫子授易於商瞿僅餘十輩延壽經傳於孟喜固是同時當西漢元成之間凌夷厥政先生或出或處輒以易道上干梁王遂爲郡察舉詔補小黃令而邑中隱伏之事皆預知其情得以寵異蒙

遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齋潔精專舉無不中而言近意遠易識難詳不可瀆蒙以爲辭費後之好事如君行者則子雲之書爲不朽

易林序  
二之  
矣岿聖唐會昌景虞歲周正主白靈  
越之雲溪漢王俞序

易林總評

鍾伯敬曰焦延壽用韻語作易占蓋倣古繇辭如鳳凰于飛和鳴鏘鏘之類也其語似讖似謠似諱似隱似寓似脫異想幽情深文急響取其靈警奇奧可純乎四言者以存漢詩一派

又曰易林以理數立書文非所重然其筆力之高筆法之妙有數十百言所不能盡而藏裏回翔於一字一句之中寬然有餘者其鍛鍊精簡未可謂無意爲文也

陳明卿曰易林天下奇書也好古之士與太玄並讀  
余謂太玄以有意為奇易林以自然足貴

易林終

易林總目

卷一

乾

坤

屯

蒙

需

訟

師

比

小畜

履

泰

否

同人

大有

NATIONAL CENTRAL LIBRARY, TAIWAN, R.O.C.

謙

豫

卷二

隨

蠱

臨

觀

噬嗑

賁

剝

復

无妄

大畜

頤

大過

坎

離

卷三

咸

恒

遯

大壯

晉

明夷

家人

睽

蹇

解

損

益

夬

姤

萃

升

困

卷四

井

革

鼎

震

艮

漸

歸妹

豐

旅

巽

兌

渙

節

中孚

小過

既濟

未濟

目錄終

易林

目錄

三



國家圖書館, NATIONAL CENTRAL LIBRARY, TAIWAN, R.O.C.



上經考異

今考定同人之自屯至否十卦不同閣本今附于此

屯

螟虫爲賊害我嘉穀中畱空虚家無所食

蒙

跛躄難步道不及舍宿澤被亡其襦露袴

需

大夫祈父无地不涉爲吾相土莫如韓樂可以  
居止長安富有

訟

少孤无父長失慈母悖悖熒熒莫與爲耦

師

側弁醉客長舌作凶披髮夜行迷亂相誤亡失



居處

比 馬驚車破玉墜深津身絕竟去離其室廬貞難  
无虞

小 畜 東行述職征討不服侵齊伐陳銜璧爲臣大得

意還

履 百足俱行相輔爲強三聖翼事王室寵光

泰 根本不固華落葉去更爲孤嫗

否 牧羊稻園脊虎聲喧畏懼怵惕終无禍焉

上經考異終

易林紀驗

宣和末長慶福崔相公任州日其時晏清無事思此  
聖書虔誠自卜得大過卦云典冊法書藏在蘭臺雖  
遭亂潰獨不遇災之遯卦辭曰坐席未溫憂來扣門  
踰牆北走兵來我後脫於虎口其時卜後十日州亂  
崔相公踰牆而出家族不損無事歸京乃知此書賢  
人所製初雖難會後詳無不中節見者當所重重黃  
金自貴未能蒙於此書

紹興未完顏亮入寇時有人以雋貢易林筮遇解之

大壯其辭曰駙胡火形造惡作凶無所能成遂自滅  
身其親切應驗如此雖天網淳風不能過也開闢以  
來惟亮可以當之延壽著書何以知後世有亮也其  
漢雋延壽傳易於孟喜行事見儒林傳中此其所著  
書也費直題其前曰六十四卦變又有唐王俞序所  
書每卦變六十四總四千九十六首皆爲韻語與左  
氏傳載鳳凰于飛和鳴鏘鏘漢書所載大橫庚庚子  
爲天王之語絕相類豈古之卜者有此等書耶沙隨  
程迥記

紀驗終

焦氏易林卷一

漢 焦贛著 景陵鍾惺評閱

乾之第一

乾 道陟多阪胡言連蹇譯瘠且聾莫使道通請謁  
不行求事無功

坤 招殃來螫害我邦國病傷手足不得安息

屯 陽孤亢極多所恨惑車傾蓋亡身常憂惶乃得  
其願雌雄相從

蒙 鵠鵠鳩鳩專一無尤君子是則長受嘉福

需 目矚足動喜如其願舉家蒙寵

訟 龍馬生山絕無水泉喉焦唇乾舌不能言

師 倉盈庾億宜種黍稷年豐歲熟民人安息一作國家

富有人民蕃息與比之升同坤之恒

比 中夜犬吠盜在墻外神明祐助消散皆去

畜小 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與坤同

否 載日晶光駿駕六龍祿命徹天封為燕王

同人 子號索哺母行求食反見空窠訾我長息

大有 上帝之生福祐日成脩德行惠樂且安寧

謙 山險難登澗中多石車馳轄擊載重傷軸擔載

差躓踈跌右足

豫 禹鑿龍門通利水源東注滄海民得安從一作存

隨 乘龍上天兩蛇為輔湧躍雲中遊觀滄海民樂

安處

蠱 彭祖九子據德不殆南山松栢長受嘉福

臨 南山昊天刺政閔身疾悲無辜背憎為仇

觀 江河淮海天之奧府衆利所聚可以饒有樂我

君子

嗑噬 堅冰黃鳥常哀悲愁不見其粒但見藜蒿數驚

鷲鳥爲我心憂

賁 室如懸磬旣危且殆早見之士依山谷處

剝 大禹戒路虫尤除道周匝萬里不危不殆見其

所使無所不在

復 三人爲旅俱歸北海入門上堂拜謁主母飲勞

我酒

无妄 傳言相誤非于徑路鳴鼓逐狐不知跡處

大畜 三年爭妻相逐奔馳終日不食精氣勞疲

大頤 純服黃裳戴上以興德義旣生天下歸仁

大過 桀蹈並處人民愁苦擁兵荷糧戰於齊魯

坎 黃鳥來集旣嫁不答念我父兄思復邦國

離 胎生孚乳長息成就充滿帝室家國昌富

咸 三人求橘反得大栗女貴以富黃金百鎰

恒 東山西岳會合俱食百家送從以成恩福

遯 眇雞無距與鵠交鬪翅折目盲爲鳩所傷

壯大 郤大墻壞蠹衆木折狼虎爲政天降罪罰高弑  
望夷胡亥以斃

晉 三癡俱走迷路失道惑不知歸反入患口

明 夷 弓矢俱張把彈折弦左發不至道遇害患

人家 三女求夫不見復關伺候山隅長思憂歎

睽 陽旱炎炎傷害禾穀稽人無食耕夫嘆息

蹇 騎狉逐羊不見所望徑涉虎廬亡羝失羔

解 暗昧冥語相傳詿誤鬼魅所舍誰知卧處

頤 姬姜祥淑二人偶食論仁儀福以安王室

益 公孫駕驪載聘東齊延陵說產遺季紵衣

夬 孤竹之墟失婦亡夫傷於蒺藜不見少妻東郭

崇姜武氏以亡

姤 仁政不暴鳳凰來舍四時順節民安其處

萃 任劣力薄孱鴛恐怯如蝟見鵲不敢拒格

升 衛侯東遊惑於少姬亡我考妣久逝不來

困 尊尊所言莫如我垣歡喜堅固可以長安

大有之屯

井 鼃鳴岐山鼈應山淵男女媾精萬物化生文王

以成爲開周庭

革 玄黃虺隤行者勞疲役夫憔悴踰時不歸

鼎 弱足別跟不私出門市賈不利折亡為患

震 懸貍素餐居非其安失輿剝廬休坐徒居

艮 民怯伐惡姦人所伏寇賊大至入我邦郭妻子

係獲 一本為 歸妹辭

漸 陽低頭陰仰首木為凶傷我寶進不利生其子

歸妹 背北相憎心意不同如火與金 一本為 艮辭

豐 太微帝室黃帝所值藩屏固衛不可得入常安

無患

旅 蕭粟犧牲敬享鬼神嗜飲食受福多孫

巽 出門逢惡為患為怨更相擊刺傷我手端

兌 鷁飛中退舉事不進宋人亂潰

渙 跛躄相隨日暮牛罷陵遲後旅失利亡雌 泰之 復同

節 龍角博顛位至公卿世祿久長起動安寧

中孚 舜升大禹石夷之野徵詣王庭拜治水土 師之 小畜

同

小過 從風放火荻芝俱死三害集房叔子中傷

既濟 梗生荆山命制輪班袍衣剝脫夏熱冬寒飢餓

枯槁衆人莫憐

未濟 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼醜毒爲國災患

需 霜降閉戶蟄蟲隱處不見日月與死爲伍小畜之解

訟 天之德室溫仁受福衣裳所在凶惡不起

師 皇陛九重絕不可登謂天蓋高未見王公

比 孔德如玉出於幽谷飛上喬木鼓其羽翼輝光

照國

小畜 五範四軌復得饒有陳力就列騶虞悅喜履疑衍四

足無角君子所服南征述職以惠我國

履 敝笱在梁魴逸不禁漁父勞苦連室乾口

泰 雷行相逐無有攸息戰於平陸爲夷所覆

否 六龍爭極服在不飾謹慎管鑰結禁無出

同人 長男少女相向共語析薪在尅福祿歡喜

大有 遷延惡人使德不通炎火為殃禾穀大傷  
謙 脩其翰翼隨風向北至虞夏國與舜相得年哉

大樂邑無盜賊

豫 鈎刀攻玉堅不可得盡我筋力眠繭為疾 比之大過

隨 舉袂覆目不見日月衣裳簋簋就長夜室 泰之臨同

蠱 賊人傷德大怒不福斬刈宗社失其邦國

臨 白龍赤虎戰鬪俱怒蚩尤收之死於魚口

觀 北辰紫宮才 和建德常受天福 需之夫坤

之解 俱同

嗑 稷為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 衆尤所逐反作光怪九身無頭鬼驚鬼去不可

以居

光 延頭遠望昧為目病不見叔姬使伯心憂

大 畜 典冊法書藏在蘭臺雖遭亂潰獨不遇災 大有之恒

順 自衛反魯時不可與冰炭異室仁道隔塞

大 過 瘤瘦禿疥為身瘡害疾病癢殘常不屬遠



坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安 此之 盪貴

之 睽

咸 膏澤肥壤農人豐敞利居長安歷世無患 乾之 師比

之 升

恒 倉盈庾億宜種黍稷年豐歲熟民得安息

遯 鳴鴉破斧邦人危殆賴旦忠德轉禍為福傾危

復立

大 歲飢無年虐政害民乾溪驪山秦楚結冤

晉 柳潔累累締結難解嫫母銜嫁媒不得坐自為

身禍

明 警陴開門鶴鳴彈冠章甫進用舞韶和鸞三人

翼事國無災患

家人 姊妹本居與類相扶願慕群醜不離其友

睽 耶郢反言父兄生患涉此憂恨卒死不還

蹇 三人逐兔各爭其得愛妾善走多獲其子

解 北辰紫宮衣冠立中舍和建德常受天福 坤之 觀需

之 解

損 拜跪請免不得其哺俛首銜枚低頭北去

益 鶴盜我珠逃於東隅求我郭墟不見所居

夬 一箕兩舌妄言謀款三姦成虎曾母投杼

妬 一伯虎仲熊德義洵美使布五穀陰陽順序一作孤獨

特處莫與為旅身自勞苦使布五穀陰陽順序

萃 寒衣涉河澗流浚多賴遇舟子濟脫無它

升 憑河登山道路阻難求事少便

困 兔置之容不失其恭和謙致樂君子攸同

井 三女求夫伺候山隅不見復關泣涕漣洳

萃 螟蟲為賊害我五穀篋笥空虛家無所食需之明夷

鼎 望尚阿衡太宰周公藩屏輔弼福祿來同

震 三年生狗以成戌母荆夷上侵姬伯出走需之訟否

之姤

艮 塗回道塞求事不得

漸 探懷得蚤所愿失道一本下有無有憂善居漸好

歸 飛蟻遇道趾多攪垣居之不安覆厭為患

豐 義不勝情以欲自傾幾危利寵折角摧頸

旅 潼滃蔚蒼扶首來會津液下降流潦滂霈

巽 白駒生芻猗猗盛姝赫誼君子樂以忘憂

兌 車馳人趨卷甲相仇齊魯寇戰敗於大丘

渙 舉首望城不見子貞使我悔生

節 龍鬪時門失理傷賢內畔生賊則生禍難

中 安如泰山祿祐屢臻雖有豹虎不敢危身

小 初憂後喜與福為市八佾列陳飲御嘉友 訟之坎

既 持刀操肉對酒不食夫行從軍少子入獄抱膝

獨宿

未 陰衰老極陽建其德履離戴光天下照明功業

不長蝦蟇代王 否之无妄大有之臨

屯之第三

屯 兵征大宛北出玉關與胡寇戰平城道西七日

絕糧身幾不全

乾 汎汎栢舟流行不行耿耿寤寐心懷大憂仁不

逢時復隱窮居

坤 採薪得麟大命隕顛豪雄爭名天下四分 豫之未濟

蒙 山崩谷絕大福盡竭涇渭失紀玉曆盡已

需 夏臺羨里文王所厄鬼侯輸賄商王解合

訟 泥津汙辱棄捐溝瀆所共笑哭終不顯錄

師 李梅冬實國多盜賊擾亂並作君不得息

同人

比 獐鹿逐牧飽歸其居反還次舍無有疾故

訟之小畜

畜小 夾河為婚期至無船滯心失望不見所歡

履 百足俱行相輔為強三聖翼事王室寵光

比之无妄

泰 坐位失處不能自居調攝違和陰陽顛倒

否 登几上與駕駟南遊合從散橫燕秦以強

同人 三系維繫無益於輔域弱不守郭君受討

大 河伯大呼津不得渡船空無人往來亦難

豫 甘露醴泉太平機關仁德感應歲樂民安

歸之兌

重茵厚席循高採藿雖躡不懼後反其宅

又云後墮

高木痺跛手足保我金玉還歸其室

隨 太乙駕騶從天上來徵我叔季封為魯侯無有

凶憂 需之比否之大壯

蠱 南已大安石斛戟天所指不已已老復一將盍

乃嫁墟蔽室舊更為新家

臨 家給人足頌聲並作四夷賓伏干戈韜閣

一作觀卦

觀 東隣嫁女為王妃后莊公築館以尊主母歸於

京師季姜悅喜

一作臨卦  
否之既濟

噬

陳媯敬仲兆興齊姜營丘是適八世大昌

姤之  
姤比

之  
豫

賁

路多枳棘步刺我足不利旅客為心作毒

損卦  
同

剝

天官列宿五神室屋空門完堅君安其居

復

牧羊稻園聞虎呻喧懼畏惕息終免禍患

否之  
節

九

鳴條之災北奔大胡左袵為長國號匈奴主君

旄頭立尊單于

身潔已逢禹巡狩錫我玄圭拜受錫佑

履

冬華不實國多盜賊疾病難醫鬼哭其室

大

襄送季女至於蕩道齊子已女留連久處

坎

朽根倒樹花葉落去卒逢火焱隨風偃什

離

陰變為陽女化作男治道得通君臣相承

咸

炎絕續光光滅復明簡易理得仍成乾功

恒

多載重負捐棄於野王母誰子但自勞苦

遯

江河海澤衆利安宅可以富有飲御嘉客

大

冬採薇蘭地凍堅難利走東北暮無所得

晉

烏鵲嘻嘻天火將起燔我室屋災及妃后

易林 卷一 二  
明夷 蠶室蜂戶螫我手足不可進取爲身害咎  
夷之  
人家 崔嵬北獄天神貴客溫仁正直主布恩德開示  
不已蒙受大福

睽 伯蹇叔盲莫與守牧失我衣裘代已除服

蹇 爲季求婦家在東海水長無船不見欣歡

解 山陵丘墓鬼鬼失舍精神盡竭長寢不覺

損 蹄牛失角下山傷軸失其利祿過在誰孰

益 水戴船舟無根以浮往來溶溶心勞且憂

有鳥來飛集于宮樹鳴聲可惡主將出去

姤 東徙不時觸患離憂并泥無濡思叔舊居

萃 黃帝所生伏羲之宇兵刃不至利以居止  
履之家人

升 東山極亂處婦思夫勞我君子役使休止

困 跛躓未起失利後市不得鹿子

井 大蛇當路使我畏懼湯火之災切近我膚賴其

天幸趨於主廬  
損之比

革 從容長閑遊戲南山拜祠祀神神使免患  
一作震卦

鼎 區脫康居慕仁入朝湛露之歡三爵畢恩復歸

野廬與母相候

震 龜鱉列市河海饒有長財善賈商季悅喜一作華卦

艮 年常蒙慶今歲受福三伏採芭出君有得

漸 二人俱東道路爭訟意乖不同使我凶凶

歸 樹栽藿荳為鹿兔食君不慎護秋無收入

豐 黃鳥悲鳴愁不見星困於鷺鷥使我心驚

旅 雙鳧俱飛欲歸稻池經涉荏澤為矢所射傷我

育臆 音之

巽 久客無休思歸故鄉霖雨盛溢道未得通

无 道路僻除南至東遼衛子善辭使國無憂

漁 同枕共袍中年分去價少無利獨居愁思

節 眾神集眾相與議語南國虛亂百姓愁苦興師

征討更立賢主小畜之豫

中孚 北陸閉蟄隱伏不出日盲耳聾道路不通

小過 痴狂妄作心誑善惑迷行失路不知南北

既濟 棟隆軸強寵貴日光福善並作樂以高明

未濟 愛我嬰女率衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海爲水王聰聖且明百流歸德無有畔逆常饒  
優足損之履

坤 天之所祐禍不過家左輔右弼金玉滿匱常盈  
不亡富如厥倉

屯 安息康居異國穹廬非吾習俗使我心憂

需 范公陶夷善賈飾資東之營丘易字子皮把珠  
載金多福利歸

訟 老楊日衰條多枯枝爵級不造遂乃摧墮秦之威

師 小狐渡水汗濡其尾稍得其幾與道合符

比 豕生如魴鼠舞庭堂雄俟施姜上下昏黃君失  
其邦

小畜 天地配亨六位光明陰陽順序以成厥功訟之震

履 蹀躞足傷右指病癰失旅後時利不走歸

泰 思體曰恩各有所屬西隣孤媪欲寄我室主母  
罵詈求子不得

否 操糶鄉畝祈貸稷黍飲食充口安和無咎

同人 新受大寵福祿重來樂且日富豪變得財

大有 舉盃飲酒指宜失取無益溫寒亡利不權



謙

日月相望光明盛昌三聖茂承功德大隆

師之節不

之責

豫、猾夫爭強民去其鄉公孫叔子戰於城南

隨、猿墮高木不踐手足保我全生還歸其室

否之臨蠱

之豫訟之艮

蠱、逐狐東山水遇我前深不可涉失利後便

臨、鑿井求玉非卞氏寶名困身辱勞無所得

觀、黃玉溫德君子所服甘露溥暑萬物生茂

虛、盡龍頭頸文章不成甘言美語說辭無名

賁、扞禍致凶來弊我邦病在手足不得安息

剝、履位束勢靡有絕斃費為隸圖與衆庶伍

復、獐鹿雉兔羣聚東園盧黃白春俱往追逐九辭

十得君子有喜

无妄、織金未成緯盡無名長子逐兔鹿失先路見利

不得

大畜、天厭周德命與仁國以禮靖民兵革休息

重譯置之來除我憂善說遂良與喜相求

大過、膏澤肥壤人民安樂宜利俱止長安富有

坎 白龍黑虎起鬚暴怒戰於版泉蚩尤敗走居止

不殆君安其所同人之比

離 抱關傳言聾跛摧筋破賊無災不安其所

小畜之井

咸 憂禍解除喜至慶來坐立歡門與樂為鄰

恒 折鋒載爰與馬放休符軍褒營天下安寧

遯 至德之君仁政且溫伊呂股肱國富長安

壯 千里望城不見青山老兔蝦蟆遠絕無家

晉 有莘季女為夏妃后貴夫壽子母於四海

明 不虞之患禍至無門奄忽暴卒痛傷我心

人 飛鷹退去不食雉雞憂慮心解君主安居

睽 匪蹉側跌申酉為祟亥戌滅明顏子隱藏

蹇 司錄憑怒謀議無道商民失政殷人乏祀

解 望雞得雛求馬獲駒大德生少有廖從居

損 切切恒恒如將不活黍稷之恩靈輒以存獲生

益 莫莫輯輯夜作晝匿謀議我資來攻我室空盡

我財幾無我食

夫 天之所壞不可強支衆口遭笑雖貴必危

姤 目動頰矚喜來加身舉家蒙歡吉利無殃

萃 龍羨芬香染指拂裳口飢打手公子恨讒

升 天福所艷兆知飛龍成予得志六二已興

困 氓伯以婚抱布自媒棄禮急情卒罹悔憂

井 夏姤親附心聽悅喜利以博取無言不許

革 南山旻天刺政閔身疾悲無辜背憎為仇一作良卦

鼎 三人為旅俱歸北海入門上堂拜謁王母勞賜

我酒

震 陽淫旱病傷害稼穡喪刈病來農人無食一作井卦

艮 攫飯把肉以就口食所往必得無有虛乏一作革卦

漸 鳥飛無翼兔走折足雖欲會同未得已惑

歸妹 體重飛難不得踰關行坐憂愁不離室垣

豐 四雄並處人民愁苦擁兵東西不得安所

旅 譯重開牢求解已憂心感乃成與善俱居

巽 慮解憂除王母相予與喜俱來使我安居

兌 冬生不花老女無家霜冷蓬室競為枯株

渙 震慄恐懼多所畏惡行道留難不可以涉

節 三夫共妻莫適為雌子無名氏翁不可知

中孚 早凋被霜花葉不長非時為灾家受其殃

小過 雉兔之東狼虎所食貪饕凶惡不可止息

既濟 馬驚破車王墮深溝身死魂去離其室廬

未濟 山林麓藪兆人所往鳥獸無禮使我心苦

需之第五

需 久旱三年草木不生粢盛空乏無以供靈

乾 火滅復息君明其德仁人可遇身受利祿

坤 溫山松栢常茂不落鸞鳳所庇得其歡樂

屯 四誅不服恃強負力倍道趨敵師徒敗覆

益之同人

蒙 三塗五岳陽城大室神明之保獨無兵革

言 三年生狗以戌其母荆夷上侵姬伯出走

坤之震否

之婚

師 鳧遊江海没行千里以為死亡復見空桑長生

樂鄉

比 太乙駕騶從天上來徵君叔季封為魯侯無有

凶憂 屯之隨否之大壯

小畜 任宿獨居寡處無夫陰陽失志為人僕使

履 兵征大宛北至玉門與胡寇戰平城道西七日

絕糧身幾不全

與屯同

秦 楚靈暴虐罷及民力禍起乾溪棄疾作毒扶杖  
奔逃身死亥室

否 雌單獨居歸其本巢毛羽憔悴志如死灰

同人 兩矛相刺勇力鈞敵交援結和不破不缺

交援名進

兵也

大有 乘船濟渡載水逢火賴行免禍蒙我生全  
謙 喪寵益尤政傾家覆我宗失國秦滅周室  
豫 冬無藏兵春旺不通陰流爲賊國彼其殃

陸 田鼠野雞意常欲逃拘制籠檻不得動搖

蠱 佩玉藻兮無所繫之吉酒一盛莫與笑語孤寡  
獨特常愁憂苦

臨 沒游源口求鮫爲室家危自懼復出生道

觀 河水孔穴壞敗我室水深無岸魚鱉傾倒

噬 教羊牧兔使魚捕鼠任非其人費日無功

賁 升戶入室旣温煖食冰凍北陸寒不得賊

剝 孤竹之墟失婦亡夫傷於蒺藜不見少妻東郭

棠姜武氏破亡

乾之

復 凶禍災殃日益明彰福不可釐三郤夷傷

无妄 載璧秉珪請命于河周公尅敏冲人瘳愈

大畜 烏飛鵲舉照臨東海龍降庭堅為陶叔後圭析

英雄履福綏厚謙之 頤同

頤 危坐至暮請求不得膏澤不降政戾民惑

大過 宜昌娶嬪東家歌舞宴樂有緒長安嘉喜

坎 鑿井求玉非卞氏寶名困身辱勞無所得蒙之 臨

離 鵠思其雄欲隨鳳東順理羽翼出次日中須留

北邑復及其室

比 早霜晚雪傷害禾麥損功藥力飢無所食比之 蹇

恒 蝠螺生子深目黑醜雖飾相就衆人莫取恒 二

遯 去如飛鴻避凶直東遂得全脫與福相逢遯 三

大壯 婚姻合配同枕共牢以降休嘉子孫封侯

晉 咸陽辰巳長安戌亥丘陵生止非魚鱸市不可

道阻終無悔咎

夬 蟻蟲為賊害我五穀篋筥空虛家無所食坤之 革

家人 謀恩拜德東歸吾國慷慨宴笑歡樂有福

睽 齋具贖狸不聽我辭係於虎鬚牽不得來否之 革

蹇 比目附翼歡樂相得行止集同終不離忒

解 一指食肉口無所得染其鼎鼐舌饒於腹

損 曳綸汙洲釣掛魴鯉公孫得利以享仲友

益 商紂牧野顛敗所在賦歛重敷黎元愁苦

夬 北辰紫宮衣冠立中舍和達德常受天福

坤之觀後

之需

姤 輕戰尚勇不知兵權為敵所制征師北奔

萃 大口宣舌神使伸言黃龍景星出應德門興福

上堂天下安昌

大有之盛

升 凶子禍孫把劍向門凶訟觀聳驚駭我求

一作訟

困 祝伯善言能事鬼神辭祈萬歲使君延年

井 珪璧琮璋執贄見王百里寧戚應聘齊秦

否之訟

萃 昧且乘車履危蹈滿亡夫裙襦摧折兩軸

鼎 膠着木通不出牛欄斯饗羔羊家室相安

震 卷舌遁世仁德不舍三聖攸同周家茂興

艮 黍稷禾稼垂秀方造中旱不雨傷風枯槁

漸 冠帶南遊與福喜期邀於嘉徵拜為公卿

歸 一策九子同公共母柔順利貞出入不殆福祿

所在

豐 韓氏長女嫁於東海多貌美好宜家富壽利得  
十倍

旅 因禍受福喜盈我室先人後已所願必得

異 晉平有疾迎醫秦國病乃大秘分爲兩豎逃匿  
盲上伏於膏下和不能愈

允 豺飛門啓患憂大解脩福行善不爲身禍同人

渙 追亡逐北呼還稚叔至止而得反其室廬  
節 鳥鳥葭端一呼三顛動搖東西危慄不安疾病

無患

乎中 龍化爲虎泰山之陽衆多從者莫敢救藏  
過小 焱風忽起車馳竭竭棄名追亡失其和節憂心

惓惓

既濟 遊居石門祿安身全受福西隣歸飲玉泉

未濟 登高上山見王自言申理我寃得職蒙恩比之  
同

訟之第六

訟 文巧俗弊將反大質僵死如麻流血漂橈皆知



其母不識其父干戈乃止

乾 文王四乳仁愛篤厚子畜十男無有夭折

坤 日入望車不見子家長女無夫左手搔頭

屯 東上泰山見堯自言申理我冤以解憂患

蒙 奎軫湯湯過角宿房宜時布和無所不通

需 引髯牽鬚雖懼無憂王母善禱禍不成災

師 鳧得水沒喜笑自啄毛羽悅澤利以攻玉公出

不復栢氏容宿

比 水流趨下欲至東海求我所有買魴與鯉

小畜 獐鹿逐牧安飽其居反還次舍無乃疾故屯之比

履 樹植藿豆不得芸鋤王事靡盬秋無人收

泰 弱水之西有西王女生不知老與天相保行者

危殆利居善喜

否 數窮廓落困於歷室幸登玉堂與堯侑食

同人 子鉏執麟春秋作陰元聖將終尼父悲心

大有 尹氏伯奇父子生離無罪被辜長舌所爲

謙 播木折枝與母別離九臯難和絕不相知

豫 駉雞無距與鵠格鬪鉗折目盲爲鳩所傷復歸  
野廬與母相扶

隨 甲乙丙丁俱歸我庭三丑六子入門見母

蠱 桑葉螟蠹衣敝如絡女工不成絲布爲玉

臨 開牢闢門巡狩釋寃夏臺羨里商文悅喜

觀 欽明之德坐前玉食必保嘉善長受安福

嗑 武夫司空多口爭訟金火當戶民不安處年飢

無有

黃 紫闕九重尊嚴在中黃帝堯舜履行至公冠帶

垂衣天下康寧

剝 負牛上山力少行難烈風雨雪遮遏我前中道

復還憂者日歡

復 寒兔缺唇行難齒寒口痛不言爲身生患

合體比翼喜耦相得與君同好使我有福

憤憤不脫憂從中出喪我寶具亡妾失位

兩心不同或從西東明論終日莫適我從

啞啞笑言與喜飲食長樂行觴于秋起舞拜受

大福

坎 初憂後喜與福爲市八佾列陳飲御諸友坤之小過

離 西徙無家破其新事王孫失利不如止居

咸 鳳凰在左麒麟處右仁聖相遇伊呂集聚時無

殃咎福爲我母

恒 區脫康居慕仁入朝湛露之歡三爵畢恩復歸

舊廬否之坎

遯 疾貧望幸使伯行敗賈販市井開牢擇羊喜得

大祥

處高不傷雖危不亡握珠懷玉還歸其鄉

右手棄酒左手收拌行逢禮御餌德玉杯

養虎牧狼還自賊傷大勇小捷雖危不亡

戴堯扶禹松喬彭祖西遇王母道路夷易無敢

難者損之離 師之離

秋冬探巢不得鵲鵲銜指北去慙我少姬

塞 兩獸三羊俱之我鄉雷連多難損其食糧

解 南徙無廬鳥破其巢伐木思切不利動搖

損 爭訟不已更相牽擊張季弱口被髮北走

益 延頸望酒不入我口初喜後否利得無有履之萃



夫 被髮傾走寇逐我後亡夫刀兵身全不傷  
姤 麟鳳所遊安樂無憂

萃 褰衣涉河水深請罷賴幸舟子濟脫無他  
升 憤憤不脫憂從中出喪我金罍無妄失位

困 解跳不遠心與言反尼父妄行菑菑未華  
井 大壯肥特惠我諸舅內外和睦不憂飢渴

革 黃帝建元支德在身祿若陽春封為魯君  
鼎 虎聚磨牙以待豚猪往必傷亡宜待止居一作虎厲

其牙以待夫猪往必傷  
或摧敗無餘利以止居

天地配享立位光明陰陽順序以成厥功天下

和平 蒙之小畜

艮 猿墜高木不蹊手足保我金玉還歸其室蒙之履

漸 營室紫宮堅不可攻明神達德君受大福

歸 孤翁寡婦獨宿悲苦日張耳鳴無與笑語歸妹之履

豐 低頭竊視有所畏避行者不至酒酸魚敗眾莫

貪嗜

旅 載金販狗利棄我走藏匿淵底悔折為咎

巽 行觸大諱與司命忤執囚束繫拍制於吏憂人

有喜

剗同

兌 執玉歡喜佩之解孽危詳及安使我無患

渙 機杼騰擾女功不成長妹許嫁衣無襦袴聞禍不成凶惡消去

節 金人鐵鉅火燒左右雖懼不恐獨得全處

中孚 謝恩拜德東歸吳國舞蹈歡躍恣樂受福

小過 青牛白咽呼我俱田歷山之下可以多耕歲樂時節民人安業

既濟 白雉羣鳩慕德貢朝湛露之恩使我得懽

未濟 避患東西及入禍門糟糠不足憂思我心

師之第七

師 鳥鳴呼子哺以酒脯高樓之處子來歸毋嗇人

成功年歲大有妬婦無子

乾 一簧兩舌佞言諂語三姦成虎曾母投行

坤 春桃生花季女宜家受福且多在師中吉男爲  
邦君

屯 殊類異路心不相慕牝牛牡假獨無室家

蒙 折葉蔽目不見稚叔三足孤鳥遠其元夫

需 崔東求粒誤入罔域賴逢君子脫復歸息

訟 王孫季子相與孝友明允篤誠升擢薦舉爲國  
藩輔

比 削木無枝與子分離飢寒莫食獨立哀悲

小畜 舜升大禹石夷之野徵詣王闕拜治水土

履 義不勝情以欲自營見利危寵滅君令名

泰 三人北行六位光明道逢淑女與我驥子

否 羿張烏號發射天狼柱國雄勇鬪死滎陽

同人 季姬踟躕結衿待時終日至暮百兩不來

大有 鴻鴈翩翩始若勞苦災疫病民鰥寡愁憂

謙 穿胃狗邦僵離旁春天地易紀日月更始

豫 北山有棗使叔壽考東嶺多栗宜行賈市陸梁

雌雄所至利喜

隨 干旄旌旗執幟在郊雖有寶珠無路致之

蠱 精潔淵塞爲讒所言證訊詰請繫於枳溫甘棠  
聽斷怡然蒙恩

臨 玄黃虺隤行者勞罷役夫樵悴踰時不歸

觀 膚敏之德發憤忘食虜豹禽說爲王求福以成

主德禽又作禽

嗑 采唐沫鄉要我桑中失信不會憂思約帶

賁 伯寧子福惠我邦國獨除苛殘使季無患

剝 讒父佞雄賊亂邦國生離忠孝敗困不福

復 淵泉隄防水道通利順注湖海邦國富有

无 大 江南多蝮螫我手足寃繁結屈痛徹心腹

畜 三人俱行別離獨宿一身五心反覆逃惑亂無

所得

頤 鷺鳴庭中以戒災凶重門擊柝備不速客

功成事就拱手安居立德有言坐飭貢賦

國亂不安兵革為患掠我妻子家中飢寒

離 戴堯扶禹從喬彭祖西遇王母道路夷易無敢

難者

咸 長尾委蛇盡地成河深不可涉絕無以北惘然

噴思

恒 乘龍從蜺徵詣北闕乃見宣室拜守東城鎮慰

黎元舉家蒙福

遯 土與山連終身無患天地高明萬歲長安

易林  
卷一  
三十一

久旱水涸枯槁無澤虛脩其德未有所獲

壯大

依山倚地凶危不至上清下降君受其利

晉

火烈不去必殪僵仆燔我衣裾福不可悔

明

配合相迎利之四鄉欣喜興懌所言得當

人家

清人高子久屯外野逍遙不歸思我慈母

睽

武庫軍府甲兵所聚非里邑居不可舍止

蹇

王德五材和合四時陰陽順序國無咎災

解

解衣毛羽飛入大都晨門戒守鄭忽失家

損

削根燒株不生肌膚病在心腹日以焦枯

益

文山紫芝雍梁朱草生長和氣福祿來處

夬

多載重負捐弃于野小任其大但自勞苦

姤

鳧雁啞啞以水爲家雌雄相和心志娛樂得其

萃

歡欲

升

耳目盲聾所言不通佇立以泣事無成功

困

天宮列宿五神所舍宮闕堅固君安其居

井

范子妙材戮辱傷膚然後相國封爲應侯

革

秋冬探巢不得鵲鷓銜指北去慙我少夫

鼎

子畏於匡厄困陳蔡德行不危竟脫厄害



震 鴻飛在陸公出不復仲氏任只伯氏容宿

艮 鶴鳴九臯避世隱居抱朴守貞竟不相隨

漸 舜升大禹石夷之野徵請王闕拜治水土乾之中孚

師之小過

歸 左輔右弼金玉滿匱常盈不亡富如厥倉與蒙之坤

下四句同

豐 崔嵬北岳天神貴客衣冠不已蒙被恩德

旅 空槽注猪純豨不到張弓視雞雄鳩飛去

巽 胡蠻戎狄大陰所積涸冰凍寒君子不存

兌 甘露醴泉太平機關仁德感應歲樂民安謙

渙 惡來呼伯煩驚外客中守閉宅以備凶黠臨報

之憂雖滅無災

節 日月相望光明盛昌三聖茂功仁德大隆蒙之謙否

賁

中孚 葛藟蒙棘花不得實讒佞亂政使恩壅塞

小過 鄰不我顧面望玉女身多癩疾誰肯頰者

既濟 精誠所在神為之輔德教尚中彌世長久三聖

與為多受福祉

易林 卷一 三十三  
濟未 鑽木取火掘地索泉主母飢渴子為心福

比之第八

比 鹿得美草嗚呼其友九族和睦不憂飢乏同人

益之

乾 繼祖復宗追用成康光照萬國享世久長

坤 麟子鳳鸞生長嘉國和氣所居康樂無憂邦多

哲人

屯 灼灼泉源釣鯉山巔魚不可得火不肯燃小畜

影生為吳白虎行蓄盜堯衣裳桀跖荷兵青食

照夜三日夷傷

需 黍稷醇醴敬奉山宗神嗜飲酒甘雨嘉降黎庶

蕃殖獨蒙福祉時災不至

訟 李花再實鴻卵降集仁哲權輿蔭國受福小畜

豫之

師 千歲之墟大兵所屠不見子都城空無家

小畜 公子王孫把彈攝丸發輒有得家室饒足

履 驪姬讒嬉與二發謀譖殺公子賊害忠孝申生

以縊重耳奔走

泰 長生無極子孫千億栢柱載梁堅固不傾

否 失意懷憂如幽狴牢亡子喪夫附托寄居

同人 仁智隱伏麟不可得龍蛇潛藏虛居堂室

大有 列潔堞堞締結難解嫫母銜嫁媒不得坐自為

身禍

謙 鳥飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌師屯

之噬

隨 過時不歸雌雄苦悲徘徊外國與母分離

益 齊魯爭言戰於龍門構怨連禍三世不寧坤之

人之

臨 府藏之富王以賑貸捕魚河海苟願多得損之

人之

觀 鳴鶴北飛下就稻池鱸鮪鯉衆多饒有一筭

獲兩利得過倍

噬嗑 蒼梧鬱林道易利通元龜象齒寶貝南金為吾

歸功

賁 兩火爭明雖鬪不傷分離且恐全我弟兄

剝 伯夷叔齊貞廉之師以德防患憂禍不存泰之乾

復 季去我東髮櫛如蓬展轉空牀內懷憂傷一作賁

无妄 百足俱行相輔為強三聖翼事王室寵光

大畜 擁遏隄防水不得行火盛陽光陰蜺伏藏退還

其鄉

頤 騰蛇乘龍歲飢蓬蓬年歲飢凶民食草蓬

大過 鉛刀攻玉堅不可得盡我筋力眠繭為疾坤之豫

坎 恒山浦泛高邑具在陰氣不淋洪水弗處牢人

開戶

比 比日四翼來安我國福善上堂與我同牀損之隨同

人之允

咸 杜口結舌心中拂鬱去菑患生莫所告否之巽之

井

恒 牽尾不前逆理失臣惠朔以奔

遯 早霜晚雪傷害禾麥損功棄力飢無所食需之咸

大壯 適戍失期患生無聊懼以發憂開藏閉塞邦國

窮愁

晉 昊天白日照臨我國萬民康樂咸賴嘉福

易 卷一 三十五  
明 元吉无咎安寧不殆

人家 懿公淺愚不深受諫無援失國爲狄所賊

睽 城上有鳥自號破家呼喚鳩毒爲國患災

蹇 一長股喜走趨步千里王良嘉善伯樂在道申生

見母下有由子

解 耕石山巔費種家貧無聊虛作苗髮不生

損 二人異路東趨西步千里之行不相知處

益 純服素裳載主以興德義茂生天下歸仁

玉銳鐵頭倉庫空虛賈市爲盈與利爲仇

姤 登崑崙入天門過糟丘宿玉泉開惠觀見仁君

萃 團團白日爲月所食損上毀下鄭昭走出

升 倉盈庾億宜稼黍稷年豐歲熟國家富有乾之師坤

之 恒

困 虎狼結謀相聚爲保思嚼牛羊道絕不通傷我

商人

井 甲年摧折常恐不活老賴福慶光榮相輔

革 同載共車中道分去喪我元夫獨與孤苦隨之比

鼎 飲酒醉醺距跳爭鬪伯傷叔僵東家治喪

震 出值凶災逢五赤頭跳言無祐扶杖伏聽不敢  
動搖

艮 狼虎爭強禮義不行兼吞其國齊魯無王小畜之隨

漸 南國少子方畧美好求我長女賤薄不與反得

醜惡後乃大悔泰之晉

歸 妹 一身兩頭莫通其軀無見我心亂不可治

豐 李耳橐鵲更逢恐惜擾余以腹不能舉格

旅 栢桂棟梁相輔為強入敷五教王室寧康

巽 雀行求食暮歸呼乳反其屋室安寧如故

兌 四尾六頭為凶作妖陰不奉陽上失其明

渙 一旅三關結緝不便岐道異路日暮不到

節 牙蘗生齒室堂啓戶幽人利貞鼓翼起舞

中 春鴻飛東以馬貨金利得十倍重載歸鄉

小 過 歡悅以喜子孫俱在守強能忍不見殃咎

既 濟 精神消落形骸醜惡齟齬頓挫枯槁腐蠹

未 濟 登高上山見王自言申理我寃得職蒙恩

小畜之第九

小 畜 白鳥銜餌嗚呼其子旋技張翹來從其母伯仲

季叔元賀舉手

乾 東遇虎蛇牛馬奔驚道絕不通商困無功

坤 子鉏獲麟庶士開元豪雄爭名都邑倍遊

屯 灼火泉源釣魚山巔魚不可得火不肯燃

比之坤

蒙 機關不便不能出言精誠不通爲人所究

需 故室舊廬稍蔽綬組不如新巢可以樂居

訟 蜷蛇循流東求大魚預且舉網庖人歌謳

師 鑿山通道南至嘉國周公所祝襄適荆楚

比 鵲足却縮不見頭目日久困急不能自復

履 五舌啄難各自有言異國殊俗使心迷惑所求

不得

泰 天門開闢牢戶寥廓桎梏解脫拘困縱釋

否 堅冰黃鳥啼哀悲愁數驚鷲鵲飄爲我憂

同人 日走月步趣不同舍夫妻反目主君失居

大有 金牙鐵齒西王母子無有患殃候舍陟道別求

不久

謙 式微式微憂禍相絆隔以岩山室家分散

豫 衆神集聚相與議語南國虐亂百姓勞苦興師

征伐別立賢主

隨 虎狼爭食禮讓不能兼吞其國齊晉無主

比之良

蠱 寄生無根如過浮雲本立不固斯須落去更爲

枯樹

臨 子啼索哺母行取食反見空巢些許我長息

觀 駕駟逐狐輪掛荆棘車不結轍公子無得

嗑 方啄廣口仁智聖厚釋解倒懸唐國大安

賁 駕福乘喜東至嘉國戴慶南行移居安宅

剝 孔鯉伯魚北至高奴木馬金車駕遊大都王母

送我駮牝特駒

復 三足無頭不知所之心狂精傷莫使爲明不見

日光

无 駮牝龍身日越三千南上蒼梧與福爲婚道里

夷易安全無患

大 辰次降婁王駕巡狩廣佑施惠國安無憂望季

不來

頤 望車不到王子逐走馬騎脚傷失迹不得曷其

有常



大過 中原有菽以待饗食飲御諸友所求大得

坎 亂茅縮酒靈巫拜禱神怒不許瘁傷愁苦

離 李華再實鴻卯降集仁哲以興蔭國受福北之訟豫

過之小

咸 原出陵足行於山趾不為暴害民得安居

恒 客入其門奔走東西童女不織士棄耕畝暴骨

千里歲飢民苦

遯 天之所予福祿常在不憂危殆

大 蝗食我稻驅不可去實穗無有但見空槁

晉 牛驥同堂郭氏以亡國破空虛君奔走逃

明 狗無前足陰謀其比為身賊害何以安息

人 兩輪自轉南上大阪四馬共轅無有重難與禹

笑言

睽 茅蘗生達陽昌於外左手執籥公言錫爵

蹇 秋花冬萼數被嚴霜甲兵當庭萬物不生雄火

夜明民擾大驚

解 霜降閉戶蟄蟲隱處不見日月與死為伍坤之需

損 身載百里功加四海為文開基武立天柱

益 禹作神鼎伯益銜指斧斤高閣幢立獨坐賣買  
不售警困爲害

夫 福祚之聚喜至憂除如魚逢水長樂受庇

姤 蒼龍隱伏麟鳳遠匿寇賊同處未得安息

萃 白鶴啣珠夜食待明懷胡德音身受光榮

升 朝生夕死名曰嬰鬼不可得祀

困 行役未已新事復起姬姜勞苦不得安息

井 憂患解除喜至慶來坐立懽忻與樂爲隣蒙之成

革 晨風天翰大舉就溫昧過我邑羿無所得

鼎 下田種黍芳花當齒大雨淋集紛榮滿壅淋集

淋集

震 鳥庇茂林君子碌碌心樂願得見者有穀

艮 折臂踈足不能進酒祠祀闕曠神怒不喜

漸 學靈三年仁聖且神明見善祥吉喜福慶鳴鳩

飛來告我無憂一作鹿鳴鴻飛鳴見善祥

歸 三婦同夫志不相思心懷不平至當愁悲

豐 中田高黍以享王母受福千億所求大得

旅 陽火不憂二耕喜至慶來降福爲我鼓瑟歌謠

送喜

兌 陽明不息君無恩德伯氏失利民喪其力  
巽 燕雀銜茅以生孚乳兄弟六人交好孝悌各得  
其願和悅相樂

渙 鶉尾奔奔火中戍軍號叔出奔下失其君

節 兩人相距止不同舍夫妻離散衛侯失居

中孚 魍爲菑虐風吹雲却欲止不得反歸其宅

過 關雎淑女配我君子少姜在門君子嘉喜

未濟 慈母赤子饗賜得士夷狄服降以安王室

履 三足狐鳴靈鳴督卸思過罰惡自賊其家

履之第十

履 十鳥俱飛羿射九雌雄得獨全雖驚不危

乾 東向蕃垣相與笑言子般執鞭樂人作歡

坤 循河榜舟旁淮東遊漁父舉網先得大魚

屯 轅折輪破馬倚僕卧後旅失宿右足跌踈

蒙 兩人相伴相與悖戾心乖不同訟爭凶凶

需 北辰紫宮衣冠在中舍和建德常受天福

需之  
夫坤

觀之

訟 遊居石門祿社安全受福西隣歸飲王泉需之既濟

師 羊腸九縈相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔矩願為棘所拘童顏重頽禍不成殃復歸

其鄉

泰 董室蜂戶螫我手足不得進止為吾害咎屯之明夷

否 怒非其願因物有遷貪妬腐鼠而呼鴉鳶自合

矢餌倒被困患

同人 嬰孩求乳母歸其子黃麕悅喜

大有 鍼鏐徒勞錦綉不成鷹逐雉兔爪折不得

謙 雨潦集降河渠不通齊魯閉塞破費市空

豫 封豕溝瀆水潦空谷容止宿舍泥塗至腹處無

黍稷

隨 三姦相擾桀跖為友上下騷離隔絕天道

蠱 齊景惑疑為孺子午嫡庶不明賊孽為患

臨 三羊俱亡奔走南行會暮失跡不知其藏

觀 請伯行賈岱山之野犯歷險阻不逢危殆利如

澆酒

嗑 桑方將落殞其黃葉失勢傾側而無所立

賁 上山求魚入水捕兔市非其歸自令久留

剝 名成德就項領不試景公耄老尼父逝去 否之屯

復 天之與隅堯舜所居可以存身保我邦國

无妄 涉伯殉名棄禮誅身成子奔燕 一作之頤

大畜 兩人俱爭莫能有定心乖不同訟言起凶

頤 睢鳩淑女聖賢配耦宜家受福吉善長久 一作之无妄

大過 踰河求橘并得大栗烹羊食炙飯酒歌笑

坎 山險難行礪中多石車馳頻擊重載折軸擔負

喜躓跌踈右足 乾之謙

離 允利孔福神所子畜般樂無苦得其歡欲

咸 鳥鵲食谷張口受哺蒙被恩福長大成就柔順

利貞君臣合德

恒 潼滂蔚會膚寸來會津液下降流潦滂沛

遯 路多枳棘步刺我足不利旅客為心作毒 損卦同

大壯 虺蛇求聚難以居處毒螫痛甚瘡不可愈

晉 麟鳳相隨察觀安危東國聖人后稷周公君子

攸同利以居止長無災凶

明夷 桀亂不時使民恨憂六社為笑君危臣羞

人 黃帝所生伏羲之宇兵刃不至利以居止屯之

騃 隼行求粒暮歸呼乳及其室舍安寧如故屯之

蹇 太倉積谷天下饒食陰陽調和年歲時熟

解 于旄旗旌執幟在郊雖有寶珠無路致之師之

之中

損 履危蹈顛墜入泉淵蹇不能前足矮不便

益 銜命上車合和兩家蛾眉皓齒二國不殆

夬 吉日車攻田弋獲禽宜王飲酒以告家功

姤 金帛貴寶宜與我市嫁取有恩得利過倍

萃 延頸望酒不入我口深以自喜利得無有訟之

升 牧為代守饗養甘賜得利士意戰大破胡長安

國家

困 日出温谷照臨萬國高明淑人虞夏配合

井 逐兔索鳥破我弓車日暮不及失利後時

革 譎言妄語傳相誑誤道左失迹不知尸處

鼎 履虎躡尾貶損我威君子失否去其國家

震 本根不固新花落去更爲孤嫗不得相視  
艮 五輓四國優得饒有陳力就列騶虞悅喜  
漸 黃帝紫雲聖哲且神光明見祥告我無殃  
歸 五利四福俱田高邑黍稷盛茂多獲藁稻  
豐 羣虎入邑求索肉食大人衛守君不失國  
旅 烏子鵲雛常與母居願慕羣旅不育其巢  
巽 蹇驢不材駿驥失時筋勞力盡疲於沙丘  
兌 玄鬣黑顙東歸高鄉朱鳥導引靈龜載莊遂抵  
天門見我貞君人馬安全

渙 探巢得雛鳩鵲俱來使我欣娛

節 安上宜官一日九遷升擢超等牧養常山

中孚 大頭明目載受嘉福三雀飛來與祿相得

小過 遠視千里不見墨子離婁明視移於小人

之明无  
益爲光

既濟 三女成姦背夫夜行與伯笑言不忍主母爲失

醴酒冤天誰告

未濟 日辰不良強弱相振一鳥兩雄客勝主人

泰之第十一

泰 有求陳國留連東域須我王孫四月來復主君  
有德蒙恩受福

乾 伯夷叔齊貞廉之師以德防患憂禍不存  
比之 剝

坤 濟深難渡濡我衣袴五子善擢脫無他故  
他字 一作

毗 倚立相望適我道通驅駕奔馳比目同床

蒙 葛藟蒙棘華不得實讒佞為政使恩壅塞  
師之 中孚

需 四並兼用君子所服南征述職與福同德

蹇 蹀躞足傷大指病癰失旅後時利走不來  
旅下 旅失

蒙之 旅

師 春城夏國長生之域可以服食保全家國

比 望驥不來拘蹇為憂雨驚我心風感我飢

小畜 久客無牀思歸我鄉雷雨浸盈道不得通

履 方船備水傍河燃火積善有徵終身無禍天福

吉昌未得安康

否 陟岵望母役事不已王政靡盬不得相保

同人 多載負重捐棄於野王母離子思勞自苦  
師之 姤

大有 生值地乳上皇大喜賜我福祉壽算無極賓于



作命

謙 翁翁鞠鞠稍墜山顛滅我令名長沒不存否之離

豫 東隣嫁女為王妃后莊公築館以尊王母歸于

京師季姜喜悅

隨 伯虎仲熊德義淵闊使布五教陰陽順序坤之姤益

屯之

蠱 敏教勁疾如猿升木彤弓雖調終不能獲

臨 舉袂覆日不見日月衣裘簞席就長夜室坤之隨

觀 忍醜少羞無面有頤耗滅寡虛日以削消

噬 國陰沍寒常冰不溫令人墮忘庖火為災電火

為蕃

賁 夏麥麩麩霜擊其芒疾君敗國使我天傷

剝 淵涸龍憂箕子為奴干叔隕命股破其家

復 跛躄相隨日暮牛罷陵遲後旅夫利亡雌

无 妄 桑方將落隕其黃葉失勢傾倒如無所立

大 畜 長生以時長柱根本陰陽相和歲樂無憂

頤 童女無室未有配合陰陽不和空坐獨宿

大 過 春令原宥仁德不凋三聖攸同周國茂興

坎 金精耀怒帶劍過午兩虎相妬雖驚不咎

離 危坐至暮謀求不得膏澤不降政戾民忒

咸 老楊日衰條多枯枝爵級不進日下摧頽

恒 蔡侯適楚留連江湖踰日歷月思其后君

遯 右撫劍風左援勾帶凶訟不止相與爭戾失利

市肆

大 水流趨下遠至東海求我所有買鮪得鯉訟之比

晉 登几上輿駕駟南遊合縱散衡燕秦治強

求兔得獐過其所望歡以相迎高位夷楊以又作其

家 過時不歸道遠且迷旅人心悲使我徘徊

聯 冤孤無室御宿舍食盜張民潰見敵失內

蹇 居如轉丸危不得安東西不寧動生憂患

解 坤厚地載庶物蕃息平秉正直以綏百福

損 冽敞牡荆生賢止侮讐敵背憎孰肯相迎土下

有膏

益 鳳凰銜書玄珪賜我封為晉侯

夬 作凶不善相牽入升溺陷辜罪禍生憂滋

姤 悲鳴北行失其長兄伯仲不幸骸骨敗亡

萃 羔衣豹裘高易我字君子維新

升 日中爲市各抱所有交易貨貴含珠懷寶心悅  
歡喜

困 振急絕理恒陽不雨物病焦乾萃實無有

井 狐貉載剝凌溫翠萼寒棘爲疾何所不足

革 履踐危難脫執去患入福喜門見誨大君

鼎 四亂不安東西爲患退止我足無出國城乃得

全完賴其生福

南國少子材畧美好求我長女賤薄不與反得

醜惡後乃大悔此之漸

艮 妄怒失理陽孤無輔物病焦枯年飢於黍

漸 倬然遠咎辟害阜田獲三狐巨具爲寶

歸 逐鹿山顛利去我西雖祁南北無所不得

豐 龍蛇所聚大水來處滑滑沛沛使我無賴

旅 從風吹火牽麒麟尾易爲之功因摧受福

巽 澤狗水鳧難畜少雛不爲家饒心其亟速

兌 水壞我里東流爲海龜鳧驪囂不見慈母

渙 褰衣涉水深漬請罷賴幸舟者濟脫無他

訟之萃

節 龜戢河海陸行不止自令枯槁失其都市憂害

無咎

中孚 同本異葉樂仁正德東隣慕義來興我國

小過 棗李花實纍纍日息長大成熟甘美可食為我

利福

既濟 重瞳四乳聰明順理無隱不形微視千里災害

不作君子集聚

示濟 寶沉參墟以義討尤次止結盟以成霸功

否之第十二

否 秦為狼虎與晉爭強并吞其國號曰始皇

乾 江河淮濟天之奧府眾利所聚可以饒有樂我

君子謙之豫

坤 天之所災凶不可居轉徙獲福留止憂危

屯 名成德就項領不試景公耄老尼父逝去離之制

蒙 持善避惡福祿常存雖有豺虎不能危患

需 避患東西友入禍門糠糟不足憂動我心訟之未濟

訟 珪璧琮璋執贄見王百里甯戚應聘齊秦需之井

師 揚水潛鑿使石潔白衣素表朱戲遊臯沃得君

所願心志娛樂

比 官爵相保居之無咎求免不得使伯恨悔

小 畜 載車無禪裸程出門小兒作笑君子憂患

履 把珠入口為我利寶得吾所有欣然嘉喜

泰 行不如止直不可曲進不如退可以安吉

同 人 衆鬼瓦聚中有大怪九身無頭鬼驚鬼去不可

以居

大 有 家給人足頌聲並作四夷賓服干戈橐閣

謙 人面鬼口長舌如斧斲破瑚璉殷商絕祀

豫 南山之峻真人所在德配唐虞天命為子保佑

飲享身受大慶

隨 春桃生花季女宜家受福多年男為邦君師之坤

蠱 鴟鴞破斧冲人危殆賴其忠德轉禍為福傾危

復立

臨 猿墮高木不踈手足保我金玉還歸其室訟之艮益

之豫蒙之隨

觀 天之與隅堯舜所居可以存身保我邦家履之復

噬 嗑 伯蹇叔盲足痛難行終日至暮不離其鄉

賁 日月相望光明盛昌三聖成功仁德大隆師之節蒙

訟之

剝 桃李花實纍纍日息長大成就甘美可食為我

利福秦之小過

復 入和出明動作有光運轉休息所為允康

无妄 陰衰老極陽建其德履離載光天下昭明功業

不長蝦蟆代王大有之臨坤之未濟

大畜 行役未已新事復起姬姜勞苦不得休止

頤 狐鳴室北飢無所食困於空丘莫與同力

大過 雄聖伏名人匿麟遠走鳳飛北擾亂未息

坎 疾貧望幸使伯行販開牢擇羊多得大牂訟之

離 翁翁鞦韆隕墜崩顛滅其令名長沒不存泰之謙噬

嗑之坎

咸 華薄實榮衣敝如絡女巧不成絲布為玉

恒 溫山松栢常茂不落鸞鳳所庇得其歡樂需之坤

遯 失持母教嘉偶出走僂如失老如喪家狗

大壯 太乙駕騶從天上來徵我季叔封為魯侯屯之隨需

比之

晉 雙鳧俱飛欲歸稻池徑涉藿澤爲矢所射傷我

胸臆屯之

明 深坑復平天下安寧意娛心樂賴福長生

人家 俱爲天民雲過吾西風伯疾雨與我無恩

睽 野鳥山鵲來集六博三梟四散主人勝客

蹇 北陰司寒堅冰不溫凌人情怠大雹爲災

解 伊伯致仕去祭耕野執順以待反和無咎

損 秋風牽手相提笑語伯歌季舞燕樂以喜

益 徙巢去家南過白馬東西受福與母相得

夬 鳥飛跌跛兩兩相和不病四肢但去莫疑

姤 三年生狗以戌爲母荆夷上侵姬伯出走坤之震需

之訟賁之復

萃 破筐敝篲弃捐於道壞落穿敗不復所實

升 結紉得解憂不爲禍食利僊家受福安坐

困 白日揚光雷車避藏雲雨不行各自還鄉

井 杜口結舌心中怫鬱去災生患無所告寃否之巽比

之咸

革 賈貝贖狸不聽我辭繫指虎鬚牽不得來需之睽

鼎 持鶴抱子見蛇何咎室家俱在不失其所

震 逐兎山西利走入門賴我仁德獲為我福

艮 興役不休與民爭時牛生五趾行危為憂

漸 春粟夏梨少鮮希有斗千石萬貴不可求

歸 妹 悲號北行失其長兄伯仲不幸骸骨敗亡

豐 賦歛重數政為民賊杼軸空盡家去其室

旅 履服自敵殃咎並到憂不能笑

巽 杜口結舌言為禍母代伯受患無所禱免 否之井比

兌 免冠進賢步出朝門儀體不正賊孽為患

之威

娶於姜女駕迎新婦少妻在門之子悦喜

節 牧羊稻園聞虎喧謹畏恐悚息終無禍患 屯之復

老妾踞機緯絕不知女功不成冬寒無衣

黑龍吐光使陰復陽榮獵載聖六師以昌

東隣嫁女為王妃后莊公築館以監主母歸於

京師姬姜悦喜 屯之觀

灌頡同徒道頓跌踣日辰不良病為身禍

同人之第十三



同人 爨寘山巔銷鋒鑄刃示不復用天下大歡

乾 一臂六手不使堵口莫肯為用利弃我走

坤 獐鹿逐木飽歸其居安息無悔

屯 鴻魚逆流主人潛處蓬蒿代柱天屋顛倒自此至否

一本並異 見後考異

蒙 三殺五特相隨俱行迷人空澤經涉六駿為賊

所傷 賊作殘

需 黃帝出遊駕龍乘馬乘上太山南過齊魯邦國

咸喜

訟 履危不安心欲東西步走逐鹿空先所得

師 望尚阿衡太宰用公藩屏湯武立為侯王

比 白龍黑虎起伏俱怒戰於阪兆蚩尤走敗死於

魯首 蒙之坎益 之比同

畜小 履 載石上山步跌不前顯眉之憂不得所歎長思憂歎

履 周德既成行軸不傾中西跌墓耄老衰去箴石

不祐

泰 乘雨帶雲與飛鳥俱舉動千里見我慈母舉動 一云

動止

否 賁貝贖狸不聽我辭繫於虎鬚牽不得來

有六 三翼飛來字我逢時俱行先至多得大利

謙 兩足四翼飛入我國寧我伯姊與母相得

豫 案民湖池玉盃天按魚如白雲一國獲鯉

隨 季姬踟躕望還城隅終日至暮不見齊侯居室

無憂

蠱 龍隅求泉置雲影從河伯捧觴跪進酒漿流潦

滂滂

臨 出門逢患與怒爲怨更相擊刺傷我手端

觀 播衣樂天乾坤所命安樂無咎

噬 兩金相擊勇武敢敵終日大戰不破不缺

賁 大車難駕兩引如繩馬奔山後輪脫不行中道

遇害

剝 文山紫芝雍梁朱草長生和氣與以爲寶公尸

侑食神福來處

復 把珠入口爲我畜寶得吾所有欣然嘉喜

无 負車上山力盡行難烈風雨雪遮過我前中道

復還憂者得歡

大畜 陶朱白圭善賈息資三致千金德施上仁

頤 子鉏執麟春秋作陰元聖將終尼父悲心

大過 春日載陽福履齊長四時不忒與樂為昌

坎 孔懷如王出於幽谷飛上喬木鼓其羽翼耀光

照目 坤之比

離 區脫康居慕仁入朝湛露之歡三爵畢思復歸

穹廬以安其居

咸 秋冬夜行照覽星辰道理利通終身無患

恒 如鵠抱子見蛇何咎室家俱在不失其所

遯 安如泰山福壽縷臻雖有豺虎不能危身

大壯 耆蒙睡眠不知東西歲君失理命直為曲土稱

為寶

晉 載璧乘珪請命于河周公克敏冲人瘳瘡

明夷 天王執政歲熟民富國家豐有王者有喜

家人 訟爭相背和氣不處陰陽俱否穀風母子

睽 齊魯爭言戰於龍門構怨結禍三世不安 其之 豔坤

離之

蹇 鹿得美草嗚呼其友九族和睦不離邦域

解 百里難行雖徼復明去虞適秦為穆國卿

損 梅李冬實國多寇賊亂擾並作王不能制屯之師

益 府藏之富王以賑貸捕魚河海筍網多得巨蛇

大鱸戰於國郊君遂走逃比之臨損之際

夬 社飛門啓憂患大解不為身禍需之允

姤 宜昌嫁婦東家歌舞長樂歡喜

萃 正陽之央申氏以亡禍及留吁烟滅為墟

升 鳧過稻廬甘樂麴鱖雖驅不走田峻懷憂

困 跛躄俱行日暮車傷失旅乏糧

井 龍門小定流行不害民安其土君臣相保

革 山陵西塞追我徑路欲前不得俱還故處

鼎 兩虎爭鬪血流浮柞城郭空虛蒿藜塞道

震 依叔墻隅志下心勞楚亭晨食韓子低頭

艮 龍生無常或托空桑憑乘風雲為堯立功

漸 魁行搖尾逐雲吹火汙泥為陸下田為稷

歸 跛躄相隨日暮牛罷陵遲後旅失利下雌

豐 三人俱行北求大牂長子病足請季負囊柳下

之責不失驪黃

旅 鳳凰在左麒麟在在仁聖相遇伊呂集聚傷害

不至時無殃咎福為我母成 訟之

巽 乘筏渡河雖深不殆曾孫皇祖累累俱在受其

大福

允 比目四翼來安吾國賁福上堂與我同床比之  
離損

隨之

渙 娶於姜女駕迎新婦少妻在門夫子悅喜否之  
渙

節 螟蟲為賊害我稼穡冬禾殫麥秋無所得

中 衣裳顛倒為王來呼成就東周邦國大休

小 王孫季子相與為友明允篤誠升擢薦舉

既 漏泉滑滑流行不絕汙為江海敗毀邑里家無

所處聞虎不悸向我笑喜

未 桑鵲竊脂啄粟不宜亂政無常使我孔明

大有之第十四

大 白虎張牙征伐東華朱鳥前驅贊導悅辭敵人

請服銜璧而趨

乾 南山大行困於空桑老沙為石牛馬無食

坤 蟠枝失岐與母別離絕不相知

屯 蹲蹲所言莫如我垣懽樂堅固可以長安乾之

蒙 李梅零墜心思精憤懷憂小愧亂我冤氣

需 火雖熾在吾後寇雖多在吾在身安吉不危殆

訟 虎卧山隅鹿過後胸弓矢復張猊為功曹伏不

敢起遂至洋野得我美草

師 三火起明兩滅其光高位疾顛驕恣深傷

比 疋居楚鳥遇讒無辜久散離憂散一作旅

小畜 一室十子同心異母以義防患禍災不起

履 商天行旅資無所有貪貝利珠留連王南

內顧公子何咎

泰 禹將為君北入崑崙稍進陽光登入溫湯功德

昭明

否 乾行大德覆幬無極嘔呼享熟使各自得

同人 南國茂盛黍稷醲酒可以享老樂我嘉友

謙 方船備水旁河然火終身為禍與夫吉昌未得

安康泰之履

豫 雷行相逐無有休息戰於平陸為夷所覆

隨 躑躅踟躕撫心搔頭五晝四夜睹我齊侯

蠱 大口宜昏神使伸言黃龍景星出應德門與福

上堂天下安昌 需之萃

臨 陰衰老極陽建其德離載陽光天下昭明 否之無妄

坤之未濟

觀 三塗五岳陽城大室神明所伏獨無兵革下有

保國

噬嗑 年豐歲熟仁政民樂利以居止旅人獲福

賁 楚鳥逢矢不可久放離居無辜作此哀詩以

孔憂

剝 出門大步與兄惡忤詈公詈母為我憂趾

復 火之井谷楊苕生角犯歷天市闕觀太極登上

玉牀家易六公

无妄 牧羊逢狼雖憂不傷畏怖惕息終無禍殃

大畜 繭粟犧牲敬事鬼神嗜飲食受福多孫望季

不來孔聖厄陳 乾之旅

頤 大澤治狀南敗牧牂長伯為我多得馬牛利於

徙居

大過 枯樹無枝與子分離飢寒莫養獨立哀悲

過大

玉牀家易六公

坎 天地九重堯舜治中正冠衣裳宇宙平康

離 鳧鷖遊涇君子以寧復德不愆福祿來成

咸 裸程逐狐爲人所笑牝雞司晨主作亂根

恒 典冊法言藏在蘭臺雖遭禍潰獨不遇災

大過坤之

大畜

遯 三癡且狂欲之平鄉迷惑失道不知昏明

大壯 瘦痛瘍疹爲身瘡患疾病癰疔常不危殆

晉 三豕俱走關於谷口白豕不勝死於坂下

明夷 賴主之光受德之佑雖造顛沛獨不凶咎

人蒙

上義崇德以建大福吉宜誥且周武功立

睽 一四亂不安東西爲恨身止無功不出國城乃得

完全賴其生福

蹇 金牙鐵齒西王母子無有患殆涉道大利

小畜之大

有

解 賀喜從福日利蕃息歡樂有得

損 昊天白日照臨我國萬民康寧咸賴受福

益 左眇右盲視闇不明下民多孽君失其常

夬 吾有黍梁委積道傍有架服箱運到我鄉藏於



嘉倉

姪一殊類異路心不相慕牝豕無猥鰥居室家

萃一雀行求食出門見鵲顛蹶上下幾無所處

升一野有積庾穡人駕取不逢狼虎暮歸其宇

困一膚敏之德發憤忘食虜豹禽說爲王求福師之觀

井一光禮春成陳項雞鳴陽明失道不能自守消三

爲咎

萃一左抱金玉右得熊足常盈不亡獲心所欲

履泥汗足各困身辱兩仇相得身其爲虐

震一安居重遷不去其塵禾米相聞樂得常產

艮一天災所遊凶不可居轉徙獲福留上憂危

漸一味昧默默不知白日景雲亂擾光明隱伏幽王

失國

歸妹一鳧雁啞啞以水爲宅雌雄相和常共娛樂得其

所欲

豐一長生無極子孫千億栢柱載梁堅固不傾

旅一麒麟鳳凰善政得祥陰陽和調國無災殃

巽一天之奧隅堯舜所居可以存身保我家室

允配合相迎利之四鄉昏以為期與福喜笑  
渙 砥德礪材果當成周拜受大命封為齊侯  
節 與福俱坐畜水備火終無災禍

中 晨昏潛處候時煦煦卒逢白日為世榮主

小 視日再光與天相望長生懽悅與福為兄

既 濟 大頭明目再受喜福二雀飛來與祿相觸

未 濟 梗生荆山命屬輪班袍衣剝脫夏熱冬寒立成

枯槁衆人莫憐

謙之第十五

謙 王喬無病狗頭不痛亡跛失履乏我送從

乾 噉囁噉嚙昧真相持多言少實語無成事

坤 北辰紫宮衣冠立中含和達德常受大福鈔刀

攻玉堅不可得

屯 東壁餘光數暗不明主母嫉妬亂我事業

蒙 下背其上資明其讓子嬰兩頭陳破其墟

需 鳳生會稽稍巨能飛翱翔桂林為衆鳥雄

訟 鑿井求玉非和氏寶名困身辱勞無所得

師 邦傑載復送至東萊百僚具舉君王嘉喜

一作訟 一作師 一作卦

比 安息康居異國穹廬非吾邦域使伯憂戚

小畜 江河淮海天之都市商人受福國家富有

履 同木異葉樂仁上德東林慕義來興吾國

泰 白鶴銜珠夜室及明懷我德音身受光榮

否 踐履危難脫厄去患入臨喜門見吾母君

同人 宮商既和聲音相隨驪駒在門主君以歡

大有 天地配享六位光明陰陽順序以成厥功

豫 江河淮海天之奧府衆利所聚可以饒有樂我

君子 否之坤

隨 雙鳥並飛欲歸稻池徑涉蒼澤爲矢所射傷我

胸臆 屯之旅 比之晉

蠱 伯仲叔季日暮寢寐裸卧失明喪我貝囊銜卸

道傍

臨 受終文祖承衰復起以義自閑雖苦無咎

觀 旋斗運樞順天無憂與樂並俱 益之節

噬嗑 周師伐紂戰於牧野甲子平旦天下悅喜

賁 十雌百雛常與母俱抱雞搏虎誰敢害者

剝 桀跖並處人民愁苦擁兵荷糧戰於齊魯

復 南山昊天刺政閔身侯悲無辜背憎爲仇

无妄 百川朝海流行不止道雖遼遠無不到者

大畜 目不可合憂來搖足悚惕危懼去其邦域

願 鳥升鵠舉照臨東海龍降庭堅爲陶叔後封於

蓼丘福履綏厚

需之大畜

大過 北方多棗橘柚所聚荷囊載香盈我筐筥

坎 懸貍素餐食非其任失望遠民實勞我心

離 羔羊皮革君子朝服輔政扶德以合萬國

咸 齊魯爭言戰於龍門搆怨致禍三歲不安

申之離同

人之聯比之蠱

恒 久陰霖雨塗行泥潦商人休止市空無有

遯 桃鵠竊脂來於小枝搖動不安爲風所吹寒心

悚慄常憂殆危

大壯 防患備災凶禍不來雖困無災

晉 引頸絕糧與母異門不見所權孰與其言

明夷 鱗蝦去海藏於枯里街巷偏隘不得自在南北

無極渴餒成疾

家人 恭寬信敏功加四海辟去不祥喜來從母

睽 歲飢無年虐政害民乾溪驪山秦楚結怨

蹇 右目無瞳偏視寡明十步之外不知何公

解 蝸蟾歡喜草木嘉茂百菓蕃熾日益廢有

損 常德自如安坐無尤幸人貴鄉到老安榮

絕一作無

益 狡兔趨趨犬良逐咋雄雉受害爲鷹所獲

夫 春桃生花季女宜家受福多年男爲封君

妬 山石朽弊消崩墜落下上離心君失其崇

萃 水壞我里東流爲海龜鳧謹譁不睹我家

升 十竅龍身造化八元法天則地順時施行富貴

### 長存

困 四夷慕德來興我國文君降陟合受其德

井 萃首山頭仙道所遊利以居止長無咎憂

革 鸛鳩徙來西至平州遭逢雷電損我葦蘆家室

### 飢寒思吾故初

鼎 狗無前足陰雄叛北爲身害賊

震 陽孤亢極多所恨惑車傾蓋亡身常驚惶乃得

### 其願雌雄相存

乾之屯

艮 空槽住猪豚豉不至張弓祝雞雄父飛去

漸長夜短日陰爲陽賊萬物空枯藏於北陸

歸妹爪牙之士怨毒祈父轉憂與已傷不及母

豐拜跪請免不得臭腐俛首銜指不得北去

旅有莘季女爲王妃后貴夫壽子母字四海

巽季姜躊躇待孟城隅終日至旦不見齊侯

允邯鄲反言父兄生患涉此憂恨卒死不還

渙逐鹿山巔利去我西維邪南北所求不得

節穿鼻繫珠爲虎所拘王母祝福禍不成災突然

自來

虎豹熊皮遊戲山谷君子仁賢亦得所欲

梅李冬實國多盜賊擾亂並作王不得制

望幸不到文車未就羊子逐兔犬蹄不得

千柱百梁終不傾僵仁智輔聖周宗寧康

豫之第十六

永將泮散鳴雁雍雍丁男長女可以會同生育

賢人

乾、龍馬上山絕無水泉喉焦唇乾口不能言

坤蔡侯朝楚留連江濱踰時歷月思其后君

屯 文厄羨里湯囚夏臺仁聖不害數困何憂免於  
縲綫爲世明侯

蒙 典冊法書藏閣蘭臺雖遭亂潰獨不遇災  
需 氈裘羶國文禮不飭跨馬控弦伐我都邑  
訟 星隕如雨力弱無輔強陰制陽不得安土  
師 蝗嚙我稻驅不我去實穗無有但見空藁  
比 虎飢欲食爲蝟所伏禹導龍門避咎除患元醜  
以安

蝙蝠夜藏不敢晝行酒爲酸漿魴鳧鮑羹

履 精華墜落形體醜惡齟齬挫頓枯槁腐蠹  
泰 兩足不獲難以遠行疾步不能後倡失時  
否 令妻壽母宜家無咎君子之歡得以長久  
飢蚕作室緡多亂纏緒不可得

有大人同 子鈕執麟春秋作陰元聖得終尼父悲心  
謙 螟蟲爲賊害我稼穡盡禾殫麥秋無所得  
隨 憂在腹內山崩爲疾禍起蕭牆竟制其國  
蠱 茹芝餌黃飲食玉瑛神與流通長無憂凶  
臨 一夫兩心拔刺不深所爲無功求事不成

觀 十里望烟散渙四方形容滅亡終不見君

嗟 張弓控弩經涉山道雖有伏虎誰敢害者

賁 泉閉澤竭主母飢渴君子困窮乃徐有說

剝 野猿山鵲奕碁六博三臬四散主人勝客

復 羊驚馬走上下揮擾鼓音不絕項公奔敗

无妄 黃帝神明八字聖聰俱受大福天下平康

大畜 住馬醞酒疾風暴起泛亂福器飛揚位卓明神

降佑道無害寇

頤 騰蛇乘龍宋鄭飢凶民食草蓬

大過 揚水潛鑿使石潔白衣素表朱遊戲臯澤得君  
所欲心志娛樂

坎 西過虎盧驚我前驅雖憂無危

離 衣成無關不知所穿客指東西未得便安

咸 晨風文翰隨時就溫雖雄相和不憂殆危

恒 心多悔恨出言爲怪梟鳴室北聲醜可惡請謁  
不得

遯 離女去夫閔思苦憂齊子無良使我心悲

大壯 過時不歸雌雄苦悲徘徊外國與叔分離



晉 鵲巢柳樹鳩奪其處任力德薄天命不佑

明 鶴盜我珠逃於東都鳩怒追求郭氏之墟不見

踪跡使伯心憂

人家 夫婦相背和氣弗處陰陽俱否莊姜無子

睽 月走日步趣不同舍妻夫反日主君失居

蹇 洛陽嫁女善逐人走三寡失夫婦妬無子

解 周德旣成杼軸不傾太宰東西夏國康寧

損 日中爲市交易資寶名利所有心悅以喜

益 僮妾獨宿長女未室利無所得

夬 忠言輔成王政不傾公劉兆基文武綏之

姤 牛驥同堂郭氏以亡國破爲墟主君奔走

萃 中原有菽以待雉食飲御諸友所求大得

升 多虛少實語不可知尊空無酒飛言如雨

困 青蠅集蕃君信讒言害賢傷忠患生嬖人

井 履株復輿馬驚傷車步爲我憂

革 商風召寇呼我北盜間諜內應與我爭鬪殫已

寶藏主人不勝

鼎 逸豫好遊不安其家或有少姬久逃不來

震 吾有驕驪畜之以時東家翁孺來詣我車價極  
可與後無賊悔

艮 厄窮上通與堯相逢登升大麓國無凶人

漸 衆兔俱走雄羆在後騎不能進失信寡處

歸 妹 旁行不遠三思復返心多畏患日中止舍

豐 倉皇奉使中山以孝文侯悅喜擊子徵召

旅 入天門守城戶君安樂不勞苦文山蹲鴟肥膺

多脂王孫獲願載福巍巍

巽 登堦上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞有面無頭耗滅寒虛日以削消

節 景星照堂麟遊鳳翔仁施大行頌聲並興

中 孚 干旄旌旗執幟在郊雖有寶珠無路致之歸於

履之損

小 過 李花再實鴻卵降集仁德以興廕國受福小畜

師之訟

既 濟 白鳥赤鳥戰於東都敗悔爲憂

未 濟 採薪得麟大命殞顛英雄爭名天下四分屯之坤

十四冊以下數目誤寫蓋此世兩冊中十五六兩誤首于次  
故全教紊亂

國家圖書館 NATIONAL CENTRAL LIBRARY, TAIWAN, R.O.C.

易林卷二

隨之第十七

隨 鳥鳴東西迎其群侶似有所屬不得自專空返  
獨還

乾 鼻目易處不知香臭君逃於事失其寵位

坤 唐虞相輔鳥獸喜舞安康無事國家富有

屯 左輔右弼金玉滿匱常盈不亡富如敖倉

師之歸妹

蒙之坤

蒙 東龍見獨與石相觸摧折兩角



需 釣日厭部善逐人走來嫁無夫不安其廬

訟 逐兔驅狼避去不祥凶惡北行與善相逢

師 賈貝贖狸不聽我辭繫於虎鬚牽不得來

需之  
人之否  
否之萃

比 同載其輿中道別去喪我元夫獨與孤居

比之  
革

小 奮翅鼓翼將之嘉國愆期失時乃得所欲

履 日傾心惑夏姬在側申公顛倒巫臣亂國

泰 搏鳩彈鵲獵兔山北九盡日暮失獲無得

否 鹿求其子虎廬之里唐伯季耳貪不我許

同人 敗魚鮑室臭不可息上山履塗歸傷我足

大有 花燈百枝消暗衰微精光訖盡奄有灰靡

謙 顏叔子夏遊遂仁宇溫良受福不失其所

豫 梁柱堅固子孫蕃熾福喜盈積終無禍悔

蠱 邊鄙不寧民狎於野嗇人成功年歲大有

臨 蝸池鳴阿呼我木潦雲雨大會流成河海

觀 志合意同姬姜相從嘉偶在門夫子悅喜

噬 白馬騮駮更生不休富有商人利得如丘

賁 大似夏禹經啓九道各有攸處民得安所

賁 大似夏禹經啓九道各有攸處民得安所

剝 甲戌巳庚隨時轉行不失其心唐李發憤擒滅  
子嬰

復 穆違百里使明厲武將帥襲戰敗於殺石

无妄 茹如本居與類相投願慕群旅不離其巢

大畜 伯仲叔季日暮寢寐坐卧失明喪其貝囊

大願 亡羊捕牢張氏失牛駢駟奔走鵠盜我魚

大過 雀目燕頰畏昏無光思我狡童不見子充

大入 入和出明動作有光運轉休息常樂允康

離 不勝私情以利自嬰北室出孤毀其良家

咸 稱幸上靈媚悅於神受福重重子孫蕃功

恒 齊姜叔子天命在位實沉參墟封為康侯

遯 遨遊無患出入安全長受其權君子萬年

大壯 被服文德升入大麓四門雍肅登受大福慈烏

鳴鳩執一無尤寢門內治君子悅喜

晉 負金懷玉南歸嘉國蜂蠆不螫利入我室  
蠆音邁螫

音釋

明夷 日在阜顛嚮昧為昏小人成群君子傷倫

家人 水火父母先來鳴响澤臯之上從高而處

睽 東隣少女為王長婦柔順利貞宜夫受子

蹇 載錡望天不見星辰願小失大福逃於外

願一作願

解 王喬無病狗頭不痛亡跛失履乏我徒從

損 使燕築室身無庇宿家不容車後我衣服

益 威權分離鳥夜徘徊爭蔽月光夫人誅傷

夬 辯變白黑巧言亂國大人失福君子述惑

姤 衣鋸屨鎧敝筐為具大人不顧少婦不取棄捐

於道

燕雀銜泥以生孚乳兄弟六人交好孝悌得心

歡欣和悅相樂

小畜之允

升 登几上輿駕駟南遊合從散衡燕秦以

困 黥黥許許仇禍相得冰入炭室消亡不息

一作許許

井 鷓鴣破斧邦人危殆賴其忠德轉禍為福傾危

復立

革 載金販狗利弃我走藏匿淵渠悔折為咎

鼎 淵坑復平宇穴安寧憂患解除賴福長生

震 驪姬讒嬉與二孽謀譖我公子賊害忠孝駕昌

喜門商伯有害

良 封羊不當血少無美女執空筐不得採桑

漸 牧羊稻園聞虎喧穰畏懼悚息終無禍患

歸 明德隱伏麟鳳遠匿周室傾側不知所息

豐 鄰不我顧而求寶玉身多禿癩誰肯媚者

旅 初雖無輿後得載車賴幸逢福得離兵革

巽 水壞我里東流為海龜鳥懼囂不堵王母

允 兩心不同或欲西東明論終始莫適所從

渙 天帝懸車廢禮不朝攘服不制失寵其家

節 交川合浦遠濕難處水土不同思吾皇祖

中 勾踐之危棲於會稽太宰譏言越國復存

小 怒鳥鳴鳩執一無尤寢門內治君子悅喜隨之大壯

既 富年早寡孤與獨居雞鳴犬吠無敢問者我生

不遇獨罹寒苦

未 江海變服滌緬無測高位顛崩寵祿反覆

蠱之第十八

蠱 紡生江淮一轉為百周流四海無有難惡紡一作紡

乾 首釋與目載受福慶我有好爵與喜相迎

坤 鞫鞫轆轤歲暮編敝寵名棄捐君襄在位



屯 折箬蔽日屏遮王目司馬無良平子沒傷

蒙 家在海隅繞旋深流王孫單行無妄以趨固陰

冱寒常冰不溫凌人情怠大雹為害

需 執義秉德不危不殆延頸盤桓安其室垣屯耗

未得終無大恤

訟 長舌亂國大斧破車陽陰不順姬姜衰憂

師 二人共路東趨西步千里之外不相知處

比 視暗不明雲蔽日光不見子都鄭人心傷

畜小 初憂後喜與福為市八佾列陳飲御嘉友

履 僮妾獨宿長女未室利無所得

泰 玄黃四塞陰雌伏謀呼為墻屋為巫所識

否 中歲摧墮常恐衰微老復頓慶五穀為相

同人 伯氏殺牛行悖天時臺社夷燒朝歌丘墟

大有 日短夜長祿命不光早離父兄免見分張

謙 采唐沫鄉傲期桑中失心不會憂思忡忡

豫 昧視無光夜不見明冥抵空床季葉逃亡

隨 舉趾振翼南至嘉國見我伯姊與惠相得

臨 則天順時周流其墟與樂並居無有咎憂

NATIONAL CENTRAL LIBRARY TAIWAN R.O.C.

觀 蠶室蜂戶螫我手足不可進取為我害咎

嗟 公孫駕驪載遊東齊延陵悅產遺季紵衣

賁 轉作驪山大失元心劉季發怒命滅子嬰

剝 羊腸九縈相推稍前止須王孫乃得上天

復 蟠螭充側佞人傾惑女謁橫行正道壅塞

无 福祿不遂家多怪崇麋鹿悲吟思其大雄

大 雲雷因積大雨重疊久不見日使我心悵

頤 三河俱合水怒踴躍壞我王室民困無食

大 且雨夜行早遍都城更相覆傾終無所成三頭

兩眼不見其真

坎 褒后生蛇經老育微側跌哀公酒滅黃離

離 鴻雁南飛隨陽休息轉送天和千里不哀

咸 後時失利不得所欲

恒 心多恨悔出言為怪鼻鳴室北聲醜可惡請諂

不得

遯 四馬過隙時難再得尼父孔聖繫而不食

大 陰變為陽女化為男沿道得通君臣相承

晉 崑崙源口流行不止鯀伊砥柱民不安處母歸

扶子黃塵悅喜

葛藟蒙棘華不得實讒佞亂政使恩壅塞

人家  
公無長詢天王馭馬非其所當傷折爲患

睽  
大倉充盈萬物蕃成年歲熟榮

蹇  
執筮炤犧爲風所吹火滅無光不見玄黃

解  
鳥反故巢歸其室家心平意正與叔相鳴登高

頽墜失其寵貴

損  
弩弛弓藏良犬不烹內無怨女征夫在堂

益  
牡犧孔博日新其德文君出獵姜氏受福

夬  
秋季孟冬寒露霜降六陰在庭庶物不生雞鳴

犬吠家憂數驚

姤  
心多恨悔出門見怪反蛇三足醜聲可惡嫫母

爲媒請求不得

萃  
虎豹爭強道閉不通小人權訟貪天之功

升  
雞方啄粟爲狐所逐走不得食惶怖惕息

困  
陳媯敬仲兆興齊姜乃適營丘八世大昌

井  
昊天白日照臨我國萬民康寧咸賴喜福

革  
雲夢大藪索有所在虞人共職驪駒樂喜

鼎 樟鹿雉兔羣聚東國蘆黃白脊俱往追逐九齡  
寸得主君有喜

震 德惠孔明主君復章保其室堂

艮 天之所壞不可強支衆口嘈嘈雖貴必危

漸 天之與隅堯舜所居可以全身保我邦家

歸 下泉苞稂十年九王荀伯遇時憂念周京九一  
作无

豐 江淮海隅衆利聚居可以遨遊卒歲無憂

旅 南山黃竹三身六目出入制命東皇宣政至尊

君安鄭國無患

巽 重譯置之來除我憂喜樂俱居

兌 南山高崗之鳳室堂舍和履中國無災殃

渙 紫芝朱草生長和氣公尸侑食福祿來下

節 宮成室就進時相舞英俊在堂福祿光明

中 商之子孫資無所食貪貝逐狐留連都市還轅

內鄉嘉喜何咎

小 執贄入朝獻其狐裘元戎熒安沙漠以懽

既 湧泉汨汨南流不絕洿爲淮海敗壞邑里家年

所處

清未 困陰沍寒常冰不温凌人情怠大雹爲災

臨之第十九

臨 弱水之西有西王母生不知老與天相保行者  
危殆利居善喜

乾 黃籙生母白成爲母晉師在郊虞公出走

坤 倉皇奉使中山以孝文侯悅喜擊子徵召

屯 機關不便不能出言精誠不通爲人所寃

家 白茅醴酒靈巫拜禱神嗜飲食使君壽考

重瞳四乳目聰耳明普仁表聖爲作元輔

訟 水漲無船破城壞堤大夫從役一朝亡殞不見

少妻

師 六人俱行各遺其囊鴻鵠失珠無以爲明

比 隨時轉行不失其常各樂厥類身無咎殃

畜小 蔡女蕩舟爲國患憂衰后在側屏蔽王目早衰

六畜

履 駕龍騎虎周遍天下爲神人使西見王母不憂  
危殆

泰 胥恐之吳盡策闔閭鞭平服荆除大咎殃威震

敵國還受上卿

否 唐邑之廬晉人以居虞叔受福實貺是國世載  
其樂

同人 管鮑相知至德不進三言於桓齊國以安

大有 三十無室長女獨宿心勞未得憂在胸臆

謙 散渙水長風吹我鄉火滅無光隳敗桓功

豫 蜎飛蠕動各有配偶小大相保咸得其所

隨 安樂几筵未出王門

益 大生災禍下上恩塞觝亂我國

觀 長生無極子孫千億栢柱載梁堅固不傾

噬嗑 欽敬昊天曆象星辰宜受民時陰陽和調

賁 三河俱合水怒踴躍壞我王室民困於食

剝 壽如松喬與日月俱常安康樂不離禍憂

復 天之所予福祿常在不憂危殆

无妄 受讖六符招搖室虛雖跌無憂保我命則

大畜 賈金買車失道後時勞罷爲憂

頤 華首山頭仙道所遊利於居止長无咎憂

大過 采唐沫鄉微期桑中失信不會憂思約帶

坎 人面九口長舌爲斧斲破珊瑚璉殷商絕後  
離 臨溪橋疚雖恐不危樂以笑歌

咸 泱泱沸溢水泉爲害使我無賴

恒 蝗螟爲賊害我稼穡秋飢於年農夫鮮食

遯 八百諸侯不期同時慕西文德興我宗族家門

雍睦

大壯 長男少女相向笑語來歡致福和悅樂喜

晉 平國不君夏氏作亂烏號竊發靈公殞命

明夷 春多膏澤夏潤優渥稼穡成熟畝獲百斛

家人

客宿卧寒席蓐不安行爲危害留不得歡

睽 乘槎浮海雖懼不殆母載其子終焉何咎

蹇 手拙不便不能伐檀車無軸轅行者苦難

解 唐虞相輔烏獸率舞民安無事國家富有

損 秋蛇向穴不失其節夫人姜氏自齊復入

益 病篤難醫和不能治命終永訖下卽蒿蘆

夬 青蛉如雲城邑閉門國君衛守民困於患

姤 牙孽生齒室堂啓戶出入利貞鼓翼起舞

萃 鳧游江湖役行千里以爲死亡復見空桑長生

樂鄉

升 黃帝出遊駕龍乘鳳東上太山南遊齊魯邦國  
咸喜

困 履危不止與鬼相視驚恐失氣如騎虎尾  
井 秋南春北不失消息涉和履中時無陰匿  
華 龍門砥柱通利水道百川順流民安其居  
鼎 千歲廟堂棟橈傾僵天厭周德失其寵光  
震 折箬蔽目不見稚叔五足孤鳥遠離室家  
艮 望叔山北陵隔我目不見所得使我心惑

漸

匏瓠之息一畝十室萬國都邑北門有福

歸妹

域域牧牧憂和相伴隔我巖山室家分散

豐

麟騏驎耳遊食萍草逍遙石門循山上下不失

其子

一本無末句

旅

天所祚昌文以爲良篤生武王姬受其福

巽

羊腸九縈相推稍前止須王孫乃能上天

蓋之剝

兌

貧鬼守門日破我盆孤牝不駒雞不成雛

渙

飽食從容入門上堂不失其常家無咎殃

節

陰淫不止白馬爲海澤皐之子就高而處



中孚 執戈俱立以備暴急千人舉龍困危得海終安

何畏

夾河為婚水漲無船追心失望不見歡君

陰陽變化各得其宜上下順通奏為膚功

狂劣德薄失其臣妾田不見禽大無所得

觀之第二十

觀 歷山之下虞唐所處躬耕致孝名聞四海為堯

所薦禪位天子

蚩飛蠕動各有所配歡悅相迎官得其處

坤 繼祀宗邑追明成康光照萬國享世久長病疾

不醫下即蒿廬 此二句疑衍

屯 秋冬探巢不得鵲雛銜指北去媿我少姬

蒙 僮妾獨宿長女未室利無所得

需 洪魚逆流至人潛去蒿蓬代柱大屋顛仆

訟 日闇不明讒夫在堂右臂疾痺君失其光

師 王孫季子相與孝友明允篤誠升擢薦舉為國

幹柱

比 麟趾龍身日馭三千南上蒼梧與福為婚道里

夷易安全無患

畜小 三子成駒折損轅軸輪載空輿後時失期

履 逐福除患道德神仙避惡萬里常歡以安

泰 黃池之盟吳楚爭強句踐為患夷門不安探穀

得螽所願不喜

否 青牛白咽呼我俱田歷山之下可以多耕歲藏

時節人保安寧

同人 有頭無目赫赫粟粟一作不見菽粟消進為疾三年不

復

有 山没丘浮陸為水魚燕雀無巢民無室廬

謙 高崗鳳凰朝陽梧桐雍雍喈喈奉奉萋萋陳辭

不多以告孔嘉

豫 鰥寡獨宿憂動胸臆莫與笑食

隨 躓馬破車惡神降家青蠅汙白暴子離居

蠱 長女二嫁進退無羞逐狐作妖行者離憂

臨 人無足法緩行長姦地雄走歸陽不制陰男失

其家

噬 茹芝餌黃飲食玉英與神流通長無憂凶

賁 東行無門西出華山道塞於難遊子爲患

剝 壽如松喬與日月俱常安康樂不罹禍憂

復 探穀得螽所願不喜黃池之盟吳楚爭強勾踐

爲患夷門不安

无妄 蝠螺生子深目黑醜雖飾相就衆人莫取

大畜 喜怒不時霜雪爲災稼穡無功后稷飢寒

頤 鳥升鵲舉照臨東海龍降庭堅爲陶叔後封爲

蓼丘履祿綏厚

大黃 離白日照我四國元首昭明民賴其福

坎 黍稷醇醲敬奉山宗神嗜飲食甘雨嘉降獨蒙

福力時災不至

離 禍不更生福過我里入門笑喜與吾利市

咸 晝卧牢門怵惕不安目不得闔鬼搔我足

恒 春草榮華長女宜夫受福多年世有封祿

遯 雍門內崩賊賢傷仁暴亂狂悖簡公失位

大壯 心壯無良猖獗妄行觸抵墻壁不見戶房

晉 膠車木馬不利遠賈出門爲患安止不危

明夷 家在海隅橈短流深企立望宋無木以趨

家

冬桑枯槁當風失道蒙被塵埃左右勞苦

人

過時不行妄逐王公老女無夫不安其居

蹇

履泥污足名困身辱兩仇相當自爲痛疾

解

精華墮落形容醜惡齟齬挫頓枯槁腐蠹

損

長生無極子孫千億松柏爲梁堅固不傾

益

去辛就蓼毒愈酷甚避井入坑憂患日生

夬

行堯欽德養賢致禮衆英積聚國無寇賊

姤

狗逐兔走俱入谷口與虎逢之迫不得去

萃

望尚阿衡太宰周公以屏湯武立爲侯王

升

清人高子火屯外野逍遙不歸思我慈母

困

三蟲作蠱削跡無與勝母盜泉居不安處

井

壚作龍身進無所前三日五夜得其所欽

萃

黃裏綠衣君服不宜溔溔毀常失其寵光

鼎

天所顧祐禍災不到安吉無懼

震

盤紆九回行道留難止須千丘乃睹所歡

艮

暴虐失國爲下所逐北奔陰胡主君旄頭

漸

御駢從龍至霍華東與禹相逢送至子邦

歸

銅人鐵距雨露勞苦終日卒歲無有休息

豐 大人失宜盈滿復虧成長之木盛者滅衰

旅 梅李冬實國多盜賊亂擾並作王不能制

巽 澤枯無魚山童難株長女嫉妬使身虛空

兌 天門冬虛晉季為災隘睽默蒼秦伯受殃

渙 褰衣涉河水深漬衣賴幸舟子濟脫無他

節 推車上山高仰重難終日至暮不見阜顛

中孚 鼎易其耳熱不可舉大路壅塞旅人心苦

小過 四亂不安東西為患退身止足無出邦域乃得

完全賴其生福

濟未濟 班馬還師以息勞疲役夫嘉喜入戶見妻

積德不怠遇生逢時載善一作喜 涓陽身受榮光

噬嗑之第二十

噬嗑 麒麟鳳凰善政得祥陰陽和調國無災殃

乾 北風相牽提笑語言伯歌叔舞燕樂以喜

坤 甲戌巳庚隨時運行不失常節咸逢出生各樂

其類達性任情

屯 破亡之虛神所憂衰進德無光留止有慶

蒙 注斯膏澤所衛百毒防以江南虺不能螫

需 日月相望光輝盛昌三聖成功仁德大降

訟 大蛇巨魚戰於國郊上下濟塞衛侯廬漕

師 龍入天關經歷九山登高上下道里險難日晏

不食絕無甘酸

比 沙漠北塞純無水泉君子征凶役夫力殫

畜小 關折門啓衿帶解墮福與善生憂不為禍

履 狼虎所嗥患害必遭不利有為宜以遁逃

秦 金精耀怒帶劍過午兩虎相距弓弩滿野雖憂

無咎

否 朽根枯樹華葉落去卒逢火焱相隨偃仆

同人 入和出暗動作有光轉運休息常樂允康

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸裎逐狐為人歡笑牝雞鳴晨主作亂妖

隨 陰失陽復祭失其室相餒不食

益 蜎飛蠶動合有配偶大小相保咸得其所

臨 鬼守我廬欲呼伯去曾孫壽考司命不許與生

臨之豫

相保

觀 禍走患伏喜爲我福凶惡消亡災害不作  
賁 智不別揚張誑妄行陷淵仆顛傷殺伯身  
剝 凶憂災殃日益明章禍不可救三都夷傷  
復 長尾螻蛇畫地爲河深不可涉絕無以北悵然

憤息

無妄 愛我嬰女牽引不也有幸高貴反曰下賤  
大畜 鳧游江湖甘樂其餌既不近人雖驚不駭  
頤 明滅光息不能復食精鳧旣喪以夜爲室

大過

坎 竒適無偶習靜獨處所願不從心思勞苦  
葛藟蒙棘花不得實以佞亂政使忠壅塞  
離 鵲笑鳩舞來遺我酒大喜在後授我龜紐龍喜  
張口超拜福祉

咸 搖尾逐災雲孽辟除洿泥生梁下爲田主  
恒 白鶴啣珠夜食爲明膏潤優渥國歲年豐  
遯 內執柔德止訟以默宗邑賴德禍災不作  
大壯 犬吠驚駭公拔戈起玄冥厭火消散瓦解  
晉 公悅姬喜子孫俱在榮譽日登福祿來處

夷明

鳥鳴捕鷲長欲宗去循枝上下適與風遇顛損

樹根命不可救

人家

折薪熾酒使媒求婦和合齊宋姜子悅喜

睽不我顧而望玉女身多疣癩誰當媚者

蹇遠視無光不知青黃黓纒塞耳使君聞聾

解尅身整已逢禹巡狩賜我玄圭蒙受福祐

損遠望千里不見黑子離婁之明無益於光

益斧斤所斫瘡痍不息鍼口不施下卽空室

夫齊侯少子才畧美好求我長女賤薄不與反得

醜陋後乃大悔

婚失儷後旅天門地戶不知所在安止無咎

萃烏孫氏女深目黑醜嗜欲不同過時無偶

升伯駕純騮南至東萃求索車馬道闕中止

困二女寶珠誤鄭大夫君父無禮自爲作笑

井陽城太室神明所息仁者之君獨無兵革

革反一作大蛇爲殃使道不通歲利甚少年穀敗傷

鼎三足孤鳥靈明爲御司過罰惡自殘其家毀敗

爲憂坎之



震

車駕兩勒絕馬欲步雙輪脫行至道遇害

一作木

車乃駕兩引如繩馬  
驚奔走雙輪脫去

艮

鬱映不明為陰所傷眾霧麗集共奪日光

漸

鷓鴣鳴梟治城遇災周公勤勞綏得安家

歸妹

名成德就項領不試景公耄老尼父逝去

豐

一夫兩心拔刺不深所為無功求事不成

旅

羿張烏號殼射天狼趙國雄勇敗於滎陽

巽

東家殺牛汚臭腥臊神皆西顧命衰絕周

允

火起我後喜灸吾廬倉龍啣水泉巽屋柱雖難

無咎

渙

桃雀竊脂巢於小枝搖動不安為風所吹寒心

飄搖常憂殆危

節

徒是去域飛入東國有所畏避深藏遠匿

手中

璫英朱草仁政得道鳧鷖在渚福祿來下

小過

陳蔡之厄從者飢瘦明德上通憂不為凶

既濟

春桃生花季女宜家受福多年男為邦君

未濟

徑邪賊田政惡傷民夫婦兇詛太山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉湎商滅其墟

坤 鬼守我門呼伯入山去其室家捨其兆墓

屯 日出阜東山蔽其明章甫薦履箕子徉狂

蒙 戴盆望天不見星辰顧小失大福迓墻外

需 兩輪日轉南上大阪四馬共轅無有重難與語

笑言

訟 羊驚狼虎聳耳羣聚行旅稽難留連愁苦

師 鞭生荆山命制輪班袍衣剝脫夏熱冬寒飢餓

枯槁衆人莫憐

比 鳥飛無翼兔走折足不常其德自爲羞辱

畜小 條風制氣萬物出生明庶長養花葉壯茂

履 坤厚地德萬物蕃息平康正直以綏大福

泰 昴畢附耳將軍笑怒徑路隔塞燕雀驚駭

否 東風啓戶黔啄翻舞各樂其類咸得生處

同人 兩足四翼飛入家國寧我伯姊與母相得

大有 歲暮花落陽入陰室萬物伏匿歲不可得

謙 釋然遠咎避患高阜田獲三狐以貝爲寶君子

所在安寧不殆

豫 遷延卻縮不見頭目日以困急

隨 秋隼冬翔數被嚴霜雄犬夜鳴家擾不寧

蠱 班馬還師以息勞疲役夫嘉喜入室見妻

臨 老楊日衰條多枯枝爵級不進遂至摧墮

觀 順風吹火率騎驥尾易為功力因懼受福

噬 六人俱行各遺其囊黃鵠失珠無以為明

剝 依叔墻隅志下心勞楚王晨食韓子低頭

復 三年生狗以戌為母荆夷上侵姬伯出走

坤之震需

之訟否之姤

九 妄 鶴盜我珠逃於東都鶴起追求郭氏之墟不見

蹤跡反為禍災

姤剝之豫

大 畜 外與中退舉事不遂舖糜毀齒失其道理

頤 鴻鵠高飛鳴求其雌雌來在戶雄哺嗜嗜甚獨

勞苦魚鱉膾鯉

大 過 褰衣涉河水深漬衣幸賴舟子濟脫無他

觀之渙剝

之賁

坎 虎齧龍指太山之崖天命不佑不見其雌

離 明不處暗智不履危終年卒歲樂以笑歌

咸 三足俱行傾危善僵六指不便恩累弟兄樹柱  
閱車失其正當

恒 舍車而徒亡其駮牛雖喪白頭酒以療憂

遯 折薪熾酒使媒求婦和合齊宋姜子悅喜

大 壯 夜視無明不離商賈子反笑歡與市爲仇

晉 徒行離車肩厭泥塗利以休居

明 夷 家 作室山根人以爲安一夕崩顛破我壺殮

東山西山各自言安雖相登望竟未同堂

昏 君子在朝凶言消去驚駭逐狼不見雄英

蹇 蹇蹇慎慎一作蹇火燒山根不潤我隣獨不蒙

恩

解 南山之蹊真人所遊德配唐虞天命爲子保佑  
歆享身受大慶

損 龍蛇所聚大小來處泱泱需需淡淡磕磕使我  
無賴

益 旃裘若闔幕德獻服邊鄙不悚以安王國

夬 光體春成陳倉雞鳴陽明失道不能自守消亡

易本  
卷二  
三  
為咎

婚 下泉苞狼十年無王荀伯遇時憂念周京

萃 仁德不慕五精就舍四序允釐民安其居

升 隨和重寶衆所貪有相如睨柱趙王危殆

困 鳳生五雞長於南郭君子康寧悅樂身榮

井 二人為旅俱歸北海入門上堂拜謁王母勞賜

我酒女功不喜

革 逐憂除殃洿泥生梁下田為王

鼎 東門之墀茹廬在坂禮義不行與我心反

震 鳧遇稻廬甘樂趨鱸雖驅不去

艮 清人高子久屯外野逍遙不歸思我君母公子

謁請王孫嘉許

漸 讒佞所言語不成全虎狼之患不為我殘

歸 張羅捕鳩鳥麗其災雌雄俱得為網所賊

豐 安仁尚德東隣慕義來安吾國

旅 猶醜假誠前後相違言如鯨咳語不可知

巽 懷璧越鄉不可遠行蔡侯兩裘久苦流離

兌 伯氏歸國多所恨或車頓蓋傾身常驚惶乃得

其願雌雄相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中 騎豚逐羊不見所望徑涉虎廬亡豚失羊

小 玄黃虺隤行者勞罷役夫憔悴處子猥衰

既 右手掩目不見長叔失其所得悔吝相仍

未 免冠進賢步出朝門儀體不正賊孽為患

剝之第二十三

剝 行觸大諱典司命忤執囚束縛拘制於吏優人

有喜

乾 穿胸狗那僵離旁春天地易紀日月更始

坤 從風縱火菝芝俱死三害集房十子中傷

屯 北山有棗橋柚所聚荷囊載擔香盈筐筥

蒙 賈金贖狸不聽我辭繫於虎鬚牽不得來

需 上下惟邪寡婦無夫歡心隔塞君子離居

訟 二人輦車徙去其家井沸釜鳴不可安居

師 蹇驢不才駿驥失時勦力勞盡罷於沙丘

比 明傷之初為穆出郊以讒復歸名曰豎牛剝亂

叔孫餒於空丘

音小

天火大起飛鳥驚駭作事不時自爲多咎

履

土與山連其保歲寒終無災患萬世長安

泰

日出阜東山蔽其明章甫薦履箕子佯狂

否

龍馬上山絕無水泉喉焦唇乾口不能言

同人

雄處弱水雌在海濱將別持食悲哀於心

大有

庭燎夜明追嗣日光陽軟不至陰雄生戾

謙

三婦同心忽不相思志恒不愁顏色不怡

豫

鶴盜我珠逃於東都鵠怒追求郭氏之墟不見

踪跡反爲患災

隨

沐猴冠帶盜在非位衆犬共吠倉在蹶足

蠱

黍稷禾稻垂畝方好中旱不雨傷風病稿

臨

雄聖伏名人匿麟遠走鳳飛北亂禍未息

觀

三母多福天祿所伏居之寵光君子有福

噬

被服文德升入大麓四門雍肅登受大福

賁

蹇裳涉河流深漬衣幸賴舟子濟脫無他

復

班馬還師以息勞疲役夫嘉喜入戶見妻

无妄

東隣嫁女爲王妃后莊公築館以尊王母歸于

京師季姜悅喜

大畜 百足俱行相輔爲強三聖翼事王室寵光

願 危坐至暮請求不得膏澤不降政戾民忒

大過 百川朝海泛流不止路雖遠遠無不到者

坎 乘騶駕驪東至於濟遭遇仁友送我以資厚得

利歸

離 禮壞樂崩陰請不當成子傲慢爲簡生殃欲求

致理力疲心爛

咸 一人輦車乘入虎家王母貪饗盜我犁牛

恒 羊頭兔足少肉不飽漏囊敗粟利無所得

遯 新田宜粟上農得穀君子懷德以千百福

大壯 夷羿所射發輒有獲雙鳧俱得利伐王回

晉 鳧舞鼓翼嘉樂堯德虞夏美功要荒賓服

明夷 登丘上山對酒遇歡終年卒歲優福無患

家人 歲暮花落陽入陰室萬物伏匿藏不可得

睽 螟蟲爲賊害我禾穀簞篋空虛飢無所食

蹇 陽虎脅主使德不通炎離爲殃年穀患傷

解 四馬其轅東上泰山駢驪同力無有重難與君



笑言

損 牧羊稻園聞虎喧謹畏懼悚息終無禍患

益 陽花不時冬實生危憂多橫賊生不能服崑崙  
之玉取求必得

矣 高阜所在陰氣不淋洪水不處為家利寶

姤 釋然遠咎避患革害田獲三狐以貝為寶君子  
所在安寧不殆

萃 兩目失明日奪無光脛足跛曳不可以行頓於  
丘旁亡妾莫逐崑然獨宿

升 鴻飛循陸公出不復伯氏客宿

困 佩玉纍纍無以繫之孤怨獨處愁哀相憂  
一作桑方

井 載船渡海雖深何咎孫子俱在不失其所

萃 鳴求魚食道遇射七繒加我頸繳縛兩翼欲飛  
不能為羿所得

鼎 泥面亂頭忍耻少羞日以削消

震 桑方將落隕其黃葉失勢傾倒如無所立  
一作佩玉

云云

良 巨蛇大鱗戰於國邦上下隔塞主君走逃

漸 已動死連商子揚砂石胡貉擾軍鼓振吏士恐

歸 張羅搏鳩鳥麗其災雌雄俱得為網所滅一作二人

俱行別離持食一身五心亂無所得

豐 三聖相輔鳥獸喜舞安樂富有二人諧偶

旅 三奇六耦相隨俱市王孫善賈先得利實居止

不安洪水為咎

巽 三人俱行一人言北伯叔欲南少叔不得申路

分道爭鬪相賊

兌 播天舞地擾亂神所居樂無咎言不信誤

渙 坐爭立訟紛紛洶洶幸成禍亂災及我公

節 蛇行蜿蜒不能上阪履節安居可以無憂

中 隙大墻壞蠹衆木折狼虎為政天降罪伐高殺

望夷胡亥以斃

小 陽不違德高山多澤顏子逐兔未有所得

心多畏惡時愁日懼雖有小咎終無大悔

未 衆神集聚相與議語南國虐亂百姓愁苦舉師

征討別立賢主

復之第二十四

復 周師伐紂尅於牧野甲子平旦天下悅喜

乾 任武負力東征不伏陷履泥塗雄師敗覆

坤 義不勝情以欲自營覬利危躬折角摧頸

屯 懸貍素飡食非其任失輿剝廬休坐徒居室家

何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產陸擢有功

訟 三足俱行傾危善僵六指不便累恩弟兄樹柱

開車失其正當

師 京庾積倉黍稷以興極行疾至以厭飽食

比 南山之蹊真人所在德配唐虞天命爲子保祐

歆享身受大慶

畜小 車馳人趨卷甲相仇齊魯寇戰敗於犬丘坤之

履 十五許室柔順有德霜降歸嫁夫以爲合先王

日至不利出域

泰 任力劣薄遠托邦國輔車不僵爲癰所傷

否 千載舊室將有困急荷糧負囊出門直北

同 惡災殆盈日益章明禍不可救三郤夷傷

有人 寇危載患身驚不安與禍馳逐凶來入門

謙 虎狼竝處不可以事忠謀轉改禍必及已退隱

深山身乃不殆

豫 卵與石鬪糜碎無處挈瓶之使不爲憂懼

隨 五心六意岐道多怪非君本志生我恨悔

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破車步入范家衡門穿射無以爲主賣袍

續食糟糠不飽

嗟 逐金出門并失玉丸往來井上甕破缺盆

賁 春孟醴酒使君壽考南山多福宜行賈市秋梁

雌雉所至利喜

剝 持刃操肉對酒不食夫亡從軍長子入獄抱膝

獨宿

无 騎牛傷暑不能成馱草萊不墾年歲無有

大 南邦大域鬼魅滿室謹聲相逐爲我行賊

頤 嚶嚶所言莫如我垣歡樂堅固可以長安

過大 堯舜禹湯四聖敦仁允施德音民安無窮旅人

相望未同朝卿

坎 桎梏拘獲身入牢獄髡刑受法終不得釋耳閉  
道塞求事不得

離 跖竝桀處民困愁苦行旅遲遲畱連齊魯

咸 求雞獲雉買鱉失魚出入均貨利得無餘齊姜

宋子婚姻孔喜

恒 雨師駕駟風伯吹雲秦楚爭強施不得行

遯 仲冬兼秋鳥散飲憂困於米食數驚鷓鴣

壯大 三羝上山俱至陰安遂到南陽完其芝香兩崖

相望未有枕床

晉 飛之日南還歸遼東雌雄相從和鳴雍雍解我

胸春

夷明 堯飲舜舞禹拜上酒禮樂所豐可以安處保我

淑女

人蒙 太乙置酒樂正起舞萬神攸同可以安處綏我

兒齒

睽 白馬驛驢生乳不休富我商人得利饒優

蹇 苑馬疾步盲師坐御目不見路中止不到

解 春桃萌生萬物華榮邦君所居國樂無憂

損 把珠入口蓄為玉寶得吾所有欣然嘉喜

益 襦燒袴燔羸剝飢寒病症凍攣

夬 水沫沉浮沮濕不居為心疾憂

姤 行如桀紂雖禱不祐命衰絕周文君乏祀

萃 蜉蝣戴盆不能上山脚摧跛蹶損傷其頭

升 長子入獄婦饋母哭霜降旬甚嚮晦伏去

困 求犬得兔請新遇故雖不當路踰吾舊舍

井 鳥鳴葭端一呼三顛動搖東西危而不安靈符

禱祉疾病無患

革 天厭禹德命典湯國祓社釁鼓以除民疾

鼎 陰霧作匿不見白日邪徑迷通使君亂惑

震 猿墮喬木不跛手足握珠懷玉還歸我室

屯之  
豫蒙

艮 三驪負衡南取芝香秋蘭芬馥盈滿篋筐利我

少姜

漸 春生孚乳羽毛成就舉不失宜君臣相好盜跖

奔北終無所悔

歸妹

東行破車還反室家天命訖終無所禱凶

豐

九雁列陣雌獨不羣爲罾所牽死於庖人

旅

二人輦車從去其家井沸釜鳴不可以居

巽

閉塞復通與喪相逢甘棠之人解我憂凶

兌

賦歛重數政爲民賊杼軸空虛家去其室

渙

怒非其怨貪妬腐鼠而呼鵲鴟自令失餌倒被

災患

節

簪短帶長幽思最苦瘠貌少疲以疾病降

中孚

三人俱行各別採桑蘊其筐莒畱我嘉侶得歸

無咎四月來處

小過

逐鳩南飛與喜相隨并獲鹿子多得利歸雖憂

無危

既濟

驅羊南行與禍相逢狼驚吾馬虎盜我子悲恨

自咎

未濟

東隣西國福喜同樂出得隋珠畱獲和玉俱利

有息

无妄之第二十五

无 夏臺姜里湯文厄處臯陶聽斷岐人悅喜西望

華首東歸無咎

乾 儋耳穿胸纏離勞春天地易紀日月更始蝮螫  
我手痛爲吾毒

坤 慈母之恩長大無孫消息襁褓害不入門

屯 譌言妄語轉相誑誤道左失跡不知狼處

蒙 鬱映不明陰積無光日在北陸萬物彫藏

需 主母多福天祿所伏居之寵昌君子有光

訟 不耕而獲家食不給中女無良長子跛足踈齒

善市商人有喜

師 火起上門不爲我殘跳脫東西獨得先完不利  
出鄰病疾憂患

比 持刀操肉對酒不食夫亡從軍少子入獄抱膝  
獨宿復之

小畜 鱸鯢去海遊於枯里街巷迫狹不得自在南北  
四極渴餒成疾

履 啞啞笑語與歡飲酒長樂行觴千秋起舞拜受  
大福



泰 登高上山賓于四門士伍得權福爲我根

否 天厭周德命於南國以禮靜民兵革休息

同人 壅遏隄防水不得行火光盛陽陰魄伏匿走歸

其鄉

大有 河海都市國之與府商人受福少子玉石一作食

謙 東行避兵南去不祥西逐曲惡北迓福王與喜

相逢

豫 東家中女嫫母寂醜三十無室媒伯勞苦

隨 破亡之國天所不福難以止息

蠱 驂駕蹇驢日暮失時居者無憂保我樂娛

臨 蝮螫之側佞幸傾惑女謁橫行王道克塞

觀 三殺五羊相隨竝行迷入空澤有谷直北徑涉

六駁爲所傷賊

噬嗑 戴喜抱子與利爲友天之所命不憂危殆荀伯

勞若西來王母

賁 織縷未就針折不復女工多態亂我政事

剝 行露之訟貞女不行君子無食使道壅塞

復 弄張烏號鼓射天狼鐘鼓不鳴將軍振攘趙國

雄勇鬪死榮陽

大畜 延頸望酒不入我口商人勞苦利得無有夏臺  
姜里難為復喜

頤 冠帶南遊與喜相期邀於嘉國拜位逢時

大過 東西觸垣不利出門魚藏深水無以樂賓爵級

摧頹光威咸衰

坎 兩母于子轉息無已五乳百雛駢駢駢駢

離 重黎祖後司馬太史陽氏之災彫宮悲苦

咸 內執柔德止訟以默宗邑賴福禍災不作

小 采唐沫鄉邀期桑中失信不會憂思約帶

一作牛驥

同堂郭氏以亡國  
破為墟君奔走逃

大遯 官成立政衣就缺袂恭謙為衛終無禍尤

壯大 麒麟鳳凰子孫盛昌少齊在門利以合婚貴人

大歡

晉 亂危之國不可涉域機機發發身頓僵覆

明夷 千雀萬鳩與鷄為仇威勢不敵雖衆無益為鷹

所擊萬事皆失

家人 衆神集聚相與議語南國虐亂百姓愁苦興師

征討更立賢主

睽 顏淵閔騫以禮自閑君子所居禍災不存

蹇 三桓子孫世秉國權爵勢上卿富於周公

解 鶴鳴九臯處子失時載土販鹽難爲功力

損 方軸圓輪車行不前組囊以錐失其事便還師

振旅兵革休止

二句疑衍文

益 魚擾水濁桀亂我國駕龍出遊東之樂邑天賜  
我祿與生爲福

夬 白虎黑狼伏伺山陽遮遏牛羊病我商人

姤 履危不安踈顛我顏傷腫爲癥

萃 三人輦車東入旁家主母貪饕盜我資財亡失

犁牛

升 三鶴南飛俱就塘池鰕鱖饒有利得過倍

困 鷹栖茂樹猴雀往來一擊獲兩利在枝柯

井 堯舜欽明禹稷股肱伊尹往來進履登堂顯德

之徒可以輔王

革 枯旱三年草萊不生黍盛空乏無以供靈

鼎 口方圓舌爲知樞門解釋鈎帶商旅以歡

震 鳧池水溢高陸爲海江河橫流魚鱉成市千里  
無墻鴛鳳游行

艮 烹魚失刀駕車馬亡錫刃不入魴鯉腥臊

漸 戎狄蹲踞無禮貪饕非吾族類君子攸去

歸妹 渡河踰水狐濡其尾不爲禍憂捕魚遇蟹利得

無幾

豐 河出小魚不宜勞煩苛政害民君受其患

旅 偃武修文兵革休安清人逍遙來歸空閑

巽 九疑鬱林阻濕不中鸞鳥易去君子不安

兌 搏狷逢虎患厭不起遂至懼國輿福笑語君子

樂喜

渙 狗生龍馬公勞嫗苦家無筐筥折悔爲吝

節 嬰孩求乳慈母歸子黃麕悅喜得其甘餌

中孚 有兩赤鷄從五隼噪操矢無咎頤釋爾射扶伏

聽命不敢動搖

小過 伊尹智士去桀耕野執順以強天祐無咎

既濟 逐鹿山西利人我門陰陽和調國無災殃長子

東遊須其三佐

二句疑衍文

未辨 龍興之德周武成福長女宜家與君相德長股

遠行狸且善藏

大畜之第二十六

大畜 朝鮮之地姬伯所保宜人宜家業處子孫求事

大喜

乾 金柱鐵闢膠固衛災君子居之安無憂疑

坤 轉禍爲福喜來入屋春城憂國可以飲食保全

家室

屯 水暴橫行浮屋壞墻泱泱溢溢市師驚惶居止

不殆與母相保

蒙 虎豹熊羆遊戲山隅得其所欲君子無憂旅人

失利市空無人

需 躬禮履仁尚德止訟宗邑已安三伯無患

訟 江淮易服玄黃朱餼靈公夏徵哀禍無極高位

崩顛失其寵室

師 不虞之患禍至無門奄忽暴卒痛傷我心

比 三塗五嶽去危入室凶禍不作桀盜堯服失其

寵福貴人有疾

小畜

配合相迎利之四鄉昏以為期明星煌煌欣喜  
與懌所言得償

履 三手六身莫適所閑更伏搖動動失事便箕子  
佯狂國乃不昌

泰 虎臥山隅鹿過後胸弓矢設張狷為功曹伏不  
敢起遂全其軀得我美章

否 麟鳳執獲英雄失職自衛反魯畏昧不起福祿  
訖已良一作勝

同人

孿子作殃伯氏誅傷州犁奔楚失其寵光

大有

黃帝出遊駕龍乘馬東至太山南過齊魯王良  
御右文武何咎不利市賈

謙

齊魯爭言戰於龍門遘怨致禍三世不安

豫

道禮和德仁不相賊君子往之樂有其利

隨

姬妬公姥毀益亂類使我家憤利不得遂

蠱

一巢九子同公共母柔順利貞君子不殆福祿

所在

臨

崔嵬北嶽天神貴客溫仁正直主布恩德閔哀

不已蒙受大福

觀 三蛆逐蠅陷墮釜中灌沸滄殪與母長訣  
嗟 東山西陵高峻難升滅夷掘壘使道不通商旅

無功復及其邦

貢 常德自如不逢禍殃福祿自來

剝 范子妙材戮辱傷膚後相秦國封為應侯

復 狼虎結謀相聚為倚同噬牛羊道絕不通病我

商人

不宜林公與我爭訟媒伯無禮自令塞壅

上天樓臺登拜受福喜慶大來

通大 三羊上山東至平康黃龍服箱南至魯陽完其

珮囊執綏車中行人有慶

坎 天地閉塞仁智隱伏商旅不行利深難得

離 延陵適層觀樂太史車駢白顛知秦興起卒兼

其國一統為主

咸 崇戴甲兵歸放馬牛徑路開通國無凶憂

墻難鑿疾  
病難治

恒 牛驥同堂郭氏以亡國破為墟君奔徙移

遯 大尾小腰重不可搥棟撓壤壞臣為君憂湯火

之言消不為患使我復安

壯大

太乙置酒樂正起舞萬福攸同可以安處保我

覲齒

一下有暗空無  
餌不利為旅

晉

飲酒醉醺跳起爭鬪伯傷叔僵東家治喪

夷明

陵險難登澗中多石車馳轄擊重載傷軸擔負

善躓跌踈右足

人家

爭訟不已更相咨詢張季弱口被髮北走

一下有耳

順從心躬行至仁不  
須以兵天下太平

緊

心志無良傷破妄行觸墻觚壁不見戶房先王

閉關商旅委棄

蹇

鷓鴣鴟鴞治成御災綏德安家周公勤勞

解

清人高子久屯外野逍遙不歸思我慈母

損

兩虎爭鬪股創無處不成仇讐行解却去

益

天女推床不成文章南箕無舌飯多沙糠虐衆

盜名雄鷄折頸

夫

太子扶蘇出於遠郊佞幸成邪改命生憂慈母

之恩無路致之

姤

寒暑相推一明一微赫赫宗周榮光滅衰



萃 鷄狗相望仁道篤行不吠昏明各安其鄉周鼎  
和餌國富民有八極蒙祐

升 窓牖戶房通利明光賢智輔聖仁施大行家給  
人足海內殷昌

困 雨雪三月鳥獸飢乏旅人失宜利不可得機言  
解患以療篤難危身復安

井 白鵠銜珠夜食爲明膏潤優渥國歲年豐中子  
來同見惡不凶

革 從豕牽羊與虎相逢雖驚不凶

鼎 鳧雁啞啞以水爲宅雌雄相和心志娛樂得其  
所欲

震 逐狐平原水過我前深不可涉暮無所得

艮 窟室蓬戶寒賤所處千里望烟渙散四方形體  
滅亡下入深淵終不見君

漸 桀紂之主悖不堪輔貪榮爲人必定其咎聚斂  
積實野在都邑未來我室

歸 妹 倉庫盈億年歲有息商人畱連雖久有得陰多  
陽少因地就力

豐 太山不然釣鯉失綸魚不可得利去我北一作三人

同福以興周國君子安息

旅 童女無媒不利動搖安其室廬待母動憂

巽 載風雲母遊觀東海鼓翼千里見吾愛子

兌 鴻盜我孺逃於山隅不見其迹使伯心憂

渙 夜視失明不利遠鄉閉門塞牖福為我母

節 三狗逐兔于東門路利以進取商人有得

中孚 武王不豫周公禱謝載璧秉珪安寧如故

小 同載共車中道別去爵級不進君子下輿

既濟 六雁俱飛遊戲稻池大飲多食食飽無患一下有舉

事不遂商旅作債

未濟 符左契右相與合齒乾以坤利季生六子長大

成就風言如母不利為咎

頤之第二十七

頤 家給人足頌聲竝作四夷賓服干戈卷閣

乾 思初道古哀吟無輔陽明不制上失其所

坤 江河淮海天之奧府衆利所聚可以饒有樂我

君子

屯 三雁俱飛避暑就涼適與繒遇爲黻所傷

蒙 秋南春北隨時休息處和履中安無憂凶

需 履危無患逃脫獨全不利出門傷我左膝疾病  
不食鬼哭其室

訟 東家凶婦怨其公姥毀盤破盆棄其飯食使吾

困貧

師 泥滓汗辱棄捐溝瀆衆所笑哭終不顯錄

比 且往暮還吝與相存身無患凶

小 六翮長翼夜過射國羿氏無得

履 蜂蠆之國難以止息嘉媚之士爲王所食從去  
其室

泰 被狐乘龍爲王道東過時不返使我憂孽

否 雪梅零墜心思憤憤懷憂少愧亂我魂氣

同人 長女三嫁進退多態牝狐作妖夜行離憂

大有 轟轟鞫鞫驅東向西盛盈必毀高位崩顛

謙 乘船涉濟載水逢火賴得無患蒙我全生

豫 德至之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南歷玉山東入生門登福上堂飲萬歲漿

臨 大斧斫木讒人敗國東關二五禍及三子晉人

亂危懷公出走

觀 一室百孫公悅媪歡相與笑言家樂以安

噬 隨陽轉行不失其常君安於鄉國無咎殃

賁 羣虎入邑求索肉食大人禦守君不失國

剝 弱足別跟不利出門商賈無贏折崩為患湯火

之憂轉解喜來

復 夏臺幽戶文王厄處鬼侯飲食岐人悅喜

无妄 棟撓壞壞廊屋大敗官闕空廓如冬枯樹

大畜 讒以內安不利其國室家大懼幽囚重閉疾病

多求罪亂憤憤

大過 六龍俱怒戰於陂下倉黃不勝旅人艱苦

坎 天下雷行塵起不明市空無羊疾人憂凶三木

不喜脫歸家邦

離 一指食肉口無所得染其鼎鼎舌饑於腹

咸 喜笑不常失其福慶口辨言疥行者畏忌

恒 毛生毫背國樂民富侯王有德

遯 豨豕童牛害傷不來三光同堂生我福仁

壯大 江河淮濟盈溢爲害邑被其癩年因無歲

晉 兩虎爭鬪股瘡無處不成仇讐行解却去

明 五嶽四瀆潤洽爲德行不失理民賴恩福

人家 載車乘馬南逢君子與我嘉福離憂無咎

睽 缺囊破筐空無黍梁不媚始公棄於糞場

蹇 殺行桃園見虎東還螳螂之敵使我無患

解 箕仁入室政衰弊極抱其彘器奔於他國因禍

受福

損 庭燎夜明追古傷今陽弱不制陰雄坐戾

益 懸貍素飡食非其任失輿剝廬休坐徙居

夬 嘉聞福喜繪帛盛織日就爲得

姤 執綏登車騂乘東遊說齊解燕霸國以安

萃 水深無桴寒難何游商伯失利庶人愁憂

升 三鳥鴛鴦相隨俱行南到饒澤食魚與梁君子

長樂見惡不傷

困 遠視目盼臨深苦眩不離越都旅人畱難

井 終風東西渙散四分終日至暮不見子權

一本此下

皆大  
過之

革 言無要約不成券契殷叔季姬公孫爭之彊入  
委命不悅我心

鼎 牛馬聾聵不知聲味遠賢賤仁自令亂憤疾病  
无患生福在門

震 從商近遊食飽無憂囹圄之困中子見囚

艮 据斗運樞順天無憂與樂竝居

漸 姬夷姜望爲武守邦藩屏燕齊周室以疆子孫  
億昌

妹 亡羊東澤循隄直北子思其母隨返其所

豐 張鳥開口舌直距齒然諾不行政亂無緒

旅 載船逢火憂不爲禍家在山東入門見公

巽 絕國異路心不相慕蛇子兩角使我相惡

兌 鼻項移徙居不安坐枯竹後生失其寵榮

渙 火息無光千歲不長殷湯遠明

節 文王四乳仁孝篤厚子蓄十男無有折夭

中 熊羆豺狼在山陰陽伺鹿取麀道伏畏難

小 彫葉被霜獨蔽不傷駕入喜門與福爲婚

既濟

黃離白日照我四國元首昭明民賴為福一下有漢  
有游女人  
不可得

未濟

順風直北與歡相得歲熟年豐邑無寇賊一下有長  
女行嫁子孫不  
昌係疾為殃

大過之第二十八

大過

典册法書藏在蘭臺雖遭亂潰獨不過災  
日在北陸陰蔽陽日萬物空虛不見長育

坤

鬼泣哭社悲傷無後甲子昧爽殷人絕祀  
涉塗履危不利有為安坐垂堂乃無災殃門戶

屯

自開君憂不昌  
陽失其紀枯木復起秋葉冬實君不得失

蒙

大樹之子百條共母當夏六月枝葉盛茂鸞鳳  
以庇召伯遊暑翩翩偃仰各得其所

需

秉鉞執戈挑戰先驅不役元帥敗破為憂  
啓室開門巡狩釋寃夏臺羨里湯文悅喜

訟

衰滅無幾淵溺在頃吠狗夜驚家乃不寧  
西鄰小女未有所許志如委衣不出房戶心無

比

所處傅母何咎

履 狗吠夜驚履鬼頭頸危者弗傾患者不成

泰 當年少寡獨與孤處鷄鳴犬吠無敢難者我生

不辰獨嬰寒苦

否 無道之君鬼哭其門命與下國絕不得食

同人 乘龍南遊夜過糟丘脫厄增憂一下有繒絕魯傷昇不得美

大有 馬躓車傷長苦破家東關二五晉君出走

謙 瓜花瓠實百女同室醯苦不熟未有配合

豫 晨風文翰大舉就温時過我邑昇無所得

隨 澆澆促促塗泥至轂雨濘不進虎嚙不得

蠱 膠車駕東與雨相逢放革懈惰頓禹一作輪獨坐

憂不為禍一作福

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人

失功

噬嗑 牧羊稻園聞虎喧謹危懼喘息終無禍患

賁 嬰兒求乳母歸其子黃虜悅喜乃得甘飽

剝 廓落失業跨禍變福利無所得

復 出入無時憂患為災行人失牛利去不來若馬



遺駒勿與久居

无妄 風怒漂木女感生疾陽失其時陰孽爲賊

大畜 車馬疾傷不利越鄉幽人無貪去晦就明

頤 三奇六耦各有所主周南召南聖人所在德義  
流行民悅以喜

坎 坐爭立訟紛紛詢詢卒成福亂災及家公

離 凶憂爲殘使我不安從之南國以除心疾

咸 愛我嬰女牽引不得冀幸高貴反曰下賤

恒 宜行賈市所取必倍載喜抱子與利爲友

遯 坐席未溫憂來扣門踰墻北走兵交我後脫於

虎口

大壯 赤帝懸車廢職不朝叔帶之災君子記廬

晉 子畏於匡厄困陳蔡明德不危竟自免害

明夷 逐雁南飛馬疾牛罷不見漁池失利憂危牢戶

之寃脫免無患

家人 推輦上山高仰重難終日至暮不見阜巔

睽 憂不爲患福在堂門使君偃安

蹇 春桃生華季女宜家受福多年男爲邦君

解 高山之巔去地億千雖有兵寇足以自守

損 過時歷月役夫憔悴處子嘆室思我伯叔

益 太微復明說升傳巖乃稱高宗

一作疾在頭頸和不能生滅其

名令

夫 旁多小星三五在東早夜晨行勞苦無功

姤 東鄉煩煩祖與笑言子般鞭革圍人作患

萃 鼻移在頭枯葦復生下朽上榮家乃不寧其舍

不成

升 蝦蟆羣聚從天請雨雲雷集聚應時輒與得其

所願

困 大步上車南到喜家送我絮裘與福載來

井 賊仁傷德天怒不福斬刈宗社失其土宇

一本此下

皆願之

革 從狷見虎雖危無始終已不處

鼎 履行素德卒蒙祐福與堯侑食君子有息

震 利在北陸寒苦難得憂危之患福爲道門商叔

生存

艮 四蹇六盲足痛難行終日至暮不離其鄰

漸 臺駘昧子明知地理障澤宣德封居河漢  
歸 畜水待時以備火災柱車絆馬郊行出旅可以  
妹 無咎

豐 歲暮花落君衰於德榮寵頽墜陰弃其室

旅 夏敗蔡悲千里爲市黃落渣鬱利得無有

巽 仲春巡狩東見羣后昭德允明不失其所

兌 樹潔縹縹締構難解嫫母銜嫁媒不得坐自爲

深禍

渙 烏嚙夜中以戒災凶重門擊柝備憂外客

節 朝霽暮露織我衣濡道無行牛

孚 抱璞懷玉與桀相觴詘坐不申道無良人

過 兩心相悅共其芾薊夙夜在公不離房中得君

子意 芾薊一作茅蘆

濟 載餽茹田破鉏失餐苗稼不闢獨飢於年

未 甘露醴泉太平機關仁德感應歲樂民安

坎之第二十九

坎 有鳥黃足歸呼季玉從我睢陽可避刀兵與福

俱行有命久長

乾 太王爲父季歷孝友文武聖明仁德興起孔張  
四國載福綏厚

坤 猿墮高木不矮手足保我全生還歸其室

屯 重耳恭敏遇讒出處北奔戎狄經涉齊楚以秦  
代懷誅殺子圍身爲伯主

蒙 倚鋒據戟傷我胸臆耗折不息

需 狗冠鷄步君失其所出門抵山行者憂難水灌  
我園高陸爲泉

訟 衆鳥所翔中有大恠丈身長頸爲我驚憂

師 虎行相逐未有休息戰於平陸爲夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不污輪渴爲  
我怨

泰 朝不見光夜不見明暝抵空床季女奔亡愴然  
心傷

否 齊魯永國仁聖輔德造禮雅言定公以安

同人 東帛立圭君以布德伊呂百里應聘輔國

大 有 棘鈎我禱爲絆所拘靈巫拜祝禍不成災東山  
之邑中有肥土可以饒飽

謙 門燒屋燔爲下所殘西行出戶順其道理虎臥  
不起牛羊歡喜

豫 墻高蔽目崑崙翳日遠行無明不見懼叔  
隨 天地際會不見內外祖辭遣送與世長訣

蠱 深水難涉泥塗至轂牛罷不進浮陷爲疾  
臨 羊驚虎狼獼猴羣走無益於僵爲齒所傷

觀 履蛇躡虺與鬼相視驚恐失氣如騎虎尾  
車驚人傾兩輪脫去行者不止人生憂懼結締

復 復解夜明爲喜  
賁 南販北賈與喜爲市利得百倍

剝 延陵適魯觀樂太史東鄰白顛知秦興起卒兼  
其國一統爲主

復 出門逢患與福爲患反相擊刺傷我手端  
无 妄 猗鹿羣走自然燕喜公子好遊他人多有

大 畜 恭寬信敏履福不殆從其邦域與喜相得  
頤 欲飛無翼鼎重折足失其福利庖羞爲賊  
一上下

妻之家富其家幸喜  
除我憂解吾思愁

大過 府藏之富王以賈貨捕魚河海布網多得  
離 陰生麓鹿鼠舞鬼哭靈龜陸處釜甑塵生仁智  
盤桓國亂無歡

咸 風塵坎坷不見南北行迷失利復反其室

恒 金革白黃宜利戎市嫁娶有息商人悅喜

遯 匏瓜之德宜繫不食君子失輿官正懷憂

壯大 乘船渡濟載水逢火賴得免患我有所持

晉 道險多石傷連折軸與市爲仇不利客宿

明夷 託寄之徒不利請求結衿無言乃有悔患

家人 三年爭妻相逐奔馳終日不食精氣竭罷

睽 退惡防患日之中息解釋倒懸

蹇 兩足四翼飛入家國寧我伯姊與母相得

解 寒露所凌漸致堅冰草木瘡瘍花落葉亡

損 后稷農功富利我國南畝治理一室百子

益 設網張羅捕魚圍池網罟自決雖得復失危許

之患受其忻懽

夬 路與縣休侯伯恣驕上失其威周室相微

逐豕追亡相及扶桑復見其鄉使我悔喪

萃履祿綏厚載受福祉衰微復起繼世長久疾病  
无危晉人起告

升鰥寡孤獨祿命苦薄入宮無妻武子哀悲

困山沒丘浮陸爲水魚燕雀無巢民無室廬

井冠帶南遊與福喜期遨遊嘉國拜位逢時

萃東行亡羊失其羝牂少女無夫獨坐空廬

鼎採巢捕魚耕田捕鱗費日無功右手虛空

震東行飲酒與喜相抱福爲吾家利來從母水澤

之徒望邑而處

艮妄怒失精自令畏悔怡怡之懽君子無咎

漸白雲如帶徃徃來處飛風送迎大雹將下擊我

禾稼僵死不起

歸妹南至之日陽消不息北風烈寒萬物藏伏

豐火中仲夏鴻雁解舍體重難移未能高舉君子

顯名不失其譽

旅北行出門履蹈躓顛踣足據塗污我襦袴

巽輕車醜祖疾風暴起促亂祭噐飛揚鼓舞明神

降佑道無害寇

兌 酒爲歡伯除憂來樂福喜入門與君相索使我  
有德

渙 三足孤鳥虛鳴督郵司過罰惡自賊其家毀敗  
爲憂

節 三河俱合水怒踴躍壞我王屋民飢於食

南行棗園惡虎畏班執火銷鋒使我無患

求鹿過山與利爲怨闇襲不言誰知其懼

行旅困蹙失明守宿囹圄之憂啓蟄出遊

濟

據棘履杞跌刺爲憂夫婦不和亂我良家

離之第三十

離 時乘六龍爲帝使東達命宣旨無所不通

乾 執轡四驪王以爲師陰陽之明載受東齊

坤 春秋禱祀解禍除憂君子無咎

屯 坐朝乘軒據國子民虞叔受命和合六親

蒙 門戶下堂與福相迎祿于公室會孫以昌

需 高木腐巢漏濕難居不去甘棠使我無憂

訟 三女爲姦俱行高園倍室夜行與伯笑言不訟



主母爲設歡酒寃尤誰禱

師 漏卮盛酒無以養老春貸黍稷年歲實有履道  
坦坦平安無咎

比 松栢枝葉常茂不落君子權寧日富求樂

畜小 夫婦不諧爲燕攻齊良弓不張騎劫憂亡

履 出令不勝反爲大災強不克弱君受其憂

泰 奔走相錯敗亂諸緒民不得作

否 載璧秉珪請命于河周公克敏冲人瘳愈

人同 素車爲馬不任重負王侯出征憂危爲咎

大有 大樹之子百條其母比之火中枝葉盛茂

謙 壅遏隄防水不得行火盛陽光陰蜺伏藏走歸  
其鄉

豫 五嶽四瀆合潤爲德行不失理民賴恩福

隨 駕駿南遊虎驚我牛陰不奉陽其光滅蹠訾之  
謙謙奉義解患

蠱 早霜晚雪傷害禾麥損功弃力飢無所食

臨 岐周海隅獨樂無憂可以避難全身保財

觀 陰蔽其陽日暗不明君憂其國求駢得黃駒犢

從行

嗟

金城鐵廓上下全力政平民歡寇不敢賊

賁

平公有疾迎醫秦國和不能治晉人疑惑

剝

載堯扶禹從喬彭祖西遇王母道路夷易無敢

難者

復

羔羊皮革君子朝服輔政天德以合萬國

无妄

振鐘鼓樂將軍受福安帖之家虎狼爲憂履危

不殆師行何咎

大畜

嫡庶不明孽亂生殃陳失其邦

頤

鳥驚孤鴻亂國不寧上弱下強爲陰所行

大過

被綉夜行不見文章安坐于堂乃無咎殃長子

帥師得其正常

坎

六月采芑征伐無道張仲方叔克勝飲酒

咸

昧暮乘車東至伯家踰梁越河濟脫無他

恒

東風解凍和氣兆升年歲豐登

遯

三狸搏鼠遮遏前後死於圓域不得脫走

大壯

綏德孔明履祿久長貴且有光疾病憂傷

晉

三虎搏狼力不相當如摧腐枯一擊破亡

明夷

使伯采桑狼不肯行與叔爭訟更相毀傷

抱空握虛鴉驚我雛利去不來

睽

李花再實鴻卵降集仁哲以興隆國不賊

蹇

東山臯落勇悍不服金瑛玩好衣爲身賊絲麻

不作

解

飛蚊汚身爲邪所率青蠅分白真孝放逐

損

南山大木丈身六目制命出文東里宣敷尊主

安居鄭國無患

泉起崑崙西出玉門流爲九河無有憂患

夬

命短不長中年天傷思及哭堂哀其子亡

姤

君臣不和上下失宜宗子哀歌

萃

苛政日作螽食華葉割下啖上民被其賊秋無

所得

升

南行載鎧登履九冠車傷牛罷日暮嗟咨

困

春東夏南隨陽有功與利相逢

井

頭尾顛倒不知緒處君失其國

革

言無要約不成券契殷叔季姬公孫爭之強入

委命不悅子南

鼎 缺陷不成胎卵不生不見其形

震 見蛇交悟惜蜒畏惡心乃無悔

艮 河水孔穴壞敗我室水深無涯魚鯨領倒

漸 五嶽四瀆地得以安高而不危驚懼避患

歸 南至之日陽消不息北風冽寒萬物藏伏

豐 五利四福俱田高邑黍稷盛茂多獲高稻

旅 公孫駕車載遊東齊延陵子產遺我紵衣疾病

哀悲

巽 蛟虬當道民困愁苦望羊置羣長子在門

兌 金玉滿堂忠直乘危二老凍餓鬼奪我室求魚

河海網舉必得

渙 日入明匿陽精隱伏小人心勞求事不得

節 頻逢招飲失利後福不如子息舊器故杵申請

必得乃無大悔

中孚 南有嘉魚駕黃取遊魴鱣詡詡利來無憂

小過 黃裳建元文德在身祿佑洋溢封爲齊君

既濟 口不從心欲東反西與意乖戾動舉失便

未濟 虎狼之鄉日爭凶訟叨爾爲長不能定証



國家圖書館, NATIONAL CENTRAL LIBRARY, TAIWAN, R.O.C.

身  
木  
入  
者  
一  
不  
可  
少  
也

易林卷三

咸之第三十一

咸 雌單獨居歸其本巢毛羽憔悴志如死灰

乾 小窻多明道里利通仁賢君子國安不僵

坤 心惡來恠衝衝何懼顏淵子騫尼父聖誨

屯 鳥鳴呼子哺以酒脯高棲水起來歸其母

蒙 國馬比角陰孽萌作變易常服君失于宅

需 八年多悔耕石不富衡門屢空使士失意

訟 諸儒行賈遠涉山阻與旅爲市不危不殆利得

NATIONAL CENTRAL LIBRARY, TAIWAN, R.O.C.

十倍

師 梁破橋壞水深多良陳鄭之間絕不得前

比 雙鳧俱飛以歸稻池經涉荏澤爲矢所傷損我

胸臆

小 謾誕不成佶梁滅文許人買牛三夫爭之失利

在時公孫懷憂

履 南國饑凶民食糟糠少子困捕利無所得

泰 狗吠非主狼虎夜擾驚我東西不爲家咎

否 望龍無目不見手足入水求玉失其所欲

同人 以鹿爲馬欺誤其主聞言不信三口爲公黃龍

三子中樂不殆

大有 養幼新婚未能出門登宋望齊不見太師

謙 王孫貴子相與爲友明允篤誠升擢薦舉

豫 山水暴怒壞梁折柱稽旅難行習連愁苦

隨 鷓鴣徒巢西至平州遭逢雷電碎我茗蘆室家

飢寒思吾故鄉

蠱 登高傷軸上阪弃粟販鹽不利市賈折角

臨 祝駝王孫能事鬼神節用綏民衛國以存眉壽

多年

觀 九里十山道卻峻難牛馬不前復反來還還又作道

嗑 枯樹不花空淵無魚舊鳥飛翔利奔我去

賁 雄狐綏遺登山崔嵬昭告顯功大福允典

剝 啞啞笑言與歡飲酒長樂行觴千秋起舞拜受

大福

復 大推破轂長舌亂國床第之言三世不安

无 男女合室三姓同食婚姻孔云宜我孝孫

畜 千仞之墻不得入門金籠鑿疏利以避兵欲上

南阪軸方不轉還車復反

頤 華言風語自相註誤終無凶事安寧如故

大 汎汎栢舟流行不休耽耽寐寐公懷大憂仁不

遇時退隱窮居

坎 六尾小頭重不可搖上弱下強陰制其雄

離 一身三口語無所主東西南北迷惑失道

恒 南行求福與喜相得封受上賞鼎足輔國

遯 過時不歸雌雄苦悲徘徊外國與母分離

大 堯舜在國陰陽和德涿聚衣裳晉人無殃



晉 周公之隆越裳夷通疾病多崇鬼哭其公狼子  
野心客宿不同

明 申酉脫服牛馬休息君子以安勞者得權

家 人 凱風無母何恃何怙幼孤弱子爲人所苦

睽 出門上堂從容牖房不失其常天牢地戶勞者

憂苦

蹇 天厭周德命與南國以禮靜民兵革休息

解 堂桑折衡佐鬪者傷暴臣反國良臣被殃

損 合歡之國嘉喜我福東岳西山朝齋成思

益 耕石不生弃禮無名縫衣失針襦袴不成

夬 聾瞽闇盲跛倚不行坐戶孚骸身被大災困其

多憂

姤 生長太平仁政流行四方歸德社稷康榮

萃 桀跡竝處民人愁苦捕兵荷糧戰於齊魯合沓

得牢姬姜竝居

升 南與凶俱破車失襦西行無袴亡其寶賂

困 空曹注器豚彘不至張弓祝雞雄父飛去

井 望尚阿衡太宰周公藩屏湯武立爲王侯

革 朝鮮之地姬伯所保宜家宜人業處子孫

鼎 息憂解笑故貧今富載樂履善與福俱憂疑作優

震 叔迎伯兄遇巷在陽君子季姬竝坐鼓簧

艮 順風縱火艾芝俱亡三官集房一子中傷

漸 駕車八里求鮮魴鯉非吾肆居自令失市君子

所在安無危殆

歸妹 拔劍傷手見敵不起良臣無佐因辱為苦

豐 亂君之門佐鬪傷跟營私貪祿身為悔殘東下

泰山見我所歡

旅 慈母望子遙思不已久客外野使我心苦

巽 魴生淮郤一轉為百周流四海無有患惡淮郤又作

維江

兌 甘露醴泉太平機關仁德感應歲樂民安

渙 采薇出車魚麗思初上下役急君子免憂

節 豕生魚魴鼠舞庭堂雄佞施毒上下昏荒君失

其邦

中孚 三頭六目道良難宿寒苦之國利不可得

小過 燕雀銜茅以生孚乳昆弟六人懽好孝悌各同

心願和悅相樂

既濟 文君德義仁聖致福年無胎天國富民實臥者在室曾累益息

未濟 秋梁未成無以至陳水深難涉使我不前

恒之第三十二

恒 黃帝所生伏羲之宇兵刃不至利以居止

乾 登墀踔足南行折角長夜之室不逢忠直

坤 燕雀衰老悲鳴入海憂在不飾差池其羽頡頏上下寡位獨處

屯 闔門除憂伯自外來切切之患我心得歡

蒙 郊耕擇耜有所疑止空虛無子蒙昧不知

需 張牙切齒斷怒相視禍起蕭牆牽引吾子患不可解憂驚吾母

訟 履不容足南山多棘母出房閨乃無病疾

師 牛駢亡子鳴於大野申后陰微還歸其母

比 龍生于淵因風昇天章虎炳文爲禽敗軒發蜺溫谷暮宿崑崙終身無患光精照耀不被患難

小畜 既嫁宜吉出入無咎三聖並居國安無災

履北陸陽伏不知黑白君子傷讒正害善人  
秦一身兩頭延適二家亂不可治

否牝馬牡駒歲孳不休君子衣服利得有餘

南行懷憂破其金輿安坐故廬乃無殃患

憂人之患履傷浮顏爲身禍殘篤心自守與喜

相抱

謙咸陽辰巳長安戌亥丘陵生心非魚鱗市可以

避水終無凶咎

豫不知何孫夜來扣門我慎外寇兵戎且來

隨昧旦不明日暗無光喪滅失常使我心傷

蠱江陰水側舟楫破乏狐不得南豹无以北雖欲

會盟河水梁絕

臨神之在丑逆破爲咎不利西南商人休止

觀然諾不行欺訟誤人使我虛宿夜歸溫室神怒

不直鬼繫無目欲求福利適及自賊

噬嚙攘臂拯肘怒不可止狼戾復狠無與爲市

賁販馬買牛會值空虛利得尠少留連爲憂

剝高樓陸處以避風雨深堂邃宇君安其所牝雞

之息爲我利福請求弗得

復 阿衡服箱太乙載行迺時歷舍所求吉昌

妄无 飛來之福人我居室以安吾國

畜大 不孝之患子孫爲殘老耄莫養獨坐空垣

願 南過棘門駒裂我冠斷衣傷襦使君恨憂

過大 重門射平不知所定質疑著龜孰可避火明神

答報告以犧牲宜利止居

坎 麟麇鳳雛安樂無憂捕魚河海利踰徒居

離 新田宜粟上農得穀君子懷德以千百祿

咸 簪短帶長出思苦窮瘡蠹小瘦以病之癘

遯 爭訟之門不可與隣出入有爲憂生我患

壯大 朽根枯株不生肌膚病在心腸日以憔悴

晉 兩師娶婦黃巖季女成禮就婚相呼南上膏我

下土年歲大茂

夷明 冬採薇蘭地凍堅難利走失北暮無所得

人案 昧之東域誤過虎邑失我熟一作熊 羶饑無所食

睽 日莫閉日隨陽休息箕子以之乃受其福舉事

多言必爲悔殘

蹇 萋蕭瀼瀼君子龍光鳴鸞囉囉福祿來同

解 鳥飛無翼兔走折足雖不同會未能利達

損 五勝相賊火得水息精光消滅絕不能續

益 東資齊魯得駢大馬便辟能言市人善買鄰人

併戶請火不與人道閉塞鬼崇其宇

夬 爭雞失羊亡其金囊利不得長陳蔡之患賴楚

以安

姤 九登十陟馬跌不前管子佐之乃能上山

萃 東隣愁苦君亂天紀日貪祿寵必受其咎一本有意

合志同內外相從見吾伯公

升 三狸捕鼠遮遏我前死於外域不能脫走

困 狼虎爭疆禮義不行兼吞其國齊魯無王

井 五岳四瀆合潤為德行不失理民賴恩福

革 六月種黍歲晚無雨秋不宿酒神失其所先困

後通與福相從

鼎 騷牝龍身日取三千南上蒼梧與福為婚道理

夷易身安無患

震 出八休居安止無憂上室之懼虐為季殘

良 南山昊天刺政閔身疾病無辜背憎爲仇

漸 潼頓東徙道路跛躄日辰不良病爲祟禍

歸 妹 兄征東燕弟伐遼西大克勝還封居河間

豐 播輪折輻馬不得行豎牛之讒賊其父兄布衣

不傷終身無患

旅 駕之南海晨夜不止君子勞罷僕夫憔悴

異 怨重被燒忿怒生禍福心作事意如爲亂

兌 張狂妄行竊食稻梁狗吠非主嚙傷我足

渙 警蹕式道先驅除咎王后親桑以率羣功安我

祖宗

節 門戶乏食困死誰告對門不通安所歸急積藏

五穀一花千葉市賈有息

中 孚 破敝復完危者得安鄉善無損商人有息利來

入門

小 過 疊疊累累如岐之室一息十子古公治邑

既 濟 三姬治民不勝其任兩馬爭車敗壞家室

未 濟 蔽鏡無光不見文章少女不市棄於相望

遯之第三十三

遯 三塗五岳陽城太室神明所住獨無兵革

乾 軟弱無輔不能自理意在外野心懷勞苦雖憂

不殆

坤 周成之隆刑措无凶大衆讚佑君子作仁

屯 穴有狐烏坎生蝦蟆象去萬里不可得捕

蒙 俱爲天民雲過吾面治民嫉妬與我無恩民一作門

需 三手六日政多煩惑臯陶瘖聾亂不可從

訟 德積不輕辭王鈞耕三媒不已大福來成

師 堅固相親日用日完六體不易孰爲安全兩師

駕西濡我轂輪張伯李季各噬關門

比 方內不行輻摧輪傷馬禁隄與愛子閱時

畜小 畜牝無駒養雞不雛羣羊三歲不生兩頭

履 老耄罷極無取中直懸輿致仕得歸鄉園

泰 縮緒亂絲手與爲災越畝逐鬼斷其禪禱

否 海老水乾魚驚蕭索高落无澗獨有沙石

同人 入市求鹿不見頓足終日至夜竟無所得

大有 築門壅戶虎臥當道驚我驂騮不利出處

謙 陶朱白圭善賈息資公子王孫富貴不貧



豫 王良善御伯樂知馬周旋步驟行中規矩止息  
有前延命壽考

隨 堯問大舜聖德增益使民不懼安無怵惕

蠱 昭公失常季氏悖狂遊齊處鄆喪其寵身

臨 昏暮不行候旦待明復住止後未得相從

觀 安止宜官一日九遷升擢超等牧養常山

噬 去惡就凶東西多訟行者无功

賁 老馬垂耳不見百里君子弗恃商人莫取無與

爲市

剝 蠍螺生子深目黑醜似類其母雖或相就與人

莫取

一云蝸螺自疑當作一目

復 百足俱行相輔爲彊三聖翼事王室寵光

无 妄 容民蓄衆履德有信大人受福童蒙憂戚利無

所得

大 畜 左跌右僵前躓觸彘其稽據石傷其弟兄老蠶

不作家無織帛貴貨賤身久留連客

頤 昏人旦明賣食老昌國祚東表號稱太公

大 過 敝筍在梁魴逸不禁溷父勞苦焦喉乾口虛空

易本  
卷三  
無有

坎 盛中後跌衰者復掇盈滿或毀疾羸肥脂鄒昭  
失國重耳興立

離 折亡破甕使我困貧與母生分別離異門

咸 野有積庾晉人駕取不逢狼虎暮歸其宇

恒 襁褓孩孤冠帶成家出門如賓父母何憂

壯大 陳力就列官職無廢手不勝盆失其寵門

晉 積雪大寒萬物不生陰制庶士時本寒貧

明 龍鬪海門失理傷賢內畔生賊自爲心疾

家人 不良猛虎依人爲輔三夫執獸伏不敢起身安

无咎

睽 南山高崗回隕難登道路遙遠行者无功憂不  
改凶惡亦消去

蹇 逢時焉遂富且尊貴

解 求我所欲得其利福終身不辱盈盛之門高屋  
光獲若先其困

損 安坐至暮禍災不到利詰姤妹皇宥不赦

益 膠車駕東與雨相逢五豸解墮頓斬獨宿憂爲

身福

夫擇日高飛遠至東齊見孔聖師徒我相諧  
婦陳媯敬仲兆興齊姜乃適營丘八世大昌  
萃缺將无憚難從東西毀破我盆泛素酒食  
升中夜狗吠盜在廬外神光佐助消散歸去  
困雷車不藏隱隱西行霖雨三旬流爲河江使我  
憂心

井老河空虛舊井無魚利得不饒遺患東隣福來  
入門使我悔存

華福德之士歡悅日喜夷吾相國三歸爲臣貴流  
子孫

嘉清人高子久屯外野逍遙不歸思我慈母

震驄驕黑鬚東歸高鄉白虎推輪蒼龍把衡朱雀  
導引靈鳥載遊遠扣天門入見真君馬全人安  
艮路多枳棘前刺我足不利旅客爲心作毒  
漸端坐生患憂來入門使我不安

歸妹小阪之市利不足喜二世積仁蒙其祖先匪躬  
之言狂悖爲患

豐 登高望時見樂无憂求利南國與寶相得

旅 跛足息肩有所忌難金城鐵廓以銅為關藩屏

自衛安上無患

巽 江水沱汜思附君子伯仲處市不我肯顧姪娣

恨悔

兌 茅蘗生達陽唱於外左手執籥公言錫爵

渙 雲夢苑囿萬物蕃熾犀象玳瑁荆人以富

節 渠戎萬里晝夜愁苦橐甲戌服雖荷不賊鷹鷂

之殃害不能傷

孚中 出門東行日利辰良步騎與駟徑歷京邦暮宿

北燕與樂相逢

過小 騎雖與蒼南賈太行逢蛟猛虎為所吞食葬於

渭陽

濟既 鎡基逢時稷契臯陶貞良得驥欲子解囚市恐

无虎謾言妄語

濟未 酒為歡伯除憂來樂福善入門與君相索使我

有得來一作未

大壯之第三十四

壯大

左有噬熊右有醫虎前觸鋏矛後躡彊弩無可抵者

乾

金齒鐵牙壽考宜家年歲有儲貪利者得有其咎憂

坤

家給人足頌聲並作四夷賓夷于戈橐閣

屯

獼猴冠帶盜載非位衆犬持吠狂走蹶足

蒙

心患其身不念安存忠臣孝子爲國除患

需

君不明德臣亂爲惑丞相命駕胡亥失所

訟

東行西窮南北无功張伯賞鹿從者失羊

師

鹿下西山欲保其羣逢羿箭鋒歿於矢端

比

夷明兆初三且爲災以讒復歸名曰豎牛剝亂

叔孫餒卒虛丘

小畜

秦失嘉居河伯爲恠還其御壁神怒不貽織組

无支燒香不芬

履

至德之君禍不過隣使我世存身无慮災

泰

衆惡之堂相聚爲殃幽毒良人使道不通

否

三痴六狂欲之乎鄉迷惑失道不知昏明

同人

老弱无子不能自理郭氏雖憂終不離咎管子

大 治國侯伯來服乘輿八百尊祀祖德一作大有卦  
 有 衰后生蛇經孝曰微追跌衰耄復滅黃離一作同人

謙 聰鬣黑髯東歸南鄉白虎推輪蒼龍把衡遂至

夷傷不離咎殃

豫 信謫龍且塞水上流半渡決囊楚師覆亡

隨 有莘季女為王妃后貴夫壽子母尊四海

蠱 德被八表蠻夷率服螫賊不作道無苛慝

臨 載日精光駢駕六龍祿命徹天封為燕王

觀 纓急縮頸行不得前五石示象襄伯不成

嗟 蛇鄉其穴載麻常喪哀悲哭泣送死離鄉

賁 四潰不安兵革為患掠我妻子客屢饑寒

剝 乘風雨橋與飛鳥俱一舉千里見吾愛母一作雨

復 雷霆所擊誅者五逆劇滅無迹有慎方息

无 張氏揖酒請謁左右王時枯槁獨不蒙所一作王

大 畜 坐爭立訟紛紛何旬卒成禍亂災及家公

頤 霜降門戶蟄蟲隱處不見日月與公為伍

大 過 鼠聚生性為我患悔道絕不通商旅失意

坎 寒暑不當軌度失常一前一後年歲鮮有

離 築室水上危於一齒丑寅不徙辰卯有咎

咸 畜雞養狗長息有儲耕田得黍主母喜舞

恒 東壁餘光數暗不明主母嫉妬亂我事業

遁 剛柔相傷火爛銷金鵬鷹制兔伐楚有功

晉 鄭國讒多數被楚憂征夫愁苦民困無聊

一本云三

家俱是關於虎口白豕不勝死於坎下

明夷 弓矢斯張把彈弦折九發不至道遇害患

舉觴飲酒未得至口側棄醉酣拔劍碎怒武戾

### 作悔

聯 蒼鷹羣行相得旅前王孫申公驚奪我雄北天

門開神火飛災如不敬信事入塵埃

蹇 穿屋相宜利倍我比循邪詭道迎不可得南北

望邑遂歸入室

解 壽如松喬與日月俱常安康樂不離禍憂

損 出門望東伯仲不來疾病為患使母憂歡

益 太姬之孫周文九子咸遂受成寵貴富有

夬 桃李花實纍纍日息長大成熟甘美可食為我

利福

姤 婚禮不明男女失常行路有言出爭我訟

萃 空穿漏敝破桴殘缺陰弗能完无碎不全空一作室

升 數窮廓落困於曆室往登玉堂與老侑食老一作堯

困 道濕為坑輪陷躓疆南國作諱使我多畏

井 鰥寡孤獨福祿苦薄入室無妻我子哀悲

革 舉袂覆日不見日月衣衾枕几就其夜室

鼎 長尾踳跔畫地為河深不可涉絕无以北憫然

憤息

震 晨風文翰火舉就溫昧過我邑弄无所得

艮 出八節時南北无憂亟行所逐在外來歸亟行所逐

又作行者亟至

漸 陽氏狂惑季孫亂潰陪臣執政平子俱折季心

不快

歸 五鳥六鷗相對蹲跂禮讓不與虞芮爭訟

豐 願念所生隔在東平遭離滿沸河川決潰幸得

无恙復生歸室

旅 追獵東走兎迹我後吾銳不利獨空無有



巽 犬吠非主上下渾擾敵人襲戰閔王逃走

兌 嵩高岱宗峻直且神觸石膚寸千里蒙恩

渙 陳魚觀社狼虎踰距為民開緒亡其祖考

節 四壁无戶三步一止東西南北利不可得

中孚 求君衣裳情不可當觸諱西行為伯生殃君之

上安得生安存

小過 春鴻飛東以馬貨金利可得深

未濟 禾生蟲蠹還自尅賊使我无得

既濟 桀亂無道民散不聚背室之家道迤邐走

晉之第三十五

晉 銷鋒鑄耜休牛放馬甲兵解散夫婦相保

乾 一衣三冠冠无所絆元服不成為身災患

坤 百足俱行相輔為彊三聖翼事王室寵光

屯 魚蛇之恠大人憂懼梁君好城失其安居

蒙 少無疆輔長不見母勞心遠思自傷憂苦

需 前不溽暑解不可取離門二里敗我利市老牛

病馬去之何悔

訟 君明有德登天大祿布政施惠以成恩福中子

少水

南遊翱翔未復

師 嗥然唯諾敬上尊容執恭除患禦悔致福  
比 黍稷禾稻垂秀方造中旱不雨傷風病藁  
畜小 三羸六罷不能越跪東賈失馬往反勞苦  
履 倚立相望引衣欲裝陰雲蔽日暴雨降集使道  
不通阻我歡會

泰 高脚疾步受肩喜趨日走千里賈市有得  
否 北風寒涼雨雪盈冰憂思不樂哀悲傷心  
貞鳥雖鳩執一无尤寢門治理君子悅喜

大 有 蓼蕭露禳君子寵光鳴鸞囀囀福祿來同

謙 南行求福與喜相得受封上賞鼎足轄國  
豫 桑華腐蠹衣敝如絡女功不成絲布爲玉  
隨 左服易右王良心歡喜利從已

蠱 壽考不忘駕駟東行三適陳宋南賈楚荆得利  
息長旅身多罷畏晝喜夜

臨 羔羊皮弁君子朝服輔政扶德以合萬國  
觀 鷓鴣徒巢西至平州遭逢雷電破全葦蘆室家  
饑寒思吾故初

噬嗑 大尾小頭重不可搖上弱下彊陰制其雌

賁 疏足息肩有所忌難金城銅郭以鐵為闕藩屏

自衛安心无患

剝 天命玄鳥下生太商造定四表享國久長

復 賦歛重數政為民賊杆軸空虛我去其室

无妄 陰陽隔塞許嫁不答宛丘新臺悔往歎息

大畜 願望登虚意常欲逃賈辛醜惡妻不安夫

頤 跡行竊視有所畏避蔽目伏藏以夜為利

大過 信敏恭謙敬鬼尊神五岳四瀆克厭帝心受福

宜年

坎 懸懸南海去家萬里飛兔腰裏一日見母除我

憂悔

離 雖汚不辱因向跣足童子褰衣五步平復

咸 宮城立見衣就袂裾恭謙自衛終无禍尤

恒 蔽筍在梁不能得魚塋食千里所至空虛

遯 千里駢駒為王服車嘉其驪榮君子有成

大壯 鼎足承德嘉謀生福為王問庭得心所欲

明夷 右手无合獨折左肱禹湯失位事功弗立

人家  
憂凶增異患近不解心西意東事无成功

睽  
東行食榆困於枯株夫妻无家志窮為憂

蹇  
五經六紀仁道所在正月繁霜獨不離咎

解  
懈緩不前怠墮失便二至之戒家无禍凶刻水

象形聞言不信

損  
仁愛篤厚不以所忿害其所子徙我舊都日益

富有

益  
缺破不成胎卵未生弗見兆形

夬  
摧角不傷雖折復長柔德无愆老賴榮光

乘桴浮海免脫厄中雖困无凶

萃  
孔鸞鴛雛鳴鷓鴣鷓鴣翔紫淵嘉禾之國君子

以說

升  
甘露溫潤衆來得願樂易君子不逢禍亂

困  
京騎墮落千里獨宿高岸為谷陽失其室

井  
入村既登以成嘉功龍降庭堅國无災凶

革  
邯鄲反言父兄生患竟涉憂恨卒死不還

鼎  
玉銳鐵願倉庫空虚賈市无盈與利為仇

震  
白鳥銜餌嗚呼其子旋枝張翅來從其母

艮 學靈三年聖且神明先見善祥吉盛福慶神馬  
來見告我无憂

漸 雲孽蒸起失其道理傷害年穀神君之精

歸 春耕有息利入利福獻豸大豸以樂成功

豐 羸豕躑躅虎來都邑遮邊左右國門勅急

旅 東行西維南北善迷逐旅失羣亡我襦衣

巽 居室之倫夫婦和親小人乘車車在夫家碩果

失參不知孰是

兌 東方孟春乘米載盆俱危不安終身所歡

渙 風吹塵起一里无所南國年傷不可安處

節 重載傷車婦女无夫三十不室獨坐空廬

中 敗牛羸馬與利爲市不我嘉喜

小 月出阜東山蔽其明章父憂僂箕子佯狂

既 出入門所與道開道祀梁之信不失日中少季

未 渡江來歸其邦疾病危亡

濟 邑居衛師如轉蓬時居之凶危

明夷之第三十六

夷 他山之錯與璆爲仇來攻吾城傷我肌膚邦家

騷憂

乾 踐履寒冰十步九尋惟有苦痛不為病憂

坤 太公避紂七十隱處卒逢聖文為王室輔

屯 日月之塗所行必到无有患晦

蒙 諷德誦功美風盛隆且輔成周光濟冲人

需 童子无室未有配合空坐獨宿

訟 穿鼻繫株為虎所拘王母祝詞禍不成災遂然

脫來

師 黃帝神明八子聖聰伏受大福天下平康

比 深谷為陵衰者復興亂傾之國民德安息中婦

病困遂入冥室

畜小 道遠遼絕路宿多悔頑嚮相聚生我畏忌

震 且樹菽豆暮成藿羹心之所樂志快心歡

泰 切切之患凶憂不成虎不敢噬利當我身

否 王伯遠宿長婦在室異庖待食所求不得

同人 寒燠失時陽旱為災雖耗无憂

大有 雖窮復通履危不凶得其明功

謙 狼虎所宅不可以居為我患憂

豫 喋囁處耀明昧相傳多言少實語無成事

隨 履冰蹈凌雖困不窮播鼓登巖卒無憂凶

蠱 文墨且墨禍福相雜南北矢志東西不得一云女黑

且黑禍福相雜

臨 爭訟不已更相談詢張季弱口被髮北走

觀 德積逢時宜其美才相明輔聖拜受福休長女

不嫁後為大悔

嗑噬 江水沱汜思附君子仲氏愛歸不我肯顧姪娣

恨悔

賁 光禮春成陳室雞鳴師明失道不能自守消亡

為咎

剝 驚虎無患虞為我言賴得以安

復 偽言妄語轉為誑誤不知狼虎

无妄 履慄自敵凶憂來到痛不歿哭

大畜 牽尾不前逆理失臣惠朔以奔

頤 三狸捕鼠遮遏我後歿於環城不得脫走

大過 言笑未畢憂來暴卒身墨丹索檻內裝米

坎 陰積不已雲作淫雨傷害平陸民无室屋

離 山林麓藪非人所處鳥獸无禮使我心苦

咸 新作初陵踰陷難登三駒推車跌損傷頤一作險

恒 寬徵惻惻行曠聽絕擴然大通復更生活

遯 樂子作殃伯氏誅傷州吁奔楚去其邑鄉

壯大 驕胡火形造惡作凶无所能成還自滅身

晉 陳辭達情使安不傾增榮益譽以成功名

家人 三杞无棗家无積莠使鳩求婦頑不我許

睽 慎禍重患顏子爲尤乃能安存牢戶繫羊乃能

受福

蹇 鹿得美草鳴喚其友九族和睦不憂饑乏

解 亡玉失鹿不知所伏利以避危全我生福甘雨

時降年穀有得

損 逢時積德身受福慶

益 鵠思其雄欲隨鳳東順理羽翼出次日中須留

北邑反復其室

夬 環緒倚鉏斗升屬口貧賤所處心寒悲苦

姤 孤獨特處莫依爲輔心勞志苦

萃 稷爲堯使西見王母拜請百福賜我喜子長樂



富有

升 鳴條之災北奔犬胡左袵為長國號匈奴主君  
旄頭立為單于

困 絕而復通雖危不窮終得其願姬姜相從  
井 陽并悖狂拔劍自傷為身生殃

革 方圓不同剛柔異鄉掘井得石勞而无功  
鼎 乘風駕雨與鳴鳥俱動舉千里見我愛母

震 三塗五岳陽城太室神明所扶獨无兵革  
艮 鷓鴣娶婦深目窮身折腰不媚與伯相悖

漸 轉行軌軌行近不遠旦夕入門與君咲言

歸 妹 求利難國逝去我北復歸其城不為吾賊  
難一作離

豐 日月之塗所行必到无凶无咎安寧不殆

旅 管叔遇桓得其願歡膠日殺糾振冠无憂笑喜  
不莊空言妄行

巽 出入蹈踐動順天時俯仰有節禍災不來

兌 內崩中傷上亂无常雖有米粟我不得食

渙 逐禍除患道德神仙過惡萬里福常在前身樂  
以安

節 牛驚馬走上下渾擾鼓音不絕頊公奔敗

中孚 西上九陂往來留連心須時日靈與有德

小過 虎怒捕羊謂不能攘

既濟 湧泉涓涓南流不絕卒為江海將師襲戰獲其

醜虜

未濟 桃弓葦戟除殘去惡敵人執服

家人之第三十七

家人 王命赤烏與君徼期征伐無道誅其君傲居止

何憂

乾 千歲槐根身多斧痕傷夷倒掘枝葉不存

坤 嗤嗤諤諤虎豹相齮良懼悚息終无難惡

屯 娶於姜呂駕迎新婦少齊在門夫子歡喜

蒙 高壤肥澤民人孔樂宜利居止長安有福

需 主有聖德上配太極皇靈建中授我以福

論 耄老蒙鈍不見東西少者弗慕君不與謀懸輿

致仕退歸里居

師 三狂北行近逢大狼暮宿患宅為禍所傷

比 更旦初歲振除禍敗新衣元服拜受利福

畜小 杲杲白日為月所食損上毀上鄭昭出走上下作下

履 君子失意小人得志亂憂並作姦邪充塞雖有

百堯顛不可救

泰 仁德優洽恩及異域澤被殊方福慶隱伏作蚕

不織寒无所得

否 東求金玉反得弊石名曰无宜字曰醜惡衆所

賤薄

同人 擊鼓合戰士怯叛亡威令不行敗我成功

大有 仲春孟夏和氣所舍生我嘉福國無殘賊

謙 尹氏伯奇父子相離无罪被辜長古為災

豫 五穀不熟困民惡極駕之新邑嘉禾有得

隨 登虛望貧暮食无飡長子南戍與我生分

蠱 東市齊魯南賈荆楚羽毛齒革為吾利寶

臨 節情省欲賦歛有度家給人足公劉以富

觀 恭寬信敏功加四海辟去不祥喜來從我

噬嗑 張狂妄行與惡相逢不得所欲生我獨凶

賁 盡龍頭頸文章不成甘言美語詭辭無名

剝 騎龍乘鳳上見神公彭祖受制王高贊通巫咸

就位拜壽无窮

復 溫仁君子忠孝所在八國為隣禍災不起

威權分離烏夜徘徊羣蔽月光大人誅傷

无妄 學靈三年聖且神明先知吉祥言喜福慶神鳥

來見告我无窮

頤 東山辭家處婦思夫伊威盈室長股羸戶歎我

君子役日未已

大過 張頷開口舌直絕齒然諾不行政政无緒

坎 次角高邦有失牛羊衆民驚惶敬慎避咎勅行

不殃

離 南行出城世德福祉三姬嫁齊賴其所欲

咸 心狂志悖耳聽從類政令无常下民多孽

恒 安上宜官一日九遷踰羣越等牧養常山

遯 東鄰嫁女為王妃后莊公築館以事主母歸于

京師季姜悅喜

大壯 六甲无子以喪其戊五丁不親庚失曾孫癸走

出門

晉 陰霧不清濁政亂民孟春季夏水壞我居

明夷

騎肫逐羊不見所望徑涉虎廬亡身失羔

睽 安牀厚褥不得久宿棄我喜宴困於南國投杼  
之憂不虞禍災

蹇 五日四維安平不危利以居止保有玉女

解 西賈巴蜀寒雪至轂欲前不得反復其室

損 剛柔相呼二姓爲家霜降旣同惠我以仁

益 天馬五道夾大分處往來上下相隨哭歌凶惡

如何

夬 出門懷憂東上禍丘與凶相遇自爲災患

垢 西行求玉冀得隋璞反見凶惡使我驚惑

萃 出門无至動作失利銜憂懷禍使我多悴

門一作入

至一作妄

升 高樓無柱顛僵不久紂失三仁身死牧野

困 避禍逃殃身全不傷高貴疾顛華落墜亡

井 張牙及目怒齶忿怒狂馬堦犬道警傷軫

革 泉涸龍憂箕子爲奴于叔隕命股破其家

鼎 向食飲酒嘉賓會聚牂羊大猪君子饒有

震 黃牛駢犢東行折角冀得百祥反亡我囊

艮 路多枳棘步刺我足不利旅客爲心作毒

漸 執斧破薪使媒求婦和合二姓親御斯酒召彼

鄰里公姑悅喜

歸 妹 駕車出門順時宜西福祐我身安寧无患

豐 日新東升魁杓爲禍漢臺爲秦使我久坐

旅 山陵丘墓窺空室屋精光竭盡長臥无覺

巽 孩子含餌爲利所悅探釜把甌爛其手臂

兌 何村待時門戶獨悲蚯蚓冬行解我无憂桑蠶

不得女紅无成

渙 解傷驚惶散我衣裳君不安邦

節 害政養賊背主入愆跛行不安國爲危患

中孚 禍走患伏喜爲我福凶惡消亡災害不作

小過 老馬爲駒病雞不雛三雌獨宿利在山北

既濟 播天舞地曉亂神所居樂无咎

未濟 異國殊俗情不相得金木爲仇酋長擅役

睽之第三十八

睽 倉盈庾億宜稼黍稷年豐歲熟民得安息

乾 被服冬衣遊視酒池上堂見觴喜爲吾兄使我

易本  
卷三  
三十一  
憂亡

坤 邑姜叔子天文在手實沉參墟封爲晉侯

屯 改柯易葉飯溫不食豪雄爭疆先者受福

蒙 馨香陟降明德上登社神佑顧命爲大鄰

需 老狼白駒長尾大狐前顛卻躡進退遇崇

訟 山沒丘浮陸爲水魚燕雀无廬

師 懿公淺愚不受深謀无援失國爲狄所滅

比 鼎易其耳熱不可舉大塗壅塞旅人心苦

畜小 凶聲醜言要不可聞君子舍之往恨我心

履 昧暮乘車履危蹈溝亡失羣物摧折兩軸

泰 南有嘉魚駕黃取鮪魴鯁詡詡利來母憂

否 隔在九山往來勞難心結不通失其所歡

同人 下流難居任失多態貞良溫柔年歲不富

大有 狐狸雉兔畏人逃去分首竄匿不知所處

謙 異體殊俗各有所屬西鄰孤姬欲寄我室主母

罵詈終不可得

豫 怒非怨妬貪得腐鼠而呼鷹鷂自今失餌倒被

困患

隨 五心六意岐道多怪非君本心生我恨悔

蠱 三班六黑同室共食日長月息我家有德

臨 方船備水旁河燃火終身无禍

觀 翳屏獨語不聞朝市利以居言究被後門

嗑 居處不安徒反觸患

賁 刺別髡劓人所賤棄批捍之言我心不快

剝 臯田禾黍堆壤麻阜衣食我躬室家饒有

復 兩目失明日奪无光脛足跛倚不可以行頓於

丘傍

无妄 金城朔方外國多羊履霜不時去復爲憂

大畜 匿痼不醫亂政生災紂作淫虐商破其墟

頤 鬼哭泣社悲傷無後甲子昧爽殷湯絕祀

大過 焱風卒起車馳袍褐棄古追亡失其和節憂心

懷懷

坎 耄老失明聞善不從自今顛沛反爲咎殃

離 隨風騎龍與利相逢日獲三狐商伯有功衝衝

之邑長安无他

咸 三牛五牂重明作福使我有得疾入官獄憂在



心腹

恒 孟巳乙丑哀呼尼父明德訖終亂虐滋起

遯 華燈百枝消暗衰微精光訖盡奄如灰麋

壯大 鷹飛雉退兔伏不起狐張狼鳴野雞驚駭

晉 鬪身戰天門有何患室家具在不失其歡

夷明 東家殺牛行逆腥臊神背西顧命絕衰周毫社

災燒宋人夷誅

人家 陰陽辨舒二姓相合婚姻孔云生我利福

蹇 東入海口循流北走一高一下五色無主十日

六夜死於水涘

解 孤竹之墟失婦无夫傷於蒺藜不見其妻東郭

棠姜武子以亡

損 天門東墟盡旣爲災跡踈暗孽秦伯受殃

益 賴生光木受福之社雖遭亂潰獨不危殆

夬 折舌閉目不見稚叔三足孤烏遠其无失

姤 七人同室兄弟合食和樂相好各得所欲

萃 繼體守藩縱欲廢賢君臣淫佚夏氏失身側室

之門福祿來存

升 老狐屈尾東西爲鬼病我長女哭涕詘指或西  
或東大革易誘

困 大樹之子百條共母當夏六月枝葉茂盛鸞鳳  
以庇召伯避暑穉穉叩甚各得其所

井 井堙水利國多暴殘秦王失所壞我大壇  
利一作刊

革 駕黃買倉與利相迎心獲所守不累弟兄  
鼎 倉盈庾億宜稼黍稷年豐歲熟民得安息

震 人生馬淵壽考且神飛騰上天舍宿軒轅居常  
樂安

艮 思願所之今乃逢時洗我故憂拜我歡來  
漸 魁罡所當初爲敗殃君子留連困於水漿求金  
東山利在茂鄉賈市有息子載母行

歸 鉛刀攻玉无不鑽鑿龍體具舉魯般爲輔三聖  
妹 翼事所求必喜

豐 喜來如雲舉家歡忻衆才君子駕福盈門  
旅 響像无形骨體不成微行衰索消滅無名  
巽 積水不溫北陸苦寒露宿多風君子傷心

兌 黃馬綠車駕之大都諧達才能使我无憂  
講當作薦

易林 卷三  
渙 從風放火芝艾俱死三害集聚叔子中傷

節 一身三手无益於輔兩足共節不能克敏

中 南向陋室風雨竝入埃塵積濕王母盲痺偏枯

心疾亂我家次

小 采薇出車魚麗思初上下促急君子懷憂

既 先易後否告我利市駮蘇自苦思再故止一作改正

未 生宜地乳上皇大喜隆我祉福貴壽无極

蹇之第三十九

蹇 同濟共輿中道別去喪我元夫獨與孤苦

乾 叔盼居寃祁子自邑乘遽解患羊舌免脫賴得

生全

坤 兎聚東郭衆犬俱獵圍缺不成无所能獲

屯 作室山根人以爲安一夕崩顛敗我壺飧

蒙 疾風塵起亂我崩始疆大并小先否後喜

需 潔齋沐浴思明居德哀公怯弱風氏復北

訟 土瘠瘦薄培塿无相使我不樂

師 褰衣涉河澗流浸多賴遇舟子濟脫无他

比 送我季女瑩于蕩道齊子且夕留連久處

小畜 三孫六子安无所苦中藏廢殆亡我所使

履 揚風偃草塵埃俱起清濁溷散忠直隱處

泰 歷險登危道遠勞疲去家自歸困涉大波

否 六藝之門仁義俱存鎡基逢時堯舜爲君傷寒

熱溫下至黃泉

同人 被服文衣遊觀酒池上堂見觴喜爲吾兄使我

憂亡

大有 生時不利天命災至制於斧癘當夜勤苦

謙 天門開闢牢戶寥廓桎梏解脫拘囚縱釋

豫 川淵難遊水爲我憂多言少實命鹿爲駒道德

開基君子逢時利以中疑

隨 鄉歲逢時與生爲期枝葉盛茂君子无憂

蠱 六鷁退飛爲衰毀祥陳師合戰左股夷傷遂崩

不起霸功不成

臨 雷君出裝隱隱西行霖雨不止流爲河江南國

憂凶

觀 牙孽生齒陽倡於外左手執籥公言錫爵一作室當

啓戶  
出入

易林  
卷三  
三十一  
主

火起上門不爲我殘跳脫東西獨得主完不利  
出鄰病疾憂患

賁 舉事无成不利出征言不可用衆不能平

剝 老狼白驢長尾大狐前顛却躡進退遇祟

復 日入道極勞者休息班馬還師復我燕室

无妄 山林麓藪非人所處鳥獸无禮使我心苦

大畜 蓄利積福日新其德高氏飲食憂不爲患

頤 張羅百日鳥不得北縮頸掛翼困於窘國君子

治德獲譽受福

大過 伯虎仲熊德義淵弘使布五教陰陽順序

坎 跛躄相隨日暮牛羸陵遲後旅失利亡雌

離 羸氏違良使孟尋兵老師不已敗於齊卿

咸 日月並居常暗且微高山崩顛丘陵爲溪

恒 烏鵲食穀張口受哺蒙恩被德長大成就柔順

利貞君臣相好

遯 雖躡復起不毀牙齒克免平復憂除无疾

大壯 草木黃落歲暮无室虐政爲賊大人失福

晉 避凶東走反以禍口制於牙爪骨爲灰土

明夷 欲飛不能志苦心勞福不我來

人蒙 羔裘豹袞東與福遇駕迎吾兄送我鸛黃

睽 東耕破犁西失良妻災害不避家貧无資

解 魚陸夫所烏蠅困苦澤无萑蒲晉國以墟

損 脫兔无蹄三步五罷南行不進後市勞苦

益 行役未已新事復起姬姜勞苦不得休止

夬 向日揚光火爲正玉消金厭兵雷車避藏陰雨

不行民定其鄉

姤 放銜垂轡奔馬不制棄法作奸君失其位

萃 司命不游喜解我憂皇母緩帶嬰兒笑喜

升 黃帝出遊駕龍乘馬東上泰山南過齊魯郡國

咸喜

困 既往不說憂來禍結比戶爲患无所申冤

井 荷蕢隱居以避亂傾終身不仕遂其潔清

革 折挺春稷君不得食頭痒搔跟无益於疾

鼎 植根不固華葉落去便爲枯樹

震 凶門生意牢戶多冤沙陀禿齒使我困窮

艮 登山履谷與虎相觸猶爲功曹班奴奔北脫之

喜國

漸 麟鳳所翔國无咎殃賈市十倍復歸惠里  
 歸 路險道難水過我前進往不利回車復還  
 豐 延頸望邑思歸我室臺榭不成未得安息  
 旅 蒙生株瞿棘掛我鬚小人嫉妬使恩不遂  
 巽 南至隱域深潛處匿聰明閉塞與死為伍  
 兌 機餌設張計暴子良范叔不廉凶害及身  
 渙 從騎出谷遊戲苦域坂高不進利无所得  
 節 西國疆梁為虎作狼東吞齊楚并有其王

中孚

登山代輻虎在我側王孫无懼仁不見賊

小過

六月睽睽各欲有至後來未壯候待明且

既濟

道涉多阪牛馬蛇蠶車不利載請求不得

未濟

一口三舌相妨无益羣羊百牂不為威疆亡馬

失駒家耗於時

解之第四十

解

駕言出遊鳥鬪車前更相粹滅兵馬且來回車

亟還可以无憂

乾

大都之居无物不具抱布貿絲所求必得

坤 膠著木連不出牢關家室相安

屯 孟伯食長懼其良王賴四蒙五抱福歸房

蒙 朽與瘦駟不任御轡君子服之談何容易

需 許嫁既婚利福在身適惠王桓為我君魯

訟 入門大喜上堂見母妻子俱在兄弟饒有

師 推車上山力不能任顛蹶蹉跌傷我中心

比 鷹飛退去不食其雛禽尚如此何況人乎

畜小 福棄我走利不可得幽人利貞終无怨慝

履 夫妻反目不能正室公云于南姬言還北並后

正嫡二政亂國

泰 陽衰伏匿陰淫為賊幸賴王孫遂至家國

否 入水求玉不見和璞終日至暮勞无所得

同人 鳴鸞四牡駕出行符合格有獲獻公飲酒

大有 覆手齊犢易為功力正月元日承平致福

謙 三火起明雨滅其光高位疾顛驕恣誅傷

豫 畏糗荷糧與利相逢高飛有得君子獲福

隨 水土相得萬物蕃殖膏澤優渥君子有得

蠱 道理和得人不相賊君子往之樂有利福



臨 天孫帝子與日月處光榮於世福祿繁祉

觀 部衣在位乘非其器折足覆餗毀傷我玉

嗑 鷓飛中退舉事不遂且守仁德猶恐失墜

賁 經棗整冠意盈不厭桀紂迷惑讒佞傷賢使國

亂傾

剝 申酉退跌陰雨前作柯條花枝復泥不白

復 平正賤使至服苦事

无 釣魴河湄水泛无涯振衣徒歸上下昏迷厲公

經齊

大畜 胎養萌生始見兆形遭逢雷電摧角折頸采芘

山頭終安不傾

頤 陽春枯槁夏多水潦霜雹俱擊傷我禾黍年歲

困苦

大過 三耳六齒痛疾不已齟病蠹缺墮落其宅

坎 失时无友嘉偶出是僇如喪狗

離 宜重微民歲樂年豐百國无咎君子安喜

咸 登几上車駕駟南遊合散從橫燕秦以疆

恒 鳥集茂木心樂願得鳥鵲食穀張口受哺柔順

利貞感戴慈母

遯 啓蟄始生萬物美榮福祉來成市買无贏

壯大 驕胡火形造惡作凶无所能成還自滅身一作草木

黃落歲云暮矣唐攻高城大人失福

晉 異國他土出良駿馬去如奔害不能傷一作避亡

東走反入禍口制於爪牙骨為灰土

明 恪敬競職心不作慝君明臣忠民賴其福

人家 三女求夫伺候山隅不見復關長思憂歎

睽 駕福乘喜東至嘉國戴慶南行離家室居

蹇 四姦為殘齊魯道難前驅執役戒守无患

損 下憂上煩蠹政為患歲飢无年

益 雞雉失雛常畏狐狸黃池要盟越國以昌

六 豎水黃鳥常哀悲愁不見米粒但觀蓬蒿數驚

鷺鳥為我心憂

姤 玉銳鐵願倉庫空虛市賈為盈與我為仇一本有時

不我與亡利為作

萃 竊名盜位居非其家霜隕不實為陰所賊三年

失室

升 賊仁傷德天怒不福斬刈家社失其本城  
 困 萬物和生蟄蟲振起益爵增福日受其喜  
 井 和氣所生物皆不朽聖賢居位國无凶咎  
 革 龍游鳳舞歲樂民喜

鼎 鼎行窘步次伯方舍居安不懼姬妾何憂  
 震 水深難遊霜塞難涉商伯失利旅人稽留  
 艮 跛倚相隨日暮牛罷陵遲徒傷失利亡雌  
 漸 一牛九鎖更相牽攀案明如市不得東西請讞  
 得報日中被刑

歸妹 春桃生花季女宜家受福孔多男為邦君  
 豐 雷鼓東行稼穡凋傷大夫執政君贊其明  
 旅 季世君憂亂國淫遊殃禍立至民无以休  
 巽 發輓溫陽過雨宿房宜時布和无所不通  
 兌 水中大賈求利十千商人不至市空无有  
 渙 春草萌生萬物敷榮陰陽和暢國樂无憂  
 節 左眇右盲目視不明下民多孽君失其常  
 中孚 悅以內安不利出門憂禍消除公孫何尤  
 小過 冊書之信言不負語易我驕驥君子有德

濟未濟既

上政搖擾蟲螟並起害我嘉穀季歲无稷  
干旄旌旗執在載郊雖有寶玉无路致之

損之第四十一

損

路多枳棘步刺我足不利旅客為心作毒

乾

鯉鮪鮒鰕積福多魚資所无有富我窮家

坤

景星照堂麟遊鳳翔仁施大行頌聲作興仁序

无明失其寵光

豫之

屯

羊腸九縈相推稍前止須王孫乃能至天

蒙

四手共身莫失所圖更相訪接動失事便

需

水流趨下逮至東來求我所有買鱸與鯉

益之无妄

訟

春采夏棗山鮮希有斗千萬石貴不可賤

否之漸

師

旦往暮還相佑與聚无有凶患

比

大蛇當路使季畏懼湯火之災切直我膚賴其

天幸歸于室廬

屯之井

小畜

徒足去域亂入陳國有所畏避深藏遠匿

履

海為水宗聰明且聖百流歸得无有叛逆常饒

優足

泰

夏麥麩麴霜擊其芒茨君敗國使年大傷

泰之賁

否 秋隼冬翔數被履霜雄犬夜鳴家憂不寧

同 人 樂仁上德東鄰慕梁來安吾國

有 大 還憂除殃汚泥上義下田為江

謙 暗昧冥語傳相誑誤鬼魅所居誰知臥處

豫 南歷玉山東入玉關登上福堂飲萬歲漿

隨 比目四翼來安我國福善上堂與我同牀

蠱 乘牛逐驥日暮不至路宿多良亡其驛驂

臨 元吉无咎安寧不始

觀 奮翅鼓翼翔翔外國逍遙徒倚來歸溫室

嗑 河伯娶婦東山氏女新婚三月浮雲洒雨露我

管第萬邦蒙祐

賁 嬰兒求乳慈母歸子黃麩悅喜得其甘飽

剝 貧鬼守門日破我盆毀罍傷瓶空虛無子

復 多載重負損棄於野王母誰子但自勞苦

无 雄狐綏綏登山崔嵬昭告顯功大福允與

大 畜 嬰兒駭笑未有所識狡童而爭亂我政事

頤 十九同投為雉所離獨得越脫完全不虧

大 過 狐濟濡尾來揭得枳季姜懷悔鮑舍魚鳧

坎 跋足息肩所忌不難金城銅郭以鏡爲關藩屏

周衛安全无患

離 戴堯扶禹松喬彭祖西過王母道路夷易无敢

難者訟之家人

咸 京庖積聚黍稷以極行者疾至可以厭飽

恒 良天孔姬負理登臺樂季不扶衛輒走逃

遯 天之所予福祿常在不憂危殆

大壯 行觸天網馬死車傷身无寡賴困窮乏糧

晉 鉛刀切玉堅不可得盡我勛力胼胝爲疾

明夷 穆逢百里使孟奮武將軍帥戰敗於穀口

家人 有人追亡爲言所匿不日而得

睽 府藏之富玉以振貸捕魚河海罟網多得

蹇 鴻飛遵陸公歸不復伯氏客宿

解 鳧過稻蘆甘樂楚虺鮮驚不去田峻懷憂

益 兩師娶婦黃岩季子成禮既婚相呼而南膏澤

應時年豐大喜

夬 蓄積有餘糞土不居美哉輪奐出有高車

姤 重門擊拆介士守護終有他道雖驚不懼

萃 大都王市稠人多賣公孫宜賈資貨萬倍  
升 秋隼冬翔數被嚴霜甲兵庭堂萬物不生  
日 招禍致凶來螫我邦痛在手足不得安息  
萃 奈失其鹿高足先得勇夫慕義君子率服  
革 山陵四塞過我運路欲前不得復還故處  
鼎 一藉食肉口无所得舌燒於腹

震 晨夜驚駭不知所止皇母相佑幸得安處  
艮 擒狼所言語无成全設我白馬使乾口來  
漸 呼精靈來鬼生元憂疾病瘳愈解我患愁

歸妹

牧羊逐兔使魚捕鼠任非其人卒歲无功不免  
辛苦

豐 堂祥上樓與福俱居帝姬治好國安无憂

旅 禹召諸神介稽南山執玉萬國天下康寧

巽 大妣文母仍生聖子昌發受命爲天下主

兌 兩置同室无誰告與狂相觸蒙我與惡

渙 挑雀竊脂巢於小枝動搖不安爲風所吹心寒  
悚惕常憂殆危

節 陽春長日萬物華實樂有利福

一作春陽盛長  
萬物成實福利

所鍾忻  
忻過日

中孚

鄰不顧我而望玉女身疾瘡癩誰肯媚者

小過

旱不雨澤竭无流魚鱉乾口皇天不憂

既濟

狼虎之鄉日爭凶訟受性貪饕不能容縱

未濟

陰住陽疾水離其室舟楫大作傷其黍稷民饑

於食亦病心腹

益之第四十二

益

文王四乳仁愛篤厚子畜十男无有夭折

乾

下堂出門東西九山逢福值喜得其安閑

坤

城上有烏自鳴破家招呼醜毒為國災患

屯

伯虎仲熊德義淵泓使布五穀陰陽順序

蒙

飲酒醉臥跳起爭鬪伯傷仲僵東家治喪

需

四目相視稍近同執日映之後見吾伯姨

訟

隨時逐便不失利門靈獲得福富於封君

師

隴西冀北多見駿馬去如焱颺害不能傷

比

白龍黑虎起伏俱怒期戰盤空蚩尤敗走歿於

魚首

同之比  
蒙之坎

小畜

鴻飛戾天避害紫淵雖有鋒門不能危身



履 平國不均夏氏作亂烏號竊發靈公隕命

秦 江漢上遊政逆民憂陰伐其陽雄者受殃

否 東家殺猪聞臭腥臊神怒不顧命絕衰國毫社

火燒宋公夷誅

同人 西誅不服恃疆負力倍道趨敵師走敗覆

大有 一婦六夫擾亂不治張王季莊莫適為公政道

塞壅周君失邦

謙 配合相迎利之四鄉昏以為期明星煌煌欣喜

爽懌所言得當

豫 猿墜高木不踈手足握金懷玉還歸其室蒙之隨訟

之艮否之臨

隨 卷領遁世仁德不害三聖攸同周國茂典需之震

蠱 去危脫厄安无怵惕上福喜堂見我喜悅

臨 帶季兒良時利權兵將師合戰敵不能當趙魏

以疆

觀 鵠思其雄欲隨鳳東順理兩翼出自日中須留

北邑復反其室

噬嗑 且如驚鹿不能定足室家分散各走鼠窟

賁 甲乙丙丁俱歸我庭三丑六子入門見母

剝 躡華顛觀浮雲風不搖雨不薄心安吉患无咎

復 德施流行利之四鄉雨師灑道風伯逐殃巡狩

封禪以告成功

无妄 水流趨下遂成東海求我所有買鱸與鯉損之需

大畜 和氣相薄膏潤津澤生我嘉穀

頤 憂驚以除禍不成災安全以來

大過 堅水黃鳥常哀悲愁不見甘粒但觀藜蒿數驚

螿鳥為我心憂

坎 翁翁輶輶實墜崩顛滅其令名身命不全泰之謙否

離之

離 因禍受福喜盈其身

咸 陸居千里不見河海无有魚市

恒 鹿得美草嗚呼其友九族和睦不憂饑乏益之恒同

人之蹇

遯 出門得堂不逢禍殃无戶自苦不見矛戟

大壯 累尊重席命我家客福祐久長不見咎殃

晉 鴻雁俱飛北就魚池鱸鰕鮎鯉衆鳥饒有一鳴

獲兩得之過倍

當風奮翼與鳥飛北入我家國見吾慶室

麒麟鳳凰善政得祥陰陽和調國无災殃

逐狐東山水過我前深不可涉失其後便

丑戌亥子饑饉所生陰為暴客水絕我食

狐狸雉兔畏我逃去分走竄匿不知處所

桀跖惡人使得不通炎旱為殃年穀大傷

兔乳立室行來雀食虎攫我子長號不已

土階明堂禮讓益典雄雌相得使我无疾

萃 送金出門并失玉兔往來井上破甕壞盆

升 諷德誦功美周盛隆加其且輔夫濟冲人

困 盜竊滅身二母不親王后无黨毀其實靈

井 六月駢駢名欲有至專征未裝俟待明且

革 雀行求粒誤入網罟賴仁君子復說歸室

鼎 仁德孔明患禍不傷期誓不至室人銜恤

震 龜厭江海陸行不止自令枯槁失其都市憂悔

咎生

孤獨特處莫依為輔正心允濟神勞志苦

漸 伯仲言留叔子云去誰云无咎主母大喜

妹歸 初憂不安後得咲懼雖懼无患

豐 好戰亡國師不以律稱上殞墜齊侯狼戾被其

災崇

旅 鹿生澤陂豺傷其麋泣血獨哀

巽 天地鈴塞仁智隱伏商旅不行利潤難得

兌 福德之士歡悅日喜夷吾相桓三歸為臣賞流

子孫

渙 上无飛鳥下无走獸擾亂未治民勞於事

節 月削日衰工夫下機宇宙滅明不見三光謙之觀

孚中 一戴盆望天不見星辰顧小失大福迤墻外

握斗運樞順天无憂所行造德與樂並居

濟既過小 操戟刺魚披髮立憂虎脫我輿狼取我袍亡馬

失財

濟未 兩人俱醉相與悻戾心乖不同爭訟旬旬

夬之第四十三

夬 戴堯扶禹松喬彭祖西遇王母道路夷易无敢

難者

乾 狼戾美謀无言不殊允厭帝心悅以獲佑

坤 歲暮花落陽入陰室萬物伏匿絕不可得

屯 鷄鳴失時君騷於憂犬吠不休行者稽留

蒙 鳧鷖遊涇君子以寧履任不愆福祿來成

需 薄為蕃皮勁風吹却欲上不得復歸其宅

訟 東行破車步入危家能門重鎖元以為主賣袍

三 續食糟糠不飽

師 青牛白咽呼我俱困歷山之下可以多耕歲積

之節民人安寧

比 異國殊俗情不相得金木為仇百賊擅馭

小 陰陽精液高熟脫折治卵成鬼肇生頭目日有

大吉

履 饑蟲作害多亂纏綿不可得秋

泰 清冷如雲為兵導先民人寬急不知東西

否 班馬旋師以息勞疲役夫嘉喜入戶見妻

同人 坐爭立訟紛紛訥訥卒歲禍亂災及家公

大有 鹿食美草逍遙求飽趨走山間過期乃還肥澤

且厭

謙 田鼠野雉意尚欲去拘制籠檻不得搖動

豫 日趨月步周遍次舍歷險致遠无有難處

隨 天孫帝子與日月處光榮於世福祿祺祉

蠱 晨風文翰大舉就溫時過我邑弄无所得

臨 旦生夕死名曰嬰鬼不可潛視

觀 疾貧望幸使伯南販開牢擇羊多得大祥

噬 長城驪山生民大殘涉井發難唐叔為患

賁 娶於姜呂駕迎新婦少齊在門夫子歡喜

剝 隨時草木薈時葉起扶疎餘桃長大盛美華汜

樂疎

復 姬姜悅歡二姓為婚霜降合好西施在前

无妄 戴笠獨宿晝不見日勤勞无妄長勞悲思

大畜 始加元服二十繫室新婚既樂伯季有德

大願 二至靈臺文所止遊雲物備具長樂无憂

大過 久陰霖雨塗行泥潦商人休止市空无有

坎 城壞厭境數為齊病侵伐不休君臣擾憂上下

屈竭士民乏財

離 南國盛茂黍稷醴酒可以饗養樂我嘉祐

咸 憂在心腹內崩爲疾禍起蕭牆意如制國  
恒 朽根別樹花葉落去卒逢大焮隨風僵仆  
遯 樹表爲壇相與咲言午中不會寵榮棄被  
壯 四足俱走驚疲任後兩戰不勝敗於東楚  
晉 執轡在朝回還故處麥秀傷心叔父无憂  
明 夜長日短陰爲陽賊萬物空枯燕於北陸  
家 鳴鳩七子均而不殆長大成就棄合於好  
人 三羊上山馳至大原黃龍負舟逐到夷陽宛其  
睽 玉囊

蹇 首足易處頭尾顛倒公爲雌樞亂其蠶織  
解 登高望家役事未休王事靡盬不得逍遙  
損 畏昏不行候且待明燎獵受福老賴其慶  
益 孤獨特處莫依无輔心勞致苦  
姤 山石朽破消崩墜墮上下離心君受其祟  
萃 文母聖子无疆壽老爲天下主  
升 侃侃如儀前後相遵言如魚咳語不可知  
困 五龍俱起强者敗走露我苜蓿年歲大有  
井 雷除善猛雖爲功醫驥拔鹽車出於銜筆

易林 卷三 五

革 江南多蝮螫我手足寃煩詰屈痛徹心腹

鼎 心无可據射鹿不得多言少實語无成事

震 君明臣賢鳴求其友顯德之政可以履土

艮 安土宜官一日九遷踰越羣等牧養常山

漸 保辭解謝除去垢活驚之成患屢去酷殘

作汚

歸 不狂嫗育相牽北行欲歸高邑迷惑公得

豐 醉卧道傍迷且失明不合我生

旅 北登鬼丘駕龍東遊王母御后文武何憂

巽 恬淡无患游戲道門與神來往長出以安

兌 以緡易絲抱布自媒棄禮怠墮卒惟悔憂

渙 被服衣冠游戲道門以禮相終身无災患

節 大麓魚池陸為海涯君子失行小人相携

中孚 淵泉溢出為邑之崇道路不通孩子心憤

小過 十里望烟散渙四方形體滅亡可入深淵終不

見君

濟 傳言相談非好徑路鳴鼓逐狼不知迹處

未濟 東失大珠西行棄襦時多不利使我後起

姤之第四十四



姤 河伯大呼津不可渡往復示故乃无大悔

乾 蒙被恩澤長大成就柔順利貞君臣合好

坤 東山西土各自止安雖欲登望竟不同堂

屯 登山上谷與虎相觸狷為功曹班叔奔北脫之

嘉同

蒙 躓跌未起失利後市不得鹿子

需 結珠懷履卓斯以思為君奴婢

訟 鷄鳴失時民僑勞苦犬吠不休行者稽顙

師 陳媯敬仲兆興齊姜營丘立適八世大昌 屯之睽旅

豫

比 鹿畏人匿俱入深谷短命不長為虎所得死於

牙腹

畜小 言无約結不成券契殷叔季妃公孫爭之強入

委禽不悅於心乃適子南

履 鼓瑟歌舞懽悅於酒龍喜張口大悅在後

泰 凶憂災殃日益明章禍不可救王却夷傷

否 水流趨下遂成東海求我所有賢鱸與鯉

同人 陰為陽賊君不能充舉動失常利无所得

大有 離床失案龜喪其願都市无會叔季懷恨  
謙 雍退隄防水不得行大慎陽光陰霓伏藏走歸

其鄉

豫 蹙屈腹伸東乘浮雲貴寵母前

隨 實沉參伐以義斷割次陸服刑成我霸功

蠱 金泉黃寶宜與我市娶嫁有息利後過母

臨 禹召諸神會稽南山執玉萬國天下安寧

觀 三蟲作蠱踐跡无與勝母盜泉君子不處

噬 花葉隕落公歸樞宅夷子失民潔已不食

賁 履機懼毀身王子廢終得所欲无有凶害

剝 道理和得仁不相賊君子攸往我有利福

復 合匏同牢姬姜並居壽考長久

无 關雎淑女賢妃聖偶宜家壽母福祿長久

大畜 駉驥脫乳不知子處旋踵悲鳴痛傷我心

頤 知嚴絕理陰孽謀主十日不食困於申亥

大過 鑿諸攻玉无不宜鑿麟鳳成形得象君子三人

翼事所求必喜 人一作仁鑿也攻王者鑿其攻玉之事无不宜鑿者鑿則必有

也

坎 昧暮乘車以至伯家踰梁渡河濟脫無他

離 吾有黍稷委積外場有角服箱運致我藏富於

嘉糧

咸 喜笑且語不能掩口官爵並至慶賀盈門

恒 霧露雪霜日暗不明陰孽爲疾年穀大傷

遯 伯去我東髮如飛蓬寤寐長歎展轉空牀內懷

張恨心摧肝腸

壯大 亡羊捕牢張氏失牛駢駟奔走鵠盜我魚

晉 販鼠賣鼃利少無謀難以得家

明夷 西戎爲利幽君去室陳子發難項伯成亂

人家 秋風生哀花落心悲公室多難羊舌氏衰

睽 持福厭患去除大殘日長夜盡嘉世蒙恩

蹇 新受大喜福履重來樂且日富足用豐財

解 前頤却躓左跌右逆登高安梯復反來歸

損 夢飯不飽酒來入口嬰女難好媒應不許

益 大都王市稠人多寶公孫宜買資禍萬倍

禍一作貨

夬 兩人俱醉相與悖戾心乖不同爭訟恟恟

萃 身無頭足超躐庶乖不能遠中之道疲休失利

後市

升 三人俱行六目光明道逢淑女與我驥子  
困 進士爲官不若復田獲壽保年

井 先易後否失我所市騷蘇自苦思吾故事

革 蘇秦發言韓魏无患張子馳說燕齊以安

鼎 武庫軍府甲兵所聚非里邑居不可舍止

師之蹇

震 主桃三口莫適所與爲孺子牛西氏生咎

艮 西山東山各自止安雖相登望竟不同堂

漸 不改柯葉和氣冲適君子所在安无怵湯

歸妹

將戍繫亥陽藏不起君子散亂太上危殆

豐 天官列宿五神舍室宮闕完堅君安其居

旅 左手把水如光與鬼不可得徙

巽 逐孤東山水過我前深不可涉失利後便

兌 水瀆魚室來灌吾邑衝破我家與狗俱遊

渙 山險難登澗中多石車馳轄繫重載傷軸擔負

善躓跌踈右足

節 槽空無寶豚豕不食庶民屈竭離其居室

中孚 執熱爛手大爲災咎公孫无賴敗我王室

小過 三虎上山更相噬嚙心志不親如仇如怨  
既濟 西家嫁女借隣送女嘉我淑姬賓主俱喜  
未濟 克身潔已逢禹巡狩錫我立圭拜為福祉  
萃之第四十五

萃 蒙慶受福有所獲得不利出城疾人困極  
乾 碩鼠四足飛不上屋顏氏淵德未有爵祿  
坤 新受大喜福優重職樂且日富  
屯 克身潔已逢禹巡狩錫我立圭拜受福祉  
蒙 置筐失筮輪破无轉家伯為政病我下土

需 機言不發頑不能達齊魯為仇亾我葵丘  
訟 亡錐失斧公輸无輔抱其葵器適君子處  
一本蒙下  
二句在訟之下訟  
下二句在蒙之下  
師 家在海隅橈短深流伯氏難行无木以超  
比 德施流行利之四鄉兩師灑道風伯逐殃巡狩  
封禪以告成功  
大畜 筐傾管覆良我公置簡伯无禮太師正食  
履 泥滓汚辱弃捐溝瀆為眾所笑終不顯祿  
泰 獼猴兔走腥臊少肉滿卮盛酒利无所有

否 鹿畏人藏俱入深谷命短不長爲虎所得成於  
牙腹

月 南山芝蘭君子所有東家淑女生我王室  
左指右揮邪望侈靡執節无良靈君以亡

謙 爵秩不明爲臣所傷衆陰羣聚共奪日光  
穿鼻繫株爲虎所拘王母祝禱禍不成災突然

自來

隨 貧鬼守門日破我盆髮鼠傷綬空虛无子  
蠱 襄王束帶鄭人是賴莊公卿士王母曼喜

臨 昭君守國諸夏蒙德異類旣同崇我王室

觀 冬藪朽腐當風於道蒙被塵埃左右勞苦

噬 六爻旣立神明所告文定吉祥康叔受福

賁 泣涕長訣我心不悅遠送衛野歸軍无咎

剝 三宿无主南行勞苦東里失利喪其珍寶

復 大斧砍木讒佞敗國取關良工禍及三子晉人

亂邑懷公出走

无 乘風上天爲時服軒周旋萬里无有患難

大 畜 大樹百根比與山連文君作義受福萬年

應 陽伏在下陰制祐福生不逢時潛龍隱處  
過大 亂頭多憂搔蠹生愁膳夫仲年使我无聊  
坎 江河淮海天之都市商人受福國家富有  
離 泰山三谷鳳凰游宿禮義有序可以求福  
咸 水山暴怒壞梁折柱稽難行旅留連愁苦  
恒 阿衡服箱太乙載行延時歷會所之吉昌  
遯 三宿无主南行勞苦東里失利喪其珍寶  
大壯 生无父母出門不喜買椒失粟亾我大利  
晉 安坐玉堂聽樂行觴飲福萬鍾日受无疆

明夷 登危入厄四時變易春霜夏雪物皆凋落  
衆人 衣空履穿无以禦寒細小貧屢不能自好  
睽 日不可合憂來搔足休惕恐懼去其邦域  
蹇 賈貝贖狸不聽我辭繫於虎鬚牽不得來  
解 伯夷叔齊貞廉之師以德防患憂禍不存芳聲  
後時

損 張王子季爭財相制商君頌器不知所由  
益 長城既立四夷賓服交和結好昭君是福  
夬 千歡萬悅舉事爲決獲受嘉慶動作有福

姤 種一得十日益有息仁政獲民四國親睦  
升 安子富有東國不殃齊鄭和親顯比以喜  
困 九里十山道仰峻難牛馬不前復反來還  
井 鳩杖扶老衣食百口曾孫壽考凶惡不起  
革 霧露雪霜日暗不明陰孽爲疾年穀大傷  
鼎 迷行數却不知東西陰暹暴逆道里不通  
震 登高上山見王自言信理我寃得職蒙恩  
艮 三世爲德天祚以國封建少昊魯侯之福  
漸 喬水无息漢女難得禱神請佩反手離汝

歸妹 東隣西家來卽我謀中告吉誠使君安寧  
豐 褰衣出戶心欲奔走王孫母驚使我長生  
旅 三日不飲遠水无酒晝夜焦喉使我爲咎  
巽 衆口銷金愆言不驗腐臭敗瓦入市不售  
兌 姬冠應門與伯爭言東家失狗意在存爭亂  
无怠絕吾所歡

渙 祚加明德與我周國公劉文母福流子孫  
節 針頭刺手百病瘳愈抑按捫灸死人復起  
中孚 元龜象齒大賂爲寶稽疑當否衰微復起



卜 過 既 濟

故室舊廬消散无餘不如新創可以樂居

老狐多態行爲盡恠爲魅爲妖驚我王母終无

咎悔

未 濟

愛子多材起迹空虚避害如神水不能濡

升之第四十六

升

禹鑿龍門通利水源東注滄海人民得安

乾

白鹿鳴呦呼其老少喜彼茂草樂我君子

坤

百里南行雖微復明去虞適秦爲穆國卿

屯

王孫宜家張名益有龍子善行西得大壽

蒙

畫龍頭頸文章不成甘言善語譎辭无名

需

商子无良相怨一方引鬪交爭咎以自當

訟

衰老困極无齒不食痔病瘡就陰爲室

師

鴛生會稽稍巨能飛翔翔桂林爲衆鳥雄

比

安平不傾載福長生君子以寧

小畜

牛驥同槽郭氏以亡國破爲墟君奔走逃

履

日中明德兩國盛典仁聖會遇君受其福臣多

榮祿

泰

公劉之居太王所業可以長生拜受福爵

易林

卷三

六十八

否 時凋歲寂君子疾病宋女无辜鄭受其殃

同 濟河踰厄脫母怵惕四序為衛使惠不廢

大 缺破不完殘際側偏公孫幽遐跛倚後門

謙 延頸遠望眊為目病不見叔姬使伯心憂

豫 上无飛鳥下无走獸擾亂未清民勞於事

隨 久陰霖雨塗行泥潦民人休止市空无有

蠱 盲者目張跛倚起行瞻望日月與主相迎

臨 据斗運樞順天无憂與樂並居萬代歡慶

觀 隳穡不偏重適不傾乃言賊忠傷我中生

噬嗑

金城鍊郭上下同力政平民歡寇不敢賊

賁 日鏡不明冬災大傷盜花失寶十年消亾

剝 鰥寡孤獨命祿苦薄入室无妻武子悲哀

復 飲酒醉飽跳起爭鬪伯傷叔僵東家治喪

无妄 介召微子使君不殆二國合歡燕齊以安

大畜 率頸繫尾誦折幾亥彫世无仁不知所比

頤 東龍究毒不知所觸南比困窮王子危急

大過 疾貧王孫北極无蟬祿命苦薄兩守孤門

坎 公孫駕騷載遊東齊延陵故產遺季紵衣

離 王良善御伯樂知馬文王東獵獲嘉賢士開福  
祐周發且興起

咸 日月不居重耳趨舍遊燕入秦晉國是霸  
假文翰翼隨風背北至虞夏國與舜相得年歲  
大樂邑无盜賊

逯 南行北走延頸望食舉口失利累我子孫  
開市作喜建造利事平準貨寶海內殷富  
三犬俱走鬪於谷口白者不勝歾於坂下  
明 驕胡火形造惡作凶无所能成還自滅身

人家 拜跪贊辭近益於尤大夫頑嚚使我心憂  
際 辰次降婁王嘉狩廵廣佑施惠萬國咸喜子孫  
榮品長安不殆

蹇 率瑜上樓與福俱遊勞躬治國安樂无憂  
解 白鳥銜餌嗚呼其子旋技張翅來從其母  
損 高壘獨宿莫與其食老窮於人病在心腹  
益 登木出淵稍上升天明德孔聖白日載熒寵祿  
再榮

决 彭離濟東遷之上庸狼戾无節失其寵功

姤 讚陽上舞神明正氣禹拜受福君使我德居則  
厚祿

萃 從首至足部分爲六室家離散逐南乞食  
困 民迷失道亂我統紀空使乾華實无所有先憂  
後樂

井 刻畫爲飾毛嬙西施求事必得

革 日居月諸遇暗不明長夜喪甲絕其紀綱

鼎 衣裳顛倒爲王來呼成就東周封受大侯  
震 當變立權擲解患難渙然冰釋六國以寧

艮 西戎禦鬻病於我國扶陽之政以保乾得終无  
患惑

漸 南行逐羊子利喜凶陰孽爲病復返其邦  
歸 遊戲仁德日益有福凶言不至妖孽滅息

豐 春日新婚就陽日溫嘉樂萬歲獲福大椿  
旅 陰升陽伏鬼哭其室相飾不食安巢如棘

巽 臣尊主卑權威日衰侵奪无光三家逐公  
兌 反言爲賊戎女生患亂吾家國父子相賊

渙 迎福開戶喜逐我后康伯愷悌治民以禮

節 日就月將昭明有功靈臺觀賞膠鼓作仁

中 百草嘉卉萌芽將出昆蟲扶戶陽明所得

天所佑助福至禍去君主何憂

既 窮夫失居准守舊廬初憂中懼終日兢兢无悔

无虞

未 買王得石失其所欲荷蕢擊磬隱耳无聲

困之第四十七

困 席多針刺不可以臥為身作累動而有悔言行

俱過

乾 烏鵲食穀張口受哺蒙被恩德長大成就柔順

利貞君臣合好

坤 六鵠退飛為襄敗祥陳師合戰左股夷傷遂以

薨崩霸功不成

屯 匍匐出走驚惶悼恐白虎生孫蓐收在後居中

无咎

蒙 庇廬不明使禮德妨女孽亂國虐政傷仁

需 碩鼠四足不能上屋顏氏淑德未有爵祿

訟 襄送季女至於蕩道齊子旦夕留連久處

師 麀鹿遂收飽歸其居還於次舍樂得自如  
比 望尚阿衡太宰周公藩居輔弼福祿來同  
開廊洪緒王迹所居振以公子功德俟時  
入會大都饒富有餘安民利國可以長居  
泰 陰雲四方日在中央人雖昏霧我獨昭明  
否 薄為災虐大風吹却欲上不得復歸其宅  
昭昭晷晷非忠信客言多反覆以黑為白  
三女為姦俱遊高國背室夜行與伯笑言禍反  
及身究无所禱

謙 涉戶留鬼大斧所視文昌司過簡公亂死  
豫 大足長股利出行道困合文盈疏齒善市宜以  
錢富事得萬倍

隨 筐筥錡釜河關百里伊氏鼎俎大福所起  
蠱 升高登虛欲有望候駕之北邑與喜相扶  
臨 用彼嘉賓政平且均螟蟲不作民得安寧  
觀 桃夭少華婚悅宜家君子樂晉長利止居  
嗟 東行失旅不知所處西歸无配莫與笑語  
賁 玩好亂目巧聲迷耳賊敗貞良君受其殃

剝 明德孔嘉萬歲无虧駕龍巡狩王得所安

復 同本異葉安仁尚德東鄰慕義來興古國

无 嶺山崔嵬日高无顏君王好德賜以嘉國

大 築室合歡千里无患周公萬年佑我三人壽以

高遠

願 養雞生雞畜馬得駒明堂太學君子所居

大 雷行相逐无有休息戰於平陸為夷所覆

坎 委蛇循河至北海涇涉歷要荒在世无他

離 鴻聲大視高舉神化昔味皆明以通福功

咸 比目四翼安我邦國上下无患為吾家福

恒 士穀彘季反謀桓子不從元帥遂行挑戰為荆

所敗

遯 三頭六足欲盜東國顏子在庭禍滅不成

大 綠山升木中墮於谷子與失勞黃鳥哀作

晉 南有嘉魚駕黃取鱮魴鯉瀾瀾利來无憂

明 遂烝作雲蒙覆大臣塞聰閉明殷人賈傷

家 舉翅攄翼跣望南國延頸卻縮未有所得

睽 坎中蝦蟆乍盈乍虛三夕二朝形消无餘

蹇 僮或射御不知所定質疑著熟熟可避之國安

土樂宜利止居兵寇不作民无騷憂

解 陰淫寒疾水流其室舟楫大作傷害黍稷民饑

於食不无病厄

損 離友絕朋巧言讒匿覆白汚玉顏叔哀哭

益 童女无媒不宜動搃安其室廬傳母何憂

傳又作傍

夬 作凶造患北榭因貧東與福連傷我左根

榭又作檝

姤 東南其戶風雨不處曠曉仁人父子相保

萃 被髮獸心難與比鄰來如飄風去似絕絃為狼

所殘

升 天覆地載日月運照陰陽允作方一四富

井 桀亂无道民散不聚背室素家君孤出走

革 一申酉敗時陰匿萌作荷葭載牧泥塗不白

鼎 一 蹶踵足傷左指病瘍失旅後時利走不來

震 四足俱走驚疲在後俱戰不勝敗於東野

艮 塗行破車醜女无媒莫適為偶孤固獨居

漸 拊髀大笑不知憂懼開立大路為王所召

歸 伯主東行與利相逢出既遭時孰不相知



豐 東行賊家鄭伯失辭國无貞良君受其殃

旅 前屈後曲形體勁急絞黑大索困於清室

鼓翼大喜行嫁飲酒嘉彼請姜樂我皇考

狐嚙向城三旦悲鳴邑主大驚

漢 明德光嚴重華首舉被勲徵用公哲蒙佑

節 秋隼冬翔數被嚴霜甲兵克庭萬物不生雞犬

夜鳴民大擾驚克一作充

中 絲紵布帛人所衣服摻搔女手紡績繕織南國

饒足取之有息

小 鳳有十子同巢其母懼以相保富市之地多財

積穀

既 雄雞不晨雌雞具呻志疵心離三旅生哀離又作輕

未 光休出城陳寶雞鳴陽明矢道不能自守消已

為咎

易林卷三終

易林卷四

井之第四十八

井 躓跛未起失利後市不得磨子

乾 左輔右弼金玉滿堂常盈不亡富如駁倉

坤 兩師娶婦黃岩季女成禮既婚相呼南上膏澤

下土年歲大喜

屯 螟虫爲賊害我嘉穀中留空虛家無所食

蒙 跛躓難步道不及舍露宿澤陂亡其襦袴

需 大夫祈父无地不涉爲吾相土莫如韓樂可以



居止長安富有

訟少孤无父長失慈毋悖悖笑莫與爲耦  
師側弁醉客長舌作凶披髮夜行迷亂相誤亡失  
居處

北馬驚車破玉墜深津身絕魂去離其室廬貞難  
无虞

小東行迷職征討不服侵齊伐陳啣璧爲臣大得  
意還

履百足俱行相輔爲強三聖異事王室寵光

秦根本不可華葉落去更爲孤嫗

否牧羊稻園聞虎喧謹畏懼怵惕終無禍焉

同履位乘勢靡有絕弊爲隸所圖與衆庶伍  
大興多塵小人傷賢皇甫司徒使君失家

諱安如泰山福祿屢臻雖有狼虎不能危身

豫同氣異門各別西京南與凶遇北傷其孫

隨蜺見不祥禍起我鄉行人畏懼邑客逃藏

蠱養虎畜狼還自賊傷无事招禍自取災殃

臨順風吹火幸附驥尾易爲功力因權受福

觀 五岳四瀆沾濡為德行不失理民賴恩福

嗟 延陵聰敏聽樂太史雞鳴大國姜氏受福

賁 神鳥五氣鳳凰為主集於王國使君得所

剝 媒妁无明雖期不行齊女長子亂我紀綱

復 明月作晝大人失居衆星宵亂不知所據

无妄 少康興起誅澆復祖微澹夜明宮祀大禹

大畜 千門萬戶大福所處黃屋左纛龍德獨右

頤 乾作聖男坤為智女配合成就長住樂所

大過 羿張烏號射驚下箭鼓夜鳴將軍壯心趙國

雄勇鬪死樂陽

坎 灸魚銅斗張伺夜鼠不恐香味機發為祟祟在

頭頸一作不得去

離 高飛不視貪饕所在臭腐為患自害其身一作竊位

貪榮內濁外清時時暫過日日禍生

咸 鉛刀攻玉堅不可得盡我勛力胼胝為疾

恒 方琢宜口聖智仁厚解釋倒懸歷國安泰

遯 踟躕南北誤入喪國社季利兵傷我心腹

大壯 公孫之政惠而不煩喬子相國終身無患

晉 弧矢大張道絕不通小人寇賊君子塞壘

明 藏戟之室封豕受福充澤肥腩子孫蕃息

家 八子同巢心勞相思雉苦無憂

駢 循理舉手典求相于六休相磨終无缺咎

蹇 公子王孫把彈攝丸發輒有獲室家饒足

解 井渚有悔渴蜺為怪不亟徙鄉家受其殃

損 鄭澮有聲國亂失傾弘明早見止樂不能

益 穿室鑿墻不直生訟褻衣涉河雖勢无功

夬 胎卵胞乳長大成就君子萬年動有利得

姤 五心乖離各引是非莫適為主道路塞壅

萃 百柱載梁千歲不僵大願輔福文武以昌

升 營城洛邑周公所作世連三十年歷七百福佑

豐實堅固不落 連一作運 七一作八

困 從叔旅行食於東昌嘉伯悅喜與我芝香

革 失耳聾蔽不曉聲味委以鼎俎方始亂憤

鼎 訾姬開門鶴鳴彈冠文章進用舞韶和鸞三仁

翼政國无災歛

震 遊魂六子百木所起三男從父三女隨母至已

而足各得其所

長 兩山崩使莘君嬪好皇女長婦多孫衆子

漸 黃虹之野賢君所在榮段爲相國无災殃

歸 穿鑿道路爲君除舍開闢福門喜在我隣

豐 商風數起天下昏晦旱魃爲虐七凡兵作

旅 自衛反魯時不我與水炭異室仁道閉塞

巽 春陽生草夏長條枝萬物蕃滋充實益有

兌 大蛇奔走奔入茂草驚於長往畏懼象口

渙 明月照夜使暗爲晝國有仁賢君尊於故

節 避地東走反入虎口制於爪牙骨於灰土

中孚 傾迭不行弱走善僵孟繫无良失其寵光

小過 十年俱見黃頭爲首歲尾民安國樂无咎

既濟 望風入門來到我隣鋪吾養均

未濟 登高連返視失彌遠虎口不張害賊消亡

革之第四十九

革 馬眠長股宜行善市皆蒙福佑獲金三倍

乾 高原峻山陞太少泉草木林麓喜得所蓄

坤 一門二關結繩不便峻道異路日暮不到

屯 憂患解除喜至慶來坐立權門與樂爲隣

蒙 踈類異路心不相慕牝牛牡猴鰥无室家

需 太王爲父王季孝友文武聖明仁政興起且隆

四國載福綏厚

訟 臨河求鯉燕婉笑弭屏氣攝息不得鯉子

師 買利求福莫如南國仁德所在金玉爲寶

比 白虎赤憤門觀王庭宮闕被甲大小出征天下

煩憤盲不能嬰

畜小 子車鍼虎善人危殆黃鳥悲鳴傷國无輔

履 兩目失明入暮无光脛足跛步不可以行頓於

丘傍

泰 羅網四張鳥无所翔征伐困極飢窮不食

窮又作蹇

否 伯夷叔齊貞廉之師以德防患憂禍不存

疾貧望幸使伯行販開牢擇羊多得大牂

有大人同 南山之楊其葉將將嘉樂君子爲國寵光

謙 東壁餘光數暗不明主母嫉妬亂我事業

豫 迷行晨夜道多湛露沾濡襦袴重不可步

隨 目矚足動嘉喜有頃舉家蒙寵

盤 鷹鷄欲食雉兔困急延頸見尾爲我所賊

臨 鼻移在項枯葉傷生下枯上榮家擾不寧失其  
金城

觀 飛不遠去汝爲內傷祿養未富終死災咎君善  
安止

噬 倒基敗管重舌作凶被髮長夜迷亂相誤深亡  
吉居

賁 亥午相錯敗亂緒業民不得作

剝 野麋畏人俱入山谷命短不長爲虎所得死於  
牙腹

復 秋冬探巢不得鵲鷦銜指北去愧我少姬

无 雙鳧俱飛欲歸稻池經涉舊澤爲矢所射傷我  
胸臆

大 畜 天門開闢宇戶寥廓桎梏解脫拘囚縱釋

頤 尼父孔丘善釣鯉魚羅網一舉得獲萬頭富我  
家居

大 彭生爲妖暴龍作災盜堯衣裳聚跖荷兵青禽  
照夜三且夷亡



次 華言風雨亂相誑誤終无凶事安寧如故

離 延頸見足身困名辱欲隱避仇為害所滅

咸 无足斷跟居處不安凶惡為殘君臣相得一作君臣

得安和合於天保  
下奠上大相蒙湛

恒 三人俱行北求大牂孟長病足借季負糧柳下

之貞不失驪黃

遯 退飛見祥傷敗毀墜守小失大功名不遂

壯大 持心懼怒善播數動不安其處散渙府藏利得

无有

晉 率尾不前逆理失臣怒翔以奔

夷明 祿如周公建國洛東父子俱封

人家 君有八人信允篤敏為堯所舉

睽 久陰霖雨泥塗行潦商人休止市空无有

蹇 无足斷跟居處不安凶惡為殘夫之大過

解 馬蹄躓車婦惡破家青蠅污白恭子離居

損 尊尊所言莫如我坦歡喜堅固可以長安尊尊又作

鳴鳴

益 懿公淺愚不受深謀无援失國為狄所滅

夫 騏驥綠耳章明造父風伯所獻襄續厥緒佐文  
成伯爲晉元輔

妬 駕車十里求鮮魴鯉非其肆居自今後市  
萃 求麇嘉鄉惡地不行道止中返復還其牀  
升 使鳩負裝醉臥道衛不知何公竊我衣囊  
困 登崑崙入天門過糟丘宿玉泉問惠觀見仁君  
井 水爲天床患厭不起季伯夜行與善相逢  
鼎 烏孫氏女深目黑醜嗜欲不同過時无耦  
震 子鉏執麟春秋作陰元聖將終尼父悲心

艮 灼火泉源釣魴山巔魚不可得火不肯燃  
漸 天馬五道炎火久處往來上下作文約已衣泉  
絲麻相隨笑歌凶惡如何

歸 鴟鵂破斧冲人危殆賴旦忠德轉禍爲福危傾

復立

豐 牝飛關啓憂患大解不爲身禍

旅 石門晨門荷蕢食貧遁世隱居竟不逢時

巽 兔聚東郭衆犬俱獵圍缺不成无所能獲

兌 三羊羣走雉兔驚駭非所畏懼自令勞苦

漢 羽翮病傷无以爲強宋公德薄敗於水泓

節 姬姜稚叔三人偶食論仁議福以安王室

中孚 精誠所在神人爲輔德教亡患彌世長久三聖

仍事多受福祉

小過 岐周海隅獨樂不憂可以避難全身保財

孤獨特處莫爲依輔心勞志苦

未濟 顧望登臺意常欲逃買辛醜惡妻不安夫

鼎之第五十

鼎 積德之君仁政且温伊呂股肱國富民安

乾 頃筐卷耳憂不能傷心思古人悲慕失母

坤 卻叔賈貨行祿多悔利无所得

屯 蹶足狂跋恠碎不行棄捐乎人名字无巾

蒙 文王四乳仁愛篤厚子畜十男夭折无有

需 容民畜衆不離其君

訟 三維相逐蠅墜釜中灌洗滌瘴與母長決

師 所望在外鼎令方來拭爵滌鬯炊食待之不爲

季憂

比 陸居少泉高山无雲車行千里塗汚爾輪亦爲

我患

畜小東家殺牛汚髒腥臊神背西顧命絕衰周亳社  
災燒宋人夷誅

履長子入獄婦饋母哭霜降旬日嚮晦伏法

泰溫山松栢常茂不落鳳凰以庇得其歡樂

否大屋之下朝多君子德施溥育宋受其福

同人羅張目列圍合有缺採捕无功魚鳥得脫

大有羔裘豹衣高易我宇君子維好至老无憂

謙大頭明目載受福喜三雀飛來與祿相得

豫銷鋒鑄耜縱牛放馬甲兵解散夫婦相保

隨吉月車攻田弋雙禽宜王飲酒以告嘉功

蠱商人行旅資无所有貪貝逐利留連王市轅轅

丙安君子何咎

臨火入井口陽芒生角犯歷天門窺見太微登上

玉牀家易其公

觀秋隼冬翔數被嚴霜甲兵充庭萬物不生雄父

夜鳴民擾大驚

噬嗑東行西步失其次舍乾喉野井昭君喪居

賁 腫脛病腹陷廁汚辱命短時極孤子哀哭

剝 切膚近災虎絕我鬚小人橫暴君子何災

復 女室作毒爲我心疾和弗能治晉人赴吉

妄元 兵征大宛北出玉門與胡寇戰平城道西七月

絕糧身幾不全

畜大 十子夫九莫適與居貞心不宜至今名孤

願 車行稻麥遂至家國樂上无災君子何憂

大 作室山根所以爲安一夕崩嶺破我饔飧

次 過大 六人俱行各遺其囊黃鵠失珠无以爲明

離 伯蹇叔盲莫爲守裝失我衣裳我是陰邦

咸 褒寵溢尤敗政傾家覆我宗國秦滅周室

恒 詭言譯語仇禍相得冰入炭室消滅不息

遯 彭生爲妖暴龍作災盜堯衣裳聚躡荷其青禽

照衣三日夷亡

大 朝暮日月四馬過隙歲短期促時難再得

晉 耳闕道喪所爲不成所求匪得

明 申公患楚危不自安重耳出奔側喪其寃

人 南上泰山困於空桑左沙右石牛馬无食

睽海隅遼右福祿所在柔嘉義禮九夷何咎  
蹇陽春生長萬物茂壯垂秋布葉君子比德  
解低頭竊視有所畏避行作不利酒酸魚敗衆莫  
貪嗜

損左輔右弼金玉滿堂常盈不亡富如厥倉  
益坐朝垂軒據德宰民虞叔受命六合和親  
夫東行西走喪其犬馬南求驂騑失車林下  
始砥德礪材果當成周拜受大奩封爲齊侯  
萃西逢王母慈我九子相對歡喜王孫萬戶家蒙

福祉

升安坐玉床聽韶行觴飲福萬歲日壽无疆  
困登高望家役事未休王事靡盬不得逍遙  
升擊鼓陷咳不得相踰章甫文德福祿禍消  
革追亡逐北呼還幼叔至止而德復歸其室  
震老猶大猷東行盜珠困於噬敖幾不得去  
艮禹召諸神南山會稽執玉萬國天下康寧  
漸切切怛怛如將不活黍稷之恩靈輒以存獲  
保年

歸妹

侯叔興起季子富有照臨楚國蠻荆是安

豐

白馬駿騮更生不休富我商人利得如丘

旅

灼火泉源鈞魴山巔魚不可得火不肯燃

巽

避患東西及入禍門糟糠不足憂動我心

兌

我王多寵商人惶恐生其禍心使我危殆終无

災咎

渙

虎飢欲食見蝟而伏禹通龍門避咎除禍元醜

以安

節

安民呼池王杯大按泉如白蜜一挹獲願

中孚

雙鳥鴛鴦相隨羣行南至饒澤食魚與梁君子

樂長

澤又作洋

蔡侯朝楚留連江渚踰時歷月思其君后

小過既濟

驂車駕東與雨相逢五綵解墮頓抗獨坐憂為

身禍

未濟

螟虫為賊害我稼穡盡禾殫麥秋无所得

震之第五十一

震

枯瓠不朽利以濟舟渡踰江海无有溺憂

乾

陷塗溺水火燒我履憂患重累

坤 且生夕死名曰嬰鬼不可得祀

屯 揚水潛鑿使石潔白衣素表朱遊戲臯澤得尹  
所願心志娛樂

蒙 衆鳥所鄰呼有大怪九身无頭竟驚鬼去不可  
以居

需 別根枯株不生飢膚病在於心身以燻枯

訟 府藏之富王以振貧捕魚河海罟網多得

師 一莖九躔更用牽攀安明俯仰不得東西讚讚  
常決日午被刑

比 耄老飴背齒牙動播近地遠天下入黃泉

畜小 季蛇叔虎野心善怒驢貨无厭以滅其身

履 訐疑八子更相欺給管叔善政不見邪期

泰 絆逃不遠心與言反尼丘顧家茅簞朱華

否 蜉蝣戴盆不能上山播推踈跛頓傷其顏

同人 朝露不久爲恩惠少膏澗欲盡咎在枯槁

大有 河伯之功九州仁同載祀六百光烈无窮

謙 三人北行大見光明道逢淑女與我驥子

豫 金精耀怒帶劍過午徘徊高庫宿於木下兩虎



相距弓弩滿野

隨 江河淮海天之奧府衆利所聚可以富有安樂  
无憂

蠱 不虞之患禍至此門奄忽暴卒病傷我心

臨 畫龍頭角文章未成甘言美語說譯无名

觀 缺破不成胎卵不生不見兆刑

嗑 旁行不遠三里反復心多畏惡日中止舍

賁 四瀆不安兵革爲患探我妻子家復飢寒

剝 喜來如雲舉家蒙歡衆財君子喜福盈門

復 載金販狗利棄我志藏匿淵底折晦爲咎

无 日中爲市各抱所有交易賁賄函珠爲寶心悅  
歡喜

大 日趨月步周遍次舍經歷致遠无有難處

頤 陽明失時陰疑爲憂主君哀泣喪其元侯

大 年衰歲暮精魂游去形容消枯哀子相呼

坎 少无功績老困失福跌行跛倚不知所立

離 持心耀目善數搖動自東徂西不安其處渙散

府藏无有利得

咸 賁貝贖狸不聽我辭繫於虎鬚牽不得來

恒 老狼白獺長尾大狐前顛後躓岐人悅喜

遯 背地相憎心志不同如火與金君猛臣懾虎行

兔伏

壯大 夏臺羨里湯文厄處鬼侯歎醢岐人悅喜

晉 牙蘂生齒螳螂啓戶幽人利貞鼓翼起舞

明夷 烈女无夫閔思苦憂齊子无良使我心愁

家人 踐履危難脫厄去患入福喜門見我大君

睽 折臂接手不能進酒析杞閑曠神怒弗喜

蹇 蟻封戶穴大雨將集鵠數起鳴牝鷄嘆室相薨

雄文來到在道

解 胡俗戎狄太陰所積涸洌沍寒君子不存

損 翁翁鞫鞫稍頽崩顛滅其令名身不得全

益 災虫爲賊害我稼穡盡禾禪麥秋无所得

夬 三鳥飛來自我逢時俱行先至多得大利

姤 龍馬上山絕无水泉喉唇焦乾渴不可言

萃 春生子乳萬物蕃熾君子所集禍災不至

升 王孫季子相與爲友明允篤誠升擢薦舉

困 六明並照政人有統秦楚戰國民受其咎

井 蛟竦充側佞人所惑女謁橫行正道壅塞

華 登崑崙入天門過糟丘宿玉泉問惠觀見仁君

鼎 體重飛難未能越關不離空垣

良 玄黃虺隤行者勞罷役夫憔悴踰時得歸

漸 孔德如玉出於幽谷飛上高木鼓其羽翼輝光

照國

歸 火雖熾在吾後寇雖衆在吾右身安吉不危殆

豐 旂裘羶國文禮不飾跨馬控弦伐我都邑

旅 被髮八十暮德獻服邊鄙不聳以安王國

巽 心得所好口常欲咲公孫蛾眉鷄鳴樂夜

兌 馬西負乘見邑之野弁獲梁稻喜悅无咎

渙 高飛視下貪饗所在腐臭爲患害於躬身

節 東行西步失其次舍乾喉野井昭君喪居

中 神鳥五彩鳳凰爲主集於山谷使年歲育

小 石門晨門荷蕢食貧遁世隱居竟不逢時

過 齟齬齧貧鬼相責无有懼怡一日九結

既 白日揚光雷車避藏雲雨不行爲止其鄉

未 濟 白日揚光雷車避藏雲雨不行爲止其鄉

艮之第五十二

艮 君孤獨處單弱无輔名曰困苦輔心湧泉碌碌  
如山

乾 憂驚已深禍不爲災安全以來

坤 穿匏泄水構鑿災火勞疲力竭飢渴爲禍

屯 蹇牛折角不能載粟災害不避年歲无穀

蒙 邑將爲墟居之憂危

需 根剛樹殘花葉落去卒逢火焱隨風僵仆

訟 元后貪欲窮極民力執政乖劣爲夷所覆

師 北山有豸使叔壽考東嶺多粟宜行賈市陸梁  
雄雉所至利喜

比 高原峻山陸上少泉草木林麓嘉禾所災

小畜 辰次降婁王駕巡狩廣施德惠國安无憂

履 鞫鞫輾輾歲暮偏弊寵名復棄君衰於位

泰 放御委轡奔亂不制法度无常君失其位

否 獨登西垣莫與咲言秋風多哀使我心悲

同人 脛急股攣不可出門暮速羣旅必爲身患

大有 情僞難知使我偏頗小人在位雖聖何咎

謙 黍稷醇醲敬奉山宗神嗜飲食甘雨嘉祥庶物  
蕃茂時无災咎獨蒙福祉

豫 公子王孫把彈攝丸發輒有獲室家饒足  
隨 陰升陽伏舜失其室元元赤子相餒不食  
蠱 七竅龍身造易八元法天則地順時施恩引和  
貴長以富永存

臨 逐狐東山水過我前深不可涉失利後便  
觀 啣命辱使不堪其事中墜落去更爲負載  
嗑 溫仁君子忠孝所在入閨爲儀禍災不起  
噬 嗑

賁 春多膏澤夏潤優渥稼穡熟成數獲百斛師行  
以律霸功不遠

剝 二女同室心不聊食首髮如蓬憂常在中  
復 築闕石巔立本泉源病疾不安老孤爲隣  
无 欲避凶門反與禍隣顛覆不制痛薰我心  
大 畜 跋行竊視有所畏避狸首伏藏以夜爲利  
大 頤 人面鬼口長舌爲斧斲破瑚璉殷商絕後  
大 過 和氣相薄膏澤津液生我嘉穀

坎 銷金鑄兵雷車不行民安其鄉

離 秦儀機言解其國患一說燕下齊相以權

咸 且與輔王周德孔明越裳獻雉萬國咸寧 周公旦召

真公

恒 弱足則跟不利出門賈市无過折亡為患

遯 堅冰黃鳥常哀悲愁不見甘粒但覩藜蒿數驚

鷺鳥為我心憂

壯大 寬微悒悒屬續聽絕豁然大通復更生活

晉 陰生麀鹿鼠舞鬼谷靈龜陸處 一云靈鼠陸處鬼哭鼠舞 釜

旣草土人知敗國禁亂无緒

明夷 歛諸攻玉无不穿鑿龍體吾舉魯班為輔舞鳳

成形德象君子

家 山作天時陸為海口民不安處

睽 東風啓戶隱伏懽喜萌庶蒙恩復得我子

蹇 華燈百枝植暗衰微精光欲盡命如灰麋

解 三十无室寄伯柔中上官長女不得樂同

損 卵與石鬪糜碎无處動而有悔出不得時

益 尋兵爭強失其貞良敗我穀鄉

夬 虐除善疑難為攻醫冀窮鹽車困於銜御

姤 操笏搏狸荷弓射魚非其器用自令心勞

率 葵丘之盟獻晉會庭見太宰辭後秦還興

升 牘詐龐子夷竈書木伏兵卒發矢至如雨魏師

驚亂將獲為虜

困 南行出城世得大福王姬歸齊賴其所欲以安

邦國

井 冬采薇蘭地凍堅難雖利奔走暮无所得

堅難又作

冰堅

革 王喬无病狗頭不痛亡破失履之我欲送

鼎 宛馬疾步盲師坐御自不見路中止弗到

震 求我難國亡去我北憂歸其城反為我賊

漸 比目四翼安我邦國上下无思為我嘉福

歸妹 八材既登以城嘉功龍降庭堅國无災凶

豐 消燹穿空家莫為宗奴婢逃走西父東為身

作凶

旅 鳥舞國城邑懼卒驚仁德不脩為下所傾

巽 五穀不熟民苦困急駕之南國嘉樂有得

兌 黃裳建元病得在身福祐洋溢封為齊君賈市

无門富貴多殮

一作孫

渙 齊東郭廬嬪於洛都駿良美好利得萬倍

節 安床厚褥不得失宿棄我嘉宴困於南國授杼

之憂不成禍災

中孚 內崩身傷中亂无恒雖有美粟不得其食

出門逢患與禍爲怨更有拏刺傷我指端

小過 出入節持南北无憂行者即至在外歸來

未濟 公孫駕車成遊東延陵說產遺季紵衣

漸之第五十三

漸 別離分散長子從軍稚叔就賊寡老獨安莫爲

種瓜

乾 旦種穀豆暮成藿羨心之所願志快意愜

坤 豹飛門啓憂患大解不爲身禍

屯 東山西山各自止安雖相登望竟未同堂

蒙 衆鳥所翔中有大怪九身无頭龜驚鬼去不可

以居

需 交侵如亂民无聊賴追我濟西狄人便殫

訟 麟鳳所翔國无咎殃買市十倍復歸惠鄉



師 鑿井求玉非卞氏寶身困名辱勞无所得

北 文山鴻豹肥膺多脂王孫獲願載福巍巍

畜小 周成之隆刑措除凶太宰費祐君子作仁

履 珪璧琮璋執贄見王百里寧威應聘齊秦

泰 穿空漏弊破壞殘缺陶弗能治瓦甃不鑿

否 鴻飛循陸公出不復伯氏客宿

同 人 蝦蟇羣聚從天請雨雲雷連集應時輒下得其

所願

大 先弱无子不能自理為民雖憂終不離咎管子

治國侯伯賓服乘輿八百尊我桓德

謙 挫梅折枝與母別離絕不相知

豫 盛中不絕衰老復拙盈滿減虧瘼癩脂肥鄭昭

失國重耳興起 一云盛去必衰羸去卻肥鄭昭失國重耳得時

隨 聞虎入邑心欲逃匿走據陽德不見霍叔絕无

憂慝

蠱 隨時逐便不失利門多獲得福富於封君

臨 禹作神鼎伯益銜指斧斤既折撞立獨倚賣市

不售枯槁為禍

觀 春鴻飛東以馬貨金利得十倍重載歸鄉

蓋 金齒鍊牙壽考宜家年歲有餘貪利者得雖憂

无咎

賁 膏澤沐浴洗去污辱振除災咎更與壽福

浴又作德

剝 履墜登墀高升峻巍福祿洋溢依天之威

復 坤厚地德庶物蕃息平康正直以綏大福

无妄 絕域異路多所畏惡使我驚惶思吾故處

大畜 襁褓孩幼冠帶成家出門如賓父母何憂

頤 一尋百節綢繆相結其指詰屈不能解脫

大過 鷹鷂獵食雉兔困極逖走見尾為人所賊

坎 危坐至暮請求不得膏澤不降政戾民忒

離 剛柔相呼二姓為家霜降既同惠我以仁

咸 慈母念子饗賜德士蠻夷來服國人懽喜

恒 良夫孔姬負懼登臺樂季不扶衛輒走逖

遯 子長忠直季氏為賊禍及无嗣司馬失福

大壯 節慶之德不涉亂國雖昧无光民受大福

晉 驅羊南行與福相逢狼驚我馬虎盜我子悲恨

自咎

夷明 尼父孔丘善釣鯉魚羅網一舉獲利萬頭富我

家居

人家 本根不用華葉落去更爲孤嫗

睽 設罟捕魚反得居諸負困竭忠伍氏夷誅

蹇 敏捷函疾如猿集木彤弓雖調終不能獲

解 冠帶南行與福相期邀於嘉國拜位逢時

損 年豐歲熟政仁民樂祿入獲福

益 築闕石巔立基水源疾病不安老孤无隣

夬 逐狐東山水過我前深不可滅失利後還

姤 麟子鳳雛生長嘉國和氣所居康樂温仁那多

聖人

萃 西行求玉莫得卞璞反得凶惡使我驚惑

升 心狂志悖聽視聾盲正命无常下民多孽

困 南國少子才畧美好求我長女賤薄不與反得

醜惡後乃大悔

井 逶迤高源家伯妄施亂其在官

革 謝恩拜德東歸吾國歡樂有福

鼎 雞鳴同舉思配无家執佩持鳧莫使致之

震 凶重憂慮身受誅罪神不能解

艮 虎豹熊羆遊戲山谷仁賢君子得其所欲

歸妹 海隅遼右福祿所至柔嘉蒙祉尤夷何咎

豐 華首之山仙道所遊利以居止長无咎憂

旅 甲乙戊庚隨時轉行不失常節萌芽律屈咸達

生由各順其類

巽 鼓譟未起失利後市不得鹿子

兌 惟恃自負不恤於下血從地出誅罰失理

渙 江河淮海天之都商賈人受福國家變節

節 節情省慾賦歛有度家給人足且貴且富

中孚 牝馬鳴响求呼其潦雲雨大會流成河海

小過 日月之塗所行必到无有慮故

既濟 乘風而舉與飛鳥俱一舉千里見吾愛母

太極 陰配陽事臥木反立君子攸行喪其官職

歸妹之第五十四

歸妹 堅冰黃鳥常悲哀鳴不見甘粒但歎藜荆數驚

鷺鳥爲我心憂

乾 荆木冬生可冠緩刑威權在下國亂且傾

坤 喘牛傷暑弗能耕畝草萊不闢年歲无有 丙吉 周牛

喘

屯 魚欲負流衆不同心至德潛伏

蒙 春耕有息秋入利福獻豨大豨以樂成功

需 生有聖德上配太極皇靈建中授我以福

訟 右撫琴頭左手援帶凶訟不已相與相戾失利

而歸

師 炎魚拈斗陰倚碩鼠舌不思味譏發為崇竿不

得去

比 申酉說服牛馬休息君子以安勞者得權

小畜 堯門尹爵聖德增益使民不疲安无怵惕

履 孤公寡婦獨宿悲苦目張耳鳴莫與笑語 訟之 歸妹

泰 外得好畜相與嫁娶仁賢集聚諮詢厥事傾奪

我城使家不寧

否 煎砂盛暑鮮有不朽去河千里敗我利市老手

育馬去之何悔

同人 甲乙戊庚隨時轉行不失常節萌芽律屈咸達

出生各樂其類

有<sup>大</sup> 依宵夜遊與君相遭除解煩惑使心不憂

謙 无有絕明巧言爲讒覆白污玉顏叔哀音

豫 逐利三年利走如神展轉東西如鳥避丸

隨 隄防壞決河水泛溢傷害稼穡民流去室君孤

獨宿沒溺我邑

蠱 陰陽隔塞許嫁不荅旄丘新臺悔往嘆息

臨 伯夷叔齊貞廉之師以德防患憂禍不存

觀 陽爲狂悖拔劍自傷爲身生殃

進士爲官不若服田獲壽保年

賁 耕石不生棄禮无名縫衣失針襦袴弗成

剝 靈龜陸處一旦失所伊子復耕桀亂无輔

復 室管原口漂溺爲海財產殫盡衣食无有

无 難方啄粟爲狐所逐走不得食惶懼喘息

大 家在海隅繞旋深流豈敢憚行无木以趨

願 他山之錯與繆爲仇來攻吾城傷我肌膚國家

騷憂

大 弊鏡无光不見文章少女不嫁棄於其公

坎 大蛇巨魚相輔殺之君臣隔塞郭公失廬

離 絕世无嗣福祿不存精神渙散離其躬身

戚 文君之德養人致福年无胎天國富民寶憂者  
之望憎參盜息

恒 一合歡之國喜爲我福東岳南山朝濟成恩

遯 憂人之患履悖易顏爲身禍殘率身自守與喜  
相抱長子成考封受福祐

大 壯 太公避紂七十隱處卒逢聖文爲王室輔

晉 江漢上流政逆民憂陰代其陽唯爲雄公  
縮縮亂絲舉手爲災越故逐兔濡其衣袴

家人 臭蕪腐木與狼相輔亡夫失子憂及父母

睽 割羊不當女執空筐兔跛鹿蹄緣山墜墮讒佞  
亂作

蹇 拔劍傷手見敵不喜良臣无佐困憂爲咎

解 三殺五羊相隨俱行迷入空澤循入直北經涉  
六駁爲聽傷敗

損 爭雞失羊亡其金囊利得不長陳蔡之患賴楚  
以安

益 三灑負衡南取芷香秋蘭芬馥盈滿神匱利我

仲季

夫 孟春巳丑哀呼仲父明德訖終亂虐滋起

婚 履不容足南山多葉家有芝蘭乃无病疾

葉又作草

萃 三足无頭弗知所之心在精傷莫使爲明不見

日光

升 戴堯扶禹喬松彭祖西過王母道路夷易无敢

難者

困 式微式微憂禍相半隔以巖山室家分散

井 靈龜陸處一旦失所伊子復耕桀亂无輔

革 仁德覆洽恩及異域澤及殊方禍災隱伏蚕不

作室寒无所得

鼎 夏麥薹薹霜擊其芒疾君敗國使年天傷

震 火雖熾在吾後寇雖多在吾右身安言不危殆

艮 遼遠絕路客宿多悔頑巖相聚生我畏惡

漸 懸懸南海去家萬里飛兔裹駿一日見母除我

憂悔

豐 因而後通難厄不窮終得其願姬姜相從

旅 西賈巴蜀寒雪已沒欲前不得還天空室



巽 作新初陵爛熳難登三駒推車躓損傷願

兌 延頸望酒不入我口深目自苦利得无有幽人  
悅喜

渙 仲春孟夏和氣所舍生我喜福國无殘賊

節 張網捕鳩兔離其災雌雄俱得爲且所賊

中 三人俱行一人言北伯仲欲南少叔不得中欲  
分道爭鬪相賊

小 然諾不行欺給誤人使我露宿夜歸溫室神怒  
不直鬼擊其目欲求福反目賊

既濟 陳辭達誠使安不傾增祿益壽以成功名

未濟 火燒公床家破滅亡然得安昌先憂重喪

豐之第五十五

豐 清糲行賈徑涉山阻與狄爲市不憂危殆利得  
十倍

乾 鼎足承德嘉謀生福爲王開庭得心所欲

坤 曳綸江海釣魴與鯉王孫列俎以饗仲友

屯 東山臯落叛逆不服與師征討恭子敗覆

蒙 千星駢駒爲王服車嘉其驪榮君子有成

需 三龍北行道逢六狼莫宿中澤為禍所傷

訟 天災所遊凶不可居轉徙獲福留止危憂

師 狐狸雉兔畏人逃去分走竄匿不知所處

比 雨師娶婦黃巖季子成禮既婚相呼南山膏潤

下土年歲大有

畜小 外樓野鼠與雉為伍瘡痍不息即去其室

履 天命絕後孤傷无主彷徨兩社獨不得酒

泰 鵠思其雄欲隨鳳東順理羽翼出次日中傾流

北邑及復其室

否 蛟蛇九子長尾不殆均明光澤燕自受福

同人 日走月步趨不同舍夫妻反目君主失國

大有 定房戶室括薪除毒文德淵府害不能賊一作宣房

戶室括  
卿深毒

謙 齊東郭廬嫁于洛都駿良美好多好讓主利得

過倍

豫 病篤難醫和不能治命期終訖下即蒿里

隨 開郭聚業王迹所起姬德七百振以八子

蠱 豐年多儲河海饒魚商客善賈大國富有

臨 鵠求魚食過彼食邑繪加我頸繳挂羽翼欲飛  
不能爲羿所得

觀 望城抱子見邑不殆公孫上堂文君悅喜

嗑 左指右麾邪侈靡靡執節无良靈君以亡

賁 日中爲市各持所有交易資賄函珠懷寶心悅  
歡喜

剝 山没丘浮陸爲水魚燕雀无廬

復 馬服長股宐行姜市蒙祐諧偈獲利五倍

一作終日

在市詰朝獲利既  
享嘉福得久乃歲

无 三狸捕鼠遮過前後死於國城不得脫走

大 鬼舞國社歲樂民喜臣禮於君子孝於父

願 慈母望子遙思不巳久客外野我心悲苦

大 一雨師娶婦黃巖季子成禮既婚相呼南上膏潤

下土年歲大有

坎 兩狗圍室相咬爭食枉矢西流射我暴國高宗  
伐鬼三年乃服

離 早霜晚雪傷禾害麥損功棄力饑無可食

咸 腐臭何在青蠅集聚變白爲黑敗亂邦國君爲

臣逐失其寵光

牽羊不前與心戾旋聞言不信誤給丈人

一云言語

不富誤  
紹丈人

遜 甘忍利害還相克敵商子酷刑鞅喪厥

大 到羊不當血少无羨女執空筐不得桑根

晉 鬮鬮謫謫貧鬼相責无有歡怡一日九結

明 兩足四翼飛入嘉國寧我伯姊子母相得

家 文山紫芝雍梁小草生長和氣王以為寶公尸

侑食福祿來處

睽 絕世遊竟福祿不存精神渙散離其躬身

蹇 北辰紫宮衣冠立中含弘建德常受大福

解 伯蹇叔盲莫為守株失我衣裘代爾陰鄉

損 兩女共室心不聊食亂髮如蓬憂常在中

益 去莘就蓼毒愈酷甚避穿遇坑憂患日生

夬 初病終凶季為歿喪不見光明

姤 三鳥飛來自到逢時俱行先至多得大利

萃 鹿食山草不思邑里雖久无咎

升 羊腸九縈相摧併前止須王孫乃能上天

困 管仲遇恒得其願歡膠日殺糾振冠无憂咲戲  
不莊空言妄行

井 桀跖並處民困愁苦旅行遲遲留連齊魯

葦 冤孤无室銜損不食盜張氏饋見敵失肉

鼎 讒言亂國覆是爲非伯竒乖離恭子憂哀

震 衛侯東遊惑於少姬亾我考妣久迷不來

艮 鷄鳴同典思配无家執佩持鳧莫使致之

漸 義不勝情以欲自縈覲利危躬摧角折頸

歸妹 臣尊主卑權力日衰侵奪无光三家逐公

旅 叔仲善賈與喜爲市不憂危殆利得十倍

巽 六蛇奔走俱入茂草驚於長路畏懼啄口

兌 水壞我里東流爲海鳧鼈謹囂不可安居

漁 飛不遠去卑廝內侍祿食未富

節 陰變爲陽女化爲男治道大通君臣相承

中孚 踐履危難脫厄去患入福喜門見誨大君

小過 綱密網縮動益蹙急困不得息

既濟 負牛上山力劣行難烈風雨雪遮過我前中道

復還憂者得歡

濟未

喁喁嘉草思降甘雨景風升上沾洽時樹生我

禾稼

旅之第五十六

旅 羅網四張鳥无所翔征伐困極饑渴不食

乾 寄生无根如過浮雲立本不固斯須落去更為

枯樹

坤 入无定法綬降牛出蛇雄走趨陽不制陰宐其

家困

屯 衆鳥所翔中有大恠九身无頭竟驚龜去不可

以居

蒙 封涿溝瀆灌瀆國邑人宿口中民多病疾

需 奮翅鼓翼翱翔外國逍遙徒倚來歸温室

訟 秋蚕不成冬種不生設王逆理棄其寵名

師 衛侯東遊惑於少姬亾我考妣久迷不來

比 鳥會雀合與惡相得鴟鴞相酬為心所賊

小畜 鳴鷄无距與雀格鬪翅折目盲為仇所傷

履 木生內蠹上下相賊禍亂我國

泰 延陵適會觀樂太史東隣白顛知泰興起卒兼

易林

卷四

三十一

其國一統爲主

否 輔相之好无有休息時行雲集所在遇福

同 人 大 有 朕傾竇折屋漏垣缺季姬不悵

東入海口循流北走一高一下五邑失主七夜

六日歿於水浦

謙 羣虎入邑求索肉食大人守禦君失其國

豫 四亂不安東西爲患退身止足无出邦域乃得

完全賴其生福

隨 叔盼抱冤祈子自邑乘遠解患羊舌以免賴其

生全

蠱 延頸望酒不入我口淡目自苦利得无有

臨 仁政之德恭一日息成都就邑日受厥福

觀 牽頭繫尾屈折幾歿彫世无仁不知所歸

噬 教羊逐兔使魚捕鼠任非其人費日无功

賁 生角有尾張孽制家排揚逐狐張氏易公憂禍

重凶

剝 去安就危墜陷井池破我玉螭

復 茹芝餌黃塗飲玉英與神通流長无憂凶

無妄 體重飛難未能越關不離室垣

大畜 巢成樹折傷我彝器伯趺叔跌亾羊乃追

大頤 六人俱行各遺其囊黃鵠失曉無以為明  
曉又作珠

大過 播枝遷岐與母分離絕不相知

坎 迎福開戶喜隨我後曹伯愷悌為宋國主

離 既痴且狂兩目又盲箕踞坐暗名為無用

咸 金梁鍊柱十年牢固完全不腐聖人安處

恒 裹糗荷糧與跖相逢欲飛不得為網所獲

遯 彭生為妖暴龍作災盜堯衣裳聚跖荷兵青禽

照夜三旦夷亾

大壯 褊夫老婦不能生子鰥寡居處

晉 鷦鷯竊脂巢於小枝搖動不安為風所吹內寒

飄搖常憂殆危

明夷 素車木輿不任負重王子出征憂疑為咎

家人 上陷四維安平不危利以居止保其玉女

睽 負牛上山力劣行難烈風雨雪遮遏我前中道

復還

蹇 金城鍊郭上下同力政平民親寇不敢賊



解 清潔淵宗爲讒所言證訓詰情繫於枳温甘棠  
聽斷昭然蒙恩

損 臯陶聽理岐伯悅喜西登華道東歸无咎

益 低頭竊視有所畏避行作不利酒酸魚敗衆莫  
貪嗜

夫 十雉百雛常與母俱抱鷄搏虎誰肯爲娛

妒 高阜山陵峻陔顛崩爲國妖祥元后以薨

萃 六鷁退飛爲襄敗祥陳師合戰左股疾傷遂以  
崩薨霸功不成

升 異國殊俗情不相得金木爲仇曾賦擅役

困 鴉噪庭中以戒災凶重門擊拆儕憂暴客

井 慈母赤子享賜得士獲夷服除以安王家側陋  
逢時除一作徐

革 迹造惡人使德不通炎旱爲災字穀大傷

鼎 躬履孔德以世束帶文君燎獵日尚獲福號稱  
太師封建齊國

震 征將止惡鼓鞞除賊慶仲奔莒子般獲福

艮 艮夫淑女配合相保多孫壽子權樂長久

漸 逶迤四牡思念父母王事靡盬不得安處

歸妹 水壞我里東流為海龜鼉謹囂不得安居

豐 東帛交交賻我孟空徵召送君處號易子

巽 乾行大德履瞻六合嘔煦成熟使我福德

兌 秦併六國更相克賊獲惠質圍鄭被其咎

渙 晦昧昏冥君无紀綱甲子歲亂簡公喪亡

節 三足无頭弗知所之心狂精傷莫使為明不見

日光

中 長夜短日陰為陽賊萬物空枯藏於北陸

小過 依宵夜遊與君相遭除煩解惑使我无憂

既濟 逐鹿南山知我入門陰陽和調國无災殘長子

出逃須其仁君逃一作迎

未濟 請騁作耳畜不我與驅我父母

巽之第五十七

巽 溫山松栢常茂不落鸞鳳以芘得其歡樂

乾 采唐沫卿要我桑中失信不會憂思約帶

坤 有鳥飛來集于宮樹鳴聲畏惡主將出去

屯 仁政之德參參日息成都就邑日受厥福

蒙 他山之錯與瑯爲仇夾攻吾城傷我肌膚那家

搔擾

需 賈貝贖狸不聽我辭繫於虎鬚牽不得來

訟 一簧兩舌佞言陷語三奸成虎曾母投杼

師 薄行搔尾逐雲涂水污泥爲陸下田宜稷

比 天門九重澤內難通明登到暮不見神公

小畜 昧昧不明耳聾不聰陷入澤淵滅頂成凶

履 霧露早霜日暗不明陰陽孽疾年穀大傷

泰 三階土廓德義明堂交讓往來享燕相承箕伯

朝王錫我玄黃

否 爭鷄失羊利得不長陳蔡之患賴楚以安

同人 天旱水涸枯槁无澤未有所獲

大有 陶朱白圭善賈息貲公子王孫富利不貧

謙 龜厭江海陸行不止自令枯槁失其都市憂悔

无咎

豫 黃鳥採蓄旣稼不吝念吾父兄思復邦國

隨 田鼠野雉意常欲逃拘制籠檻不得動搖

蠱 平國不君夏氏作亂烏號竊發靈公殞命

巨蛇大鱷戰於國郊上下閉塞君遁走逃

讒言亂國覆是為非伯奇留離恭子憂哀

鬱快不明為陰所傷眾霧集聚共奪日光

望城抱子見邑不殆公孫上堂大君歡喜

剝三虫為蟲刻迹无與勝母盜泉君子弗處

復車馳人趨卷申相求齊魯寇戰敗於犬丘

欲訪子車善相欺給桓叔相迎不見所相

爭雉失羊亾其金囊利得不長陳蔡之患賴楚

以安

願歲莫花落陽入陰室萬物伏匿利不可得

大過晨風文翰大舉就温過我成邑羿无所得

坎特鵠抱子見蛇何咎室家俱在不失其所

離隱隱大雷霧霈為雨有女癡狂驚駭隣里

戚无足斷跟居處不安凶惡為患

恒破筐敝筥弃捐於道不復為寶

大遯三鷄啄粟十雛從食饑為卒擊亾其兩叔

壯乘車七百以明文德踐土葵丘齊晉受福

晉百足俱行相輔為強三聖翼事王室寵光

明夷

典策法書藏在蘭臺雖遭潰亂獨不遇災

人家

西誅不服恃強負力倍道奔敵師徒敗覆

睽

春陽生草夏長條肆萬物蕃滋克實益有

蹇

敬禱禿白不生黍稷无以供祭祇靈代祀

解

褰衣涉河澗流浚多幸賴舟子濟脫无他

損

宐行賈市所求必倍載喜抱子與利爲友

益

允征東燕兪伐遼西大克勝還封居河間

夬

初雖驚惶後乃无傷受其福慶相孝爲王

姤

隨風乘龍與利相逢田獲三倍商旅有功憧憧

之邑長安无他

萃

魚擾水濁寇圍吾邑城危不安驚恐狂惑

升

雖塞復通履危不凶保其明功以道立宗

困

坤厚地德庶物蕃植平康正直以綏大福

井

山水暴怒壞梁折柱稽難行旅留道愁苦

革

使燕築室身不庇宿家无聊賴織我衣服

鼎

矢石所射襄公剝據吳子巢門傷病不治

震

日月運行一寒一暑榮寵赫赫不可得保顛隕

墜墮更爲士伍

良宮門悲鳴臣圍其君不得東西

浙一戴盆望天不見星辰顧小失大福逃牆外

妹歸天之所明禍不遇家反目相逐終得和美

豐天陰霖雨塗行泥潦商人休止市无所有

旅善門福喜增累盛熾日就有得宜其家國

兌南山之陽華葉將將嘉樂君子爲國寵光

渙盡龍頭頸文章未成甘言美語詭辭无名

節嬰兒孩子未有知識彼童而角亂我政事

中陰作大奸欲君勿言鴻鵠利口發其禍亂荆季

懷憂張伯被患

小過德之流行利之四鄉雨師洒道風伯逐殃巡狩

封禪以告成功

既濟禹將爲君裝人崑崙稍進陽光登見温湯功德

昭明

未濟五岳四瀆含潤爲德行不失理民賴恩福

兌之第五十八

兌班馬還師以息勞疲役夫嘉言入戶見妻

乾踐履危難脫去厄患入福嘉門見誨大君

坤 子鉏執麟春秋作陰元聖將終尼父悲心

屯 夾河爲婚期至无船搖心失望不見所歡

蒙 天孫帝子與日月處光榮於世福祿繁祉

需 三羊爭妻相隨奔馳終日不食精氣勞疲

訟 禹召諸神會稽南山執玉萬國天下安寧

師 早霜晚雪傷害禾麥損功棄力饑无所食

比 嵩融持戟杜伯荷弩降觀下國誅逐无道憂商

之李失福逃走

畜小 生有聖德上配太極皇靈建中受我以福

履 下田陸黍萬華生齒大雨霖集波病漬腐

泰 子畏於匡困厄陳蔡明德不危竟克免害

否 有兩赤頭從五岳遊滯言无祐趨爾之林俯伏

聽命不敢動搖

人月 當得自知不逢凶災衰來復興終得福來

有大 朽根枯樹華葉落去卒逢火焱隨風僵仆

謙 葛生衍蔓絺綌爲願家道篤厚父兄悅喜

豫 東行求玉反得弊石名曰无直字曰醜惡衆所

賤薄

隨 瞻白用弦驚辱恐怯任力隨身如蝟見鵠偃視  
怒腸不敢拒格

瘡痍多病宋公危殆吳子巢門无命失所

臨 東山西岳會合俱食爲吳從送以成恩福

觀 舞非其處失節多悔不合我意

嗑 南循汝水伐樹斲枝過時不遇怒如周饑

責 公孫駕驪載遊東齊延陵讎產遺季紵衣

剝 乘輿八百以明文德踐土葵丘齊魯受福

復 雄處弱水雌在海邊別離將食哀悲於心

无妄 結網得鮮受福安坐終无患禍

大有 秋南春北隨時休息處和履中無有憂凶

頤 啓戶閉門巡狩釋究夏臺美里湯文悅喜

大過 符左契右相與合屬乾坤利貞乳生六子長大

成就風言如母

坎 飢蚕作室絲多亂緒端不可得

離 東壁餘光數暗不明主母嫉妬亂我事業

咸 白茅醮酒靈巫拜禱神嗜飲食使君壽考

恒 范公陶夷巧賈貨資東之營丘易字子皮抱珠



載金多得利歸

選 三殺五牲相隨俱行逃入空澤經涉虎廬循谷  
直北經涉六駮爲所傷賊死於牙腹

壯大 雄鷓延頸欲飛入關兩師洒道織我袍裘車重  
難前侍者稽首

晉 中年蒙慶今歲受福必有所得

明 祿如周公建國洛東父子俱封

人家 安床厚褥不得久宿棄我嘉讌困於東國投行  
之憂不成禍災

睽 蓄積有餘糞土不居利有所得

蹇 心願所喜乃今逢時我得利福不離兵革

解 目不可合憂來搔足怵惕危懼去其邦族

損 福德之士懽悅日喜夷吾相桓三歸爲臣賞流  
子孫

益 夏姬附耳心聽悅喜利後博取

夬 叔迎兄弟遇巷在陽君子季姬並坐鼓簧

姤 徙巢去家南遇白鳥東西受福與喜相得

萃 舜登大禹石夷之野徵詣王庭拜治水土

升 江河淮海天之都市商人受福國家富有

困 隱隱煩煩火燒山根下潤我隣獨不蒙恩

井 闇昧不明耳聾不聰墮入深淵滅頂憂凶

華 鳥鳴喈喈天火將下燔我館舍災及妃后

鼎 十雉百雛常與母俱抱虎搏雞誰敢難者

震 管城洛邑周公所作世建三十年歷八百福祐

盤結堅固不落

艮 三人俱行別離將食一身五心反覆迷惑

漸 三虎搏狼力不相當如鷹格雉一擊破亡

歸妹 養虎畜狼還自賊傷年歲息長疾君拜禱雖危

不凶

豐 後時失利不得所欲

旅 雉兔之東以野爲場見鷹奔走歿於谷口

巽 秋蛇見穴不失其節夫人姜氏自齊復入

渙 鳥鳴巢端一呼三顛搖動東西危鬼不安

節 命天不遂歿多爲祟妻子啼暗早失其雄

中孚 弗屋結席崇我文德三辰旆旗家受其福

小過 羅網一張鳥无一翎征伐困極饑窮不食

既濟未濟

天成地安積石為山潤給萬里人賴其歡

銅人鍊柱暴露勞苦終月卒歲无有休止

渙之第五十九

渙 望幸不到文章未就三子逐兔犬蹄不得

乾 焱風阻越車馳竭竭棄名追亡失其和節憂心

惛惛

坤 蛇得澤草不憂危殆

屯 兩犬爭鬪股瘡无處不成仇讐行解却去

蒙 因禍受福喜盈其室求事皆得

需 江有寶珠海多大魚亟行疾去可以得財

訟 三年生狗以戌為母荆夷上侵伯姬出走

師 安息康居異國窮廬非吾習俗使伯憂惑

比 行觸天網馬歿車傷身无聊賴困窮乏糧

畜小 裸程逐狐為人觀咲牝鷄司晨主母亂門

履 為季求婦家在東海水長无船不見所歡

泰 男女合室二姓同食婚姻孔云宜我多孫

否 天行帝室黃帝所直藩屏周衛不可得入常安

長在終无禍患

賈金觀市欲置騶子猾偷竊發盜我黃寶

間大人有

三思俱行欲歸故鄉望邑入門拜見家親

謙

娶於姜女駕迎新婦少齊在門夫子悅喜

豫

伯仲旅行南求大祥孟長痛足倩季負囊柳下

之貞不失我邦

隨

潔身白齒衰老復起多孫衆子宜利姑舅

蠱

獨宿猶夜嫫母畏晝平王逐建荆子憂懼

臨

追亾逐北呼還幼叔至山而得復歸其室

觀

鳥飛无翼兔走折足雖欲會同未見其功

噬嗑

抱空握虛鴉驚我雛利出不成一作來

賁

山作大池陸地爲海各得其所

剝

爲虎所噬太山之陽衆多從者莫敢救藏

復

透迤四牡思歸念母王事靡盬不得安處

无妄

獼猴所言語无成全誤我白馬使口不至一作使乾

口來

大畜

飛不遠去卑斯內侍祿養未富

頤

大尾細腰重不可搖陰權制國平子逐昭

大過

旦生夕歿名曰嬰鬼不可得視視一作祀

易林

卷四

五十一

坎、子畏於匡困於陳蔡明德不危竟免厄害  
離 畏昏潛處候時昭朗卒逢白日爲世榮主  
咸 白鳥啣餌嗚呼其子旋枝張翅來從其母  
恒 宮商角徵五音和氣君臣父子弟順有序唐虞  
襲德國无災咎

遯 季姬踟躕望子城隅終日至暮不見齊侯  
大 鬼哭於社悲傷无後甲子昧爽殷人絕祀  
壯 天之所予福祿常在不憂危殆  
晉

明 比目附翼相待爲福姜氏季女與君合德

家人

翁翁鞫鞫稍崩墜顛滅其令名長沒不全

睽 折芒蔽目不見雉叔三足飛鳥遠去家室  
蹇 羊腸九縈杳摧稍前止須王孫乃能上天  
解 坤厚地德庶物蕃息平康正直以綏大福  
損 有莘外野不逢堯主復歸窮處心勞志苦  
益 茸長景行來觀柘桑止伯自喜都叔允藏  
夬 周師伐紂戰于牧野甲子平旦天下喜悅  
姤 踰江求橘弁得大栗烹羊食豕飲食歌笑  
萃 敝笱在梁魴逸不禁漁父勞苦口焦喉乾虛室

无有

升 生有陰孽制家非陽遂受還作張氏易体憂禍

重凶

日之絕域異路多有恠惡使我驚懼思我故處

井 迷行失道不得馬牛伯賈迹亾市没无有

革 雌鸞生鵬神異興起乘雲龍騰民戴爲父

鼎 疊疊纍纍如岐之室皆一息十古公治邑

震 瘡瘍疥瘙孝婦不省君多疵贅四時作災

艮 羊頭兔足羸瘦少肉漏囊敗粟利无所得

漸 孽茂徒靡空無誰是言季不明樂減少解

歸 妹 妹貌親熟敗君正色作事不成自爲心賊

豐 四馬共轅東上太山駢驪同力无有重艱與君

咲言

旅 陰變爲陽女化爲男治道得通君臣相衛

其 南國少子才畧美好求我長女賤薄不與反得

醜惡後乃大悔

兌 昭公失常季女悖狂遜齊處野喪其寵光

節 文山紫芝雍梁朱草生長和氣王以爲寶公尸

備食福祿來處

牽羊不前與心異旋聞言不信誤給丈人

東山西山各自止安心雖相望竟不同堂

鹿求其子虎廬之里唐伯季耳貪不我許

三虎上山更相距哮心志不親如仇與怨

節之第六十

海爲水王聰聖且明百流歸德无有叛逆常饒

優足不利攻玉所求弗得

末二句疑衍

虎豹怒咆慎戒外憂上下俱搔士民无聊

揅巢得雛鳩鵲俱來使我心憂

日望一食常恐不足祿命寡薄

良馬疾走千里一宿難逃它鄉誰能追復

鵲巢鳩城上下不親內外乖畔子走失顧

雲龍集會征討西戎招邊定衆誰敢當鋒

春多膏澤夏潤優渥稼穡成熟畝獲百斛

僮妾獨宿長女未室利无所得

四野不安東西爲患退身止足无出邦域乃得

全完賴其生福

履 長寧履福安我百國嘉賓上堂與季同牀

泰 騏驥綠耳章明造父伯夙奏獻衰續厥緒佐文

成霸為晉元輔

否 張陳嘉謀贊成漢都主歡民喜其樂休休張良陳平

也

太面長頭來解君憂遺吾福善與我嘉惠

畏昏不行待旦昭明燎獵受福老賴其慶

謙 伯去我東首髮如蓬長夜不寐輾轉空床內懷

惆悵憂摧肝腸

豫 朽條腐索不堪施用安靜候時以待親知

隨 比目四翼相倚為福姜氏季女與君合德

蠱 履墜升墀高登崔嵬福祿洋溢依天之威

臨 奢淫吝嗇神所不福靈祇憑怒鬼瞰其室

觀 大步上車南到喜家送我狐裘與福載來

嗟 東行西步失次後舍乾侯野井昭王失居與彼

作期不覺至夜

賁 喜樂踴躍來迎歡客鵲巢百兩以成嘉福多獲

利益



剝 非理所求誰肯相與往來不獲徒勞道路

復 北虜匈奴數侵邊境左衽為長國猶未慶

妄无 續事康域鉞折不成嬰兒短舌說辭无名一作征不

以理辭乃无名縱獲臣子伯功不成

大畜 景星明堂麟遊鳳翔仁施大行頌聲作興

願 文明之世銷鋒鑄耜以道順昌百王不易一作焚膏

銷鋒鎮歷危凶招來文德君安其國

大過 鳥飛无羽鷄聞折距徒自長嗟誰肯為侶一作不順

其德自為凶咎

坎 羣隊虎狼齧彼牛羊道路不通妨農害商

離 商伯沉醉庶几奔走淫女蕩夫仁德並孤

咸 三狸搏鼠遮遏前後當此之時不能脫走

恒 陶叔孔圉不處亂國初雖未萌後受福慶

遯 奮翅鼓翼翔翔外國逍遙比域不入温室

大壯 德音孔博升在王室八極蒙祐受其福祿

晉 當變立權摠解患難渙然冰釋大國以安

明夷 羽動角甘雨續草木茂年歲熟

家人 天所祐助福來禍去君王何憂

勝方豕廣口聖智仁厚釋解倒懸唐國大安  
蹇葛藟蒙棘萃不得實讒佞亂政使恩壅塞  
解皇母多恩字養孝孫脫於襁褓成就爲君  
損積水下濕北陸苦寒露宿多風君子傷心  
益伯夷叔齊貞廉之師以德防患憂禍不存  
夫一雌二雄子不得公亂我族類使吾心憤  
妬主安多福天祿所伏居之寵昌君子有光  
萃千歲槐根利多斧癩樹維枯屈枝葉不出  
升周師伐紂勝殷牧野甲子平旦天下大喜  
困日走月步趨不同舍夫妻反月主君失居  
井宣勞就力爲王主國安土成稷天下蒙福  
革飄德誦功美周盛隆莫旦輔成光濟冲人  
鼎晝夜不寢憂來益甚戒以危懼棄其安居  
震思願所之乃今逢時洗濯故憂并其所來  
艮尊尊懾懾夜行晝伏謀議我資來攻吾室空盡  
已財幾无所食  
漸駢牛亾子鳴於大野申後陰徵還歸其母說我  
除悔

歸妹 王良善御伯樂知馬周旋步驟行中規矩止息

有節延命壽考

豐 釋然遠咎避患革害田獲三狐以貝為寶

旅 仁獸所處國无凶咎市賈十倍復歸志里

巽 六目俱視各欲有志一言不同乖戾生訟

兌 傳說休明驂御四龍周徑萬里无有危凶

渙 伯仲叔季日暮寢寐醉醒失明喪其貝囊臥拜

道旁

中孚 江有寶珠海多大魚亟行疾至可以得財

小過 遠視千里不見所視離婁之明无益於耳

既濟 弱足則跟不利出門市賈无麤折亡為患

未濟 利盡得媒時不我來鳴鷓深步寡宿獨居

中孚之第六十一

中孚 鳥鳴喑喑天火將下燔我屋室災及妃后

乾 黃虹之野賢君所在管仲為相國无災咎

坤 叔梁有名相與合齒乾坤利貞乳生六子長大

成就風言如母

屯 蝗鬻我稻驅不可去實穗无有但見空藁

蒙 嬰孩求乳母歸其子黃麴悅喜

需 折箬蔽目不見稚叔失旅亡民遠去家室

訟 犇羊羶首君子不飽年饑孔荒士民危殆

師 靈龜陸處盤桓失所伊子退耕桀亂无輔

比 威約拘囚爲人所誣臯陶平理幾得脫免

小畜 烏升鵲舉照臨東海龍降庭堅爲陶叔後封於

蓼丘福履綏厚

履 四目相視稍延同執日映之後見吾伯姊

泰 大步上卓南至喜家送我狐裘與福載來

否 穿都相合未敢面見媒妁无良使我不鄉

同人 鴻飛遵陸公母不復伯氏容宿

大有 伐戍失期患至无聊懼以發難爲我開基邦國

憂愁

謙 伯氏爭言戰於龍門構怨結禍三世不安

豫 周政養賊背生人足陸行不安國危爲患

隨 蚬蟾歡喜草木嘉茂百果蕃生日益富有

蠱 薄災暴虎風吹雲却欲上不得復歸其宅

臨 乘輜駕驪遊至東齊遭遇行旅送我以貨厚得

利歸

觀 鳳生十子同巢共乳歡悅相保

嗑 桃雀竊脂巢於小枝動搖不安爲風所吹心寒

慄搖常憂殆危

賁 東山西山各自止安雖相登上不得同得

剝 匍匐出走驚懼之恐白虎生言三世在不

復 重戈射隼不知所定質疑著龜告以肥牡明神

荅報宜利止居

无 開門內福喜至我側加貝善祥爲我家宅宮城

洛邑以昭文德

大畜 烏飛狐鳴國亂不寧下強上弱爲陰所刑

頤 三鷄啄粟八雛從食饑鷹卒繫失亾兩叔

大過 歎息不悅憂逆中出喪我金罍无妄失位

坎 剛柔相呼二姓爲家霜降旣同惠我以仁

離 送我季女至於蕩道齊子旦夕留連久處

咸 低頭竊視有所畏避行作不利酒酸魚敗衆莫

貪嗜

恒 典策法書藏在蘭臺雖遭亂潰獨不遇災

遊 且醉病酒暮卽瘳愈獨不及咎

莊大 畫龍頭頸文章不成甘言美語說辭不名

晉 日月運行一塞一暑榮光赫赫不可得保顛躓

殞墜更為士伍

明 爭利王市朝多君子蘇氏六國獲其榮寵

人家 六蛇奔走俱入茂草驚於長塗畏懼豕口

睽 懸貮素餐食非其任失輿剝廬休坐徒居

寒 歡欣九子俱見大喜携提福至王孫是富

解 伯夷叔齊貞廉之師以德防患憂禍不存

損 雄聖伏名人匿麟驚走鳳飛北亂潰未息

益 久鯀无偶思配織女求其非望自令寡處

夫 破亾之國天所不福難以止息

妬 老慵多欲弊政為賊阿房驪山子嬰失國

萃 三殺六狎相隨俱行迷入空澤經涉虎廬為所

傷賊死於牙腹

升 噬嚙噓嚙昧冥相搏多言少實語无成事

困 舞陽漸離擊筑善歌慕丹之義為燕荆軻陰謀

不遂霍日死亾功名何施

井 尹氏伯奇父子分離无罪被辜長舌爲災

革 五精亂行政逆皇恩湯武赫怒天伐稱域

鼎 西歷玉山東入玉門登上福堂飲萬歲漿

震 行觸忌諱與司命忤執囚束縛拘制於吏迷人  
有喜

艮 機父不賢朝多讒臣君失其政保我又貧

漸 三人俱行北求大狩孟長病足請季負囊柳下  
之貞不失我邦

歸 鶴思其雄欲隨鳳東順理羽翼出次日中雖留

比 邑復歸其室

豐 常德自如不逢禍災

如一作加

旅 白鶴遊望君子以寧履德不愆福祿來成

巽 膚敏之德發憤志貪虜豹擒虎爲王得福

兌 百足俱行相輔爲強三聖翼事王室寵光國富  
民強

渙 生不逢時困且多憂年老衰極中心悲愁

節 出門蹉跌看道後旅買羊逸亾所謂迤走空手  
握拳坐狼爲咎

小過 牧羊稻田聞虎喧謹畏懼惕息終无禍患

既濟 龍潛鳳池箕子變服陰孽萌作

未濟 國无比隣相與爭強紛紛凶凶天下擾攘

小過之第六十二

小過 初雖驚惶後乃无傷受其福慶永永其祥

乾 積德累仁靈祐順信福祉日增

坤 謹慎重言不幸遭患周召述職脫免牢門

屯 鳥飛鼓翼喜樂堯德虞夏著功要荒賓服

蒙 牙孽生齒室堂啓戶幽人剝貞鼓翼起舞

需 使伯東求拒不肯行與叔爭訟更相毀傷

訟 手足易處頭尾顛倒公爲雌姬亂其蚕織

師 匠卿操斧豫章危殆袍衣旣剝祿命訖已

比 天女踞床不成文章南箕无舌飯多砂糠虐眾

盜名雌雄折頸

小畜 大椎破鞞長舌亂國床第之言三世不安

履 銜命辱使不堪厥事中墜落去更爲負載

泰 三蛇共室同類相得甘露時降生我百穀

否 衣繡夜遊與君相逢除患解惑使君不憂



同人 被髮獸心難與爲隣來如風雨去如絕絃爲狼  
所殘

大有 剛柔相呼二姓爲家霜降旣同惠我以仁

謙 牛耳聾曠不曉聲味委以鼎俎治亂潰潰

豫 低頭竊視有所畏避行旅不利酒酸魚餒參莫  
貪嗜

隨 兩師娶婦黃巖季子成禮旣婚樾呼南上膏我  
下土年歲大有

蠱 戴盆望天不見星辰顧小失大道遶墻外

臨 二人輦車徙去其家井沸釜鳴不可以居

觀 攘臂反肘怒不可止狼戾腹心无與爲市  
嗟 湯火之憂轉解喜來

賁 忠信輔成王政不傾公劉肇基文武綏之

剝 登高折木頓躡蹈險車傾馬疲叔伯嗟噓

復 桑方隕落黃葉敗散失勢傾側如无所立

无妄 鸞鳳翱翔集于家國念我伯姊與母相得  
大畜 陰滌所居盈溢過度傷害禾稼

頤 霄冥高山道險峻難王孫罷極困於阪間

大過 和璧隋珠爲火所燒冥昧失明奪精无光棄於

道傍

坎 虞君好田惠我老親恭承宗廟長慍不去復我

內事

離 爪牙之士怨毒祈父轉憂與已傷不及母

咸 倉盈庾億宐稼黍稷年歲有息

恒 窻牖戶傍道利明光賢智輔聖仁德大行家給

人足海內殷昌

遯 切切之患凶重與薦爲虎所吞

大壯 水无魚滋陸爲海涯君子失居小人相携

晉 九疑鬱林沮濕不中鸞鳳所惡君子攸去

明夷 六翮泛飛走歸不及脫歸王室上其駢特

家人 不直莊公與我爭訟媒伯无禮自令壅塞

睽 倉庚多億宋公危殆吳子巢門殞命失所庚一作庚

蹇 失羊捕牛无損无憂

解 夏麥麩麩霜擊其芒疾君敗國使我誅傷

損 昧昧暗暗不知白黑風雨亂擾光明伏匿幽王

失國

益 執斧破薪使媒求婦和合二姓親御飲酒色比  
毛嬙姑公悅喜

夫 六疾生狂癡走妄行北入患門與禍爲鄰  
姤 驅羊就羣狼不肯前慶季復諫子之被患  
萃 二人異路東趨西步十里之外不知相處  
升 義不勝情以欲自營覩利爲躬折角摧頸  
困 騷騷擾擾不安其類疾在頸項凶危爲憂  
井 三河俱合水怒湧躍壞我王室民困於食  
革 陽曜旱疾傷病稼穡農人无食

鼎 流浮出食載參入屋釋轡繫馬西南廡下  
震 門戶之居可以止舍進士不殆安樂相保  
艮 過時不歸雌雄苦悲徘徊外國與母分離  
漸 中田有廬疆場有爪獻進皇祖曾孫壽考  
歸 失時无友覆家出走何如喪狗  
妹 豐 反鼻岐頭三寡獨居

旅 衣裳顛倒爲王來呼成就東周封受大福  
巽 飛不遠去還歸故處與事多悔

兌 含血走禽不曉五音匏巴鼓瑟不悅於心

換 求玉獲石非心所欲祝願不得

節 山崩谷絕大福盡歇涇渭失紀玉石既已

中 雜目懼怒不安其居散漫府藏无有利得

既濟 衆邪充側鳳凰折翼微子復北去其邦國

未濟 六月采芑征伐无道張仲季叔孝友飲酒

既濟之第六十三

既濟 亥兔捐掌與足相視證訊詰問註情自倡死誣

難告口爲身禍

乾 游駒石門駮耳安全受福西隣歸隱玉泉

坤 陽春草生萬物風興君子所居禍災不到

屯 人无足法紱除牛出雄走羊驚不失其家

蒙 太山上奔變見太傲陳吾廢忽作爲禍患

需 乘龍光土先暗後明燎獵大得太師以昌

訟 羊頭兔尾羸瘦少肉漏囊貯粟利无所得

師 因禍受福喜盈其室螟虫不作君无苛惑

比 舜升大禹石夷之野徵詣王門拜治水上

小畜 烏子鵲雛常與母居顧類群聚不離其巢

履 夷羿所射發輒有獲增加倉鷹雙鳥俱得

泰 景風文翰大舉就温昧過我邑羿无所得  
否 六喜三福南至歡國與喜同樂嘉我潔德  
同人 聞龍股折日就遂明自外為主弟伐其兄  
有大 蒙慶受福有所獲得不利出域

謙 蠻夷戎狄太陰所積涸水沍寒君子不存  
豫 畏昏潛處候時昭明卒遭白日為榮祿主  
隨 水流趨下欲至東海求我所有買鮓與鯉  
蠱 冠帶南行與福喜期微為嘉國釋為逢時  
臨 莎鷄振羽為季門戶新沐彈冠仲父悅喜

觀 結衿流溺遭讒墮桔周召述職身受大福  
嗟 山鼠野鷄意常欲逃拘制籠檻不得動搖  
賁 居華山巔遊觀浮雲有雨不濡心樂无憂  
剝 傾倚將顛亂不能存英雄作業家困无年  
復 心願所喜乃今逢時保我利福不離兵革  
无妄 靈龜陸處盤桓失所阿衡退耕夏封於國  
大畜 菡水之右有西王母生不知老與天相保不利  
行旅

頤 抱瑰求金日暮坐吟終身卒歲竟无成功

大過 言笑未畢憂來暴卒身加檻梏囚繫縛束

坎 望幸不至文章未成王子逐兔大跡不得

離 震悚恐懼多所畏忌行道留難不可以步

咸 雄狐綏綏登山崔嵬昭告顯功大福允興

恒 火起吾後喜炎我廡倉龍舍水深溪吾柱雖憂

无咎

遯 危坐至暮請求不得膏澤不降政戾民忒

大壯 孟春和氣鷹隼搏鷙衆雀憂潰

晉 緩法長好不能理究沉酒失節君受其患

明夷 魚鱉貪餌死於網釣受危因寵為身殃咎

家人 金精耀怒帶劍過午徘徊高原宿於山谷兩虎

相距弓矢滿野

睽 四目相望精近同光並坐鼓簧

蹇 茹芝餌黃飲酒玉漿與神流通長无憂凶

解 求獐嘉鄉惡蛇不行幽岐口還復反其床

損 天門地戶幽冥不觀不知所在觀又作觀

益 跛足息肩有所忌難金城鐵郭以銅為闕藩屏

息衛安止无患

夬 三雁俱飛欲歸稻池經涉山澤爲矢所射

姤 濟深難渡濡我衣袴王子善濯决無他故

萃 飲酒醉飽跳趨爭鬪伯傷叔僵東家治喪

升 跛躓未起失利後市蒙被殃咎不得鹿子

困 辰次降婁建星中堅子无遠行外顛霄陷遂合

訖終

井 商風召寇來呼外盜間謀內應與我爭鬪殫已

寶藏主人不勝

革 甘露醴泉太平機關仁德感應歲樂民安

屯 蔡仲子突要門逐急禍起子傷弟伐其兄鄭文

不目

震 反孽難步留不及舍露宿澤陂亾其襦袴

艮 狼虎結謀相聚爲保伺候牛羊病我商人

漸 明德克敏乘輿貢舉故勳御用人哲蒙祐

歸 貧鬼守門日破我盆毀罌破甕空虛无子

豐 天命赤鳥與兵徵期征伐无道箕子遨遊

旅 威約拘囚爲人所誣臯陶平理剖械出牢脫歸

家間

巽 羊驚虎狼聳耳羣聚无益威僵為齒所傷

兌 初雖啼號後必慶咲光明照耀百嘉如意

渙 馬服長股宜行善市蒙祐諧耨獲金五倍

節 應門內崩誅賢殺暴上下咸愜景公失位長歸

元恒望妻不來

孚 執斧破薪使媒求婦好合二姓親御斯酒色比

毛媼姑悅公喜

過小 兩輪日轉南上大阪四馬共轍无有險難與禹

咲言

既濟 千柱百梁終不傾偃周家寧康

未濟之第六十四

未濟 志慢未習單酒糗脯數至神前欲求所願反得

大患

乾 旦生夕歿名曰嬰鬼不可得祀

坤 大步上車南至喜家送我狐裘與福喜來

屯 西多小星三五在東早夜長行勞苦無功

蒙 北陸藏冰君子心悲困於粒食鬼驚我門

需 山泉暴怒壞梁折柱稽難行旅留連愁苦



訟 比目四翼來安吾國福喜上堂與我同林

師 狡兔趨趨良犬逐咋雄雌爰爰爲鷹所獲

比 增祿益福喜來入室解除憂惑

畜小 騎龍乘鳳上見神公彭祖受刺王喬贊通巫咸

就位拜福无窮

履 天火卒起燒我旁里延及吾家空盡已財

泰 金帛黃寶宜與我市嫁娶有息利得萬倍

否 鬼魅之居凶不可舍

人同 飛鳥逐兔各有畏惡鵬鷹爲賊亂我室舍

有六 初雖驚惶後乃无傷受其福慶

謙 兩金相擊勇氣均敵日月間戰不破不缺

豫 曳綸河海掛釣魴鯉王孫利德以享仲發一作友

隨 犬畏虎狼依人作輔三夫執戟伏不敢起身安

无咎

蠱 蜘蛛作網以同行旅青蠅嚙聚觸我羅域爲網

所得歿於網羅

臨 所望在外鼎命方來拭爵滌鬯炊食待之不爲

季憂

觀 日月並居常暗匪明高山崩顛丘陵為溪  
嗟 春服既成載華復生莖葉茂盛實穗泥泥

賁 華首山頭仙道所遊利以居止長无咎憂

剝 三狐嗥哭自悲孤獨野无所由死於丘室

復 火中暑退求藿其食商人不至市空无有

无妄 獨立山巔求麋耕田草木不闕秋饑无年

大畜 火雖熾在吾後寇雖近在吾右身安吉不危殆

頤 齟齬譎譎貧鬼相責无有權怡一日九結

大過 追亾逐北呼還勿叔至山而得及歸其室

坎 街命辱使不堪厥事遂墮落去更為欺吏

離 被珠銜玉沐浴仁德應聘唐國四門穆穆孟賊

不作凶惡伏匿

咸 機闕不便不能出言精誠適通為人所寃

恒 甕破缶缺南行亾先

遯 唇亾齒寒積日凌根朽不可用為身災患

大壯 蒙惑憧憧不知西東魁罡指南告我失中利以

宜止去國憂患

晉 鳥鵠搏翼以避陰賊盜伺二女賴厥生福旱災

爲疾君无黍稷

明夷名成德就項領不伐景公耄耄尼父避去  
言與心詭西行東望鯨湮洪水佞賊爲禍

睽 狡狴匪度治兵焦元伐鎬及方與周爭疆獲戎

其駕衰及夷王

一作以  
安我王

蹇 三火起明雨滅其光高位疾顛驕恣誅傷

解 陰涿川決水爲吾崇使我潰心母刺棄麻居止

凶殆

損 厭浥晨夜道多湛露沾我襦袴重難以步

益 宐行賈市所求必倍載喜抱子與利爲友

夬 陰變爲陽女化爲男治道得通君臣相承

姤 淵蔽牡荆生蔚山旁仇敵皆憎孰肯相迎

萃 坐茵乘軒握德宰臣虞叔受命六合和親

升 雲與蔽日雨集草木年茂歲熟

困 搯枝折岐與母別離絕不相知

井 天旱水涸枯槁无澤困於沙石未有所獲

革 圭璧琮璜執贄見王百里甯戚應聘齊秦

鼎 龍馮求飲雲黑景從河伯捧醴跪進酒漿流瀆

滂滂

震 電梅零蒂心思積憤亂我雲氣

艮 鹿求其子虎盧之西唐伯季耳貪不我許

漸 穿袍挹水描鏡然火勞瘦力竭饑渴爲禍

歸 龍生馬淵壽考且神舍宿軒轅居樂常安

豐 崔嵬北岳天神貴客溫仁正直主布恩德衣冠

不已蒙受大福

旅 鬼夜哭泣齊失其國爲下所賊

巽 二政多門君失其權三家專制禍起季

兌 望幸不到文章未就三子逐兔犬蹄不得

渙 伯虎仲熊德義淵泓使布五教陰陽順序

節 兩足四翼飛入家國寧我伯姊與母相得

中 春秋禱祝解禍除憂君无災咎

小 牧羊稻園閻虎喧懼畏懼悚息終无禍患

既 濟 大蛇巨魚相搏於郊君臣隔塞郭公出廬

易林卷四終



目錄  
卷四